


СЕРАФИМ ПОПОВ



ВОЙ КЪА УЛЫН

СЕРАФИМ ПОПОВ

ВОЙ КЫА УЛЫН

Кывбуръяс



Сыктывкар
Коми книжной издательство
1988

Серафим Попов

П58 **Вой кыа улын: Кывбуръяс, поэма.**— Сыктывкар: Коми книжнӧй издательство. 1988.— 192 л. б.

В пер.: 1 р. 10 к. 2000 экз.

Серафим Алексеевич Попов — став Коми му пасьта нималана поэт. Тӧдӧны сійӧс роч поэзия радейтысьяс, вуджӧдӧма гижӧдъяссӧ и рубежсайса народъяслӧн кывъяс вылӧ. Кыдзи и воддза кывбуръясас автор ошкӧ, вылӧ кыпӧдӧ зарни кияса йӧзӧс: механизаторъясӧс, дояркаясӧс, нефть перйысьясӧс да с. в.

Надейтчам, мый коми поэзия радейтысьяслы тайӧ выль книгаыс воас сьӧлӧм вылас.

84 Ко-5

П 4702290000—050
М 128 (03)—88 30-88 м

ISBN 5-7555-0016 9

© Коми книжнӧй издательство, 1988.



**ПӖСЬ АТТЬӖ,
СИЖТЫН ОЛЫСЬ МОРТ**



1900

CHRISTIAN QUIRK MORT

CHRISTIAN QUIRK MORT

CHRISTIAN QUIRK MORT

CHRISTIAN QUIRK MORT

CHRISTIAN QUIRK MORT

CHRISTIAN QUIRK MORT

CHRISTIAN QUIRK MORT

CHRISTIAN QUIRK MORT

* * *

Мед шонді дзебсис,
синнымös оз ёр,
и вөр-ва лönис.
Бара воис ар нин.
Куш борйын куйлö
сöмын косьмöm кор —
быд пуысь усьöm
кышакылысь зарни.

Но кодлы мустöm
татшöm шуда кад,
кор озырлуныс
ыбысь сиктö вуджö?
Выль вынъяс чöжö
миян сöвмысь сад,
а сьölöm зэвтчö
босьтчыны выль уджö.

Пöсь аттьö тэныд,
сиктын мырсысь морт,
мый мулысь лов шы
видзан сьölöm бердад,
и садьман водз,
и водан вывтi сёр,
мед карса йöзöс
юктавны да вердны.

И бара абу ылын
көдзыд төв,
а сы бөрын — виль тулыс
да виль гожом...
Быд пызан ылын
унджык яй да йөв
мед лоас Леткаын
и Висер вожын.

Мед шонді дзевсис...
Сылөн аслас удж!
Но нюммунас,
кор бара аддзас сійөс,
кыз веж петаслөн
нэриник на вуж
крестьянин пилөн
ловзяс гаддьось киас.

МЕ ВӨВЛІ КРЕСТЬЯНИН ПИӨН

Ме вөвлі крестьянин пиөн,
и абу куш аслам мыж,
мый му бердысь юкис киөс
мөд олөмө кывтысь пыж.

Но сьөлөмын ставыс олө,
мый көдзлісны бать да пөль,
көть пызанным няньөн-солөн
сэк ёна жө вөлі гөль.

Ме сэк сөмын лои шуда,
водз асылын вөлөн кор
ыб вомөн ме весьтас вуджи
тшөтш косявны ассьым бор.

А му вöлі пöсь да руа,
мам морöс кодь небыд, шань.
Сэк öтвылысь юкны шуим
быд гöрысьлы быдтöм нянь.

Мед сойясысь вынöй чинис,
но пöрысьлун оз на пык,
кор вöвлöм лöнь вöлöсть дiнысь
ён тракторлысь кыла зык.

Выль музыка этшön кывтö
выль ыбъясöд сыланкыв,
да кияснас трактор вывсянь
дыр öвтöны зон да ныв.

А кытысь ме корся кывъяс,
мый сьölöмын менам эм?
Мед тiянкöд, зонъяс, нывъяс,
бур шуд лоас да кузь нэм!

НАСТАВНИКЪЯС

*Анна Романовна Ветошкиналы да
Василий Петрович Кажиковлы, «Сто-
рожевскöй» да «Усть-Вымскöй» сов-
хозъясса механизаторъяслы.*

Мед токарлön удж абу вывті нин еджыд,
кöрт пилипызь йиджтöма
чужöм и ки,
но тöда:
быд сьölöмысь чепöсьяс вежыд,
кор аддзанныд сiйöс
станок бердсьыс тi.

Оз прöста художникъяс
рисуйтны кияс,

кор гижоны кодлыськө
ловья портрет,
а токарь-наставниклы
сыланкыв сиас
да зэв ылөдз нимодас
медбур поэт.

И токарыд вермө тай
лоны творецөн
и артавны вермө
быд вöраслысь дон.
Тэ видзөд жö, видзөд,
кызд бöрйö резецсö
наставникыд тэнад,
сюсь синъяса зон!

Со тадз колö уджавны
быдөнлы кужны,
мед сьөлöмыд сьылö,
а вежöрыд сөдз...
Öд му шöрад
некутшöм кöйдыс оз чужлы,
он бура кö сийöс
да ас кадö кöдз.

А тракторъяс бара öд
петасны ыбö
да лэптасны тулыссö
сadyмöдан шум...
Сэк торйөн нин кыпыд,
кор шондыс лыбö,
наставниклөн чужöмас
ыпъялысь нюм.

МУ ВӨДИТЫСЬ САДЬМӨ ВОДЗ

Му вөдитысь садьмө водз,
шондыскөд вежмөн,
идравтөм кө турун лёдз,
ёгөн кө му эжмө.

Сылөн сьөлөмөдзыс дой
оз весьшөрө письтлы:
эз өд этша синва войт
пöльыс муас кисьтлы...

Му вөдитысь төдө дон
аслас крепыд кывлы:
батыс кодь жө быдмө зон,
зильөсь сылөн нывъяс...

Но, а медся ыджыд честь
шуда мамлы усис,
зиль дояркаөн оз весь
сиктын сійө шусы.

Му вөдитысь весиг шайт
весьшөрө оз койышт,
юас, горш кө косьмас, чай,
ваяс чөскыд сёян.

Вина лакысьяслы, дерт,
керка өдзөс пөдса,
некор некодлы десерт
зеллянад оз лөдсав.

Му вөдитысь — мича морт,
мичмөдө и сиктсө,
том и пöрысь сійөс кор
медбур пыдди ликтө.

Уджысь сьөлөмыс оз пов,
кийс збыльысь зарни.
Дзоньвидзаён сё во ов,
талунья ударник!

Абу матын на төвлөн помыс,
 мунны чарөмөд он на лыб,
 но өд кыскө нин агрономос
 тувсов төвъясөн өвтысь ыб.

Сійө быдөнысь медводз кылас,
 кызди визувтны кутас лым
 да лөнъ сикт саяс, ёна ылын,
 өдва мурөстас первой гым.

Вежа ва моз кө зэрыс усьө
 кушмөм ыбъясө сэсса кор,—
 босьтас ки вылас китыр мусин,
 кызди мамыслысь сьөлөм тор.

Гөрны-көдзны нин, шуас, позьө,
 муса вердысьөй, быдты-сет,
 сиктса войтырлы озыр козин,—
 өти шеп пыдди куим шеп!

Гашкө, озджык на тырмы скөрлун
 сылань вувзыны лөглун би,
 коді вунөдіс, кызди гөрны,
 полө лякөсьтны ассьыс ки.

Сиктад татшөмлы нинөм вөчны,
 уджтөг оз ло тыр няня куд.
 Мед веж петасөн ыб выв вөччас
 да быд керкаө пырас шуд!

Регыд, регыд нин воас тулыс,
 ыджыд төждлунлы абу пом!
 Аслас сьөлөмлысь моз жө мулысь
 кылас пөсьлунсө агроном.

ТЭНАД КЫРЫМПАС

Му вылад быдөн кольö
кутшöмкö да пас,
он вушты и он мольöд
некодлысь кырымпас.

Бура кө мутö гöран,
кывнад он уна из,
нюжалас трактор бöрад
уна зэв небыд визь.

Пуктасны мича турун,
тэнад тшöтш эм кө пай,
быдөнлы тырмас бура
картупель, йöв и яй.

Муыд быд югөр йиджтас,
ловзьöдас ыбтö зэр,
и öшкамöшка гижтас
зарниөн енэж эрд.

Выль керка кодкö тшупас,
вольсалас мича пос,—
шонділань жö выль тшупöд
матыстас содтöд кост.

Кутшöмкö мөд мог эм-ö
быдөнлы медся ас?
Шудтöм морт, коді нэмас
оз пукты мича пас!

ВОЙВЫВСА ГРЕЗДЛӨН СЕРПАС

Войвывлысь радейта
талунгя серпас,
вильмыны кутём быд грезд,
зіб йылө кыпөдіс,
кодлөн быд керка
телеантенналысь вез.

Көдзыдысь йизыштөм
өшиньын, видзөд,
дзордзалө лунвыв герань.
Сьөлөмас, тыдалө,
мичлунсө видзө
мөсьясөс вөдитысь ань.

Вөр весьтө сувтіс
важ вичкоысь джуджыд
ньөвьясөн осьлалысь ЛЭП.
Карьяслөн вынйөрыс
сиктгьясө вуджө
дзирдалысь югөрөн сэт.

Эндышглөм мупомса
бадь либө эжөр
том мортөс повзьөдас мөй?
Тайө выль серпассө
мөд вылө вежас
сөмын нин дышысла йөй.

СЫЛЫСЬ ЗЭР

Зэр оз синваён бөрд,
сійө — сьылө
сэк, кор садьмөдчө вөр,

лымйыс сылө;
сылө гожся водз асылын,
садьмөдө тэнө,
узытөм здукъястө пасъялө
керкалөн стенад;
сійө чуксалө видз вылө
өдйөджык мунны,
сылөн дзоридза морөсас
пырысь-пыр сунны,
медым ытшкигад унаысь
петавлас пөсьыд,
төлын, сы пыдди,
овнытө долыд да лөсьыд.
Зэрыд сылө и ыркыд,
но зарниа арын,
кор нин чиныштас шонділөн
гожйөдчан жарыс;
сылө каръяс да миян
деревняяс весьтын,
көні`свадьбуйтны дась
сө жөник да невеста.
Зэрыд некор оз бөрд,
сійө — сылө...
Сылысь сыланкыв
асланьд сьөлөмнад кылөй!

ЕДЖЫД РУА ВОЙЫН ФЕРМАӨ МУНИГӨН

Ывлаыс еджыд руа,
шы ни төв...
Прөшвияс дзык быд пуө
өшлас төв.
Синкымысь ньөжйө сылө
кокни пуж,
кок улын гора сылө

туй выв юж.
Войвылын сөмын овлө
татшөм вой,
вөтын моз быттьö ловзьö
мича мойд.
Здук кежлө сувтлы орччөн,
муса ныв,
сьөлөмöй кызди дорччö,
он мöй кыв?
Кынмөдчыны оз лөсяв
мем да тэд,
окасьны татшөм пöся
кад оз шед...
Мыйла нö чöла олан?
Мыйкö шу...
Нэм помөдз видзны колö
татшөм шуд!

* * *

Му кө гөрлин, — төдан сылысь дон,
амысь улад кызди сийö ловзьö.
Тöда бура, тракторвывса зон,
мича уджыд асьтö оз öд повзьöд.
Телезнаад кöйдысыд оз чуж,
бөрөздалөн туй джынйыс кө орö,
өг турунлөн чорыд да лөк вуж
ставсö венас аслас ыджыд горөн.
Эн, тэ сийöс му шöрад эн лэдз,
вөрөгöс моз голяöдыс орлав,
сиктса мортлысь слава да бур честь
лөк вужйыскöд öтлаö эн сорлав.
Шондi нюмъялö, и киссьö шоньд зэр,
тöv ру косьтö гөрöм мулысь морöс.
Синъяс водзад куйлö шуда эрд,

кодi сиктса том войтырöс корö
сетны сылы муслун да став сям,
сьöлöм пöсьнад сы дiнö и öйдны.
Муыд — сiйö ставлөн ыджыд мам,
мамтö жö оз кедзөвтны, оз дойдны.

ВОЙСЯ ШОНЫД ЗЭР БӨРЫН

Тулыс кöдзыдалiс дыр
миян Эжва вожын,
но руд кымөръясöд мырд
писькöдчис выль гожöм.

Лунвыв тöлөн шоныд зэр
буретш кольöм войын
чужан мулысь паськыд эрд
вежа вaөн койис.

Ловзисны быд бадь да пу
улыссиянь и вывсянь,
весиг ичöтик быд ю
руалис, кызд пывсян.

Гөгөр вöли сэтшöм лөнъ,
быттö асья асыв,
пөрчис кыаыслысь вөнъ
да и йөрмис расö,—
эз кыв лэбач сыланкыв,
шензьöмысла жуймис,
весиг вала мунысь ныв
шудлунысла чуймис,

юкмöс дорас туйыс кор
мунiгмозыс вошис...

Эз на вöv öд сылы сёр
тадзсö шöйöвошны!

Видза олан, сувтысь лун,
сэсса эн нин чусмыв!
Чужан сиктысь зон оз мун
корсьны пöсьджык муслун!

ТУРИПУВЛА ВЕТЛІ НЮРӨ

Турипувйыд, дерт, оз сюр,
он кö ветлы нюрö.
Ош табак, кыз самöкур,
сыысь кольмис юрöй.
Колö гортлань петны бөр,
но ог аддзы туйсö:
гөгөр сувтис тшем съод вөр,
некытчö он суйсьы!
Ош табак пöвстад и узь,
водзö нылав дуксö,
медым войын олысь сюзь
сералö да буксö.
Збыльысь, ковмис корсьны вутш,
а съод арся войын
кöдзыд зэрлөн лöсьыд душ
пöттöдз ваөн койис.
Дерт жö, нэм помöдз оз вун,
мыйта меным сюрис!
... Во чöж пыр виччыся лун
бара мунны нюрö.

РОЗЪЯЛӨ ПУВ

Лунвылын дзордзалө роза,
быдмөны тунг да мимоза,
меным жө мусаджык коз,
пувлөн быд нэриник роз.
Нитш весьтын ичөтик дзоридз
нинөмөн синтө оз ёр өд,
сідж жө, кызд яндысьысь ныв
вештыштө мусалысь сыв.
Му вылад дзоридзыд уна...
Коркө кө войвылысь муна,
лөсьода сьөлөмын поз
пуктыны пувлысь гөрд роз.
Мед сійө сәні и олө,
лымйөн тшөтш мусө кор толө...
Вөрын кор розъялө пув,
сәк сөмын медем ог кув!

ПОЖӨМА ЯГЫН

Пожөма ягө кор вола,
вунөдла медыджыд шог,
чуймөмла джөмдылас лолөй
видзчысьтөг морөсын... Ог
вештивлы мөдарлань синмөс,
дзорга пыр,— водз либө сёр
пожөмлөн туганлань инмас
кымөрлөн чукөрыс кор.
Кымөръяс кежөны бокө
яг весьтө вотөдзыс пыр.
Ыдждалө тані пыр гожөм,
сынөдыс сир дукөн тыр.
Сөмын на мыччысяс шонді

сотны, мый гудыр да сись,
быд пулөн туганыс пондас
ломзыны быттьокö сись.
Мусаось пожöма яглы
лым, сöстём лысва да зэр.
Мед жö оз мырддыны радлун
би, лэчyd пила да чер!

АСЪЯ НЮМ

Асывнад чеччан да мыйла он нюмъёвт,
меліа шу меным:— Шондіа асыв!..
Видзöдлы, кыаыс оз öмöй чуймöд,
тэрмасьтөг лыбö кор чöv ланьтём расö.

Вөр-ваыс ас кежас нюмъявны кöсйö,
кыпыдөн-шудаөн лоас мед луныс.
Вежтас сай, видзöд, кыз ыпнитас-öзъяс
йöзлы и дзоридзлы радлунсö нуны!

Узны оз позь татшöм вежалöм кадö,
сылöмөн пыр эськö ытшкыны-гөрны...
Мыйла нö му вылад, öтувъя садъяд,
войтырыс чой-вок моз овны оз төрны?

Меліа нюмъёвт, кор асывнад садьман,
медым оз гудыртчы шондіа луныс.
Му вылын олысьлөн медыджыд радлун,—
сьөлöмас асья нюм кöдзавтөг нуны.

ТӨЛЫСЯ ВОЙӨ

Енэжті кылалө гатшасьөм төлысь,
лэптөма зарни кык сюр.
Мыйлакө чужөмөс чеплялысь төлыс
өтнаскөд сыкөд оз дур.

Кок улын лым южыс шыалө-сьылө,
юр весьтын кодзулөсь вой.
Кытысь тэ аддзылн,
сьөлөмшөр нылөй,
войвылысь мичаджык мойд?

Лым сывйын муыс и юыс, и вөрыс,
син водзад куш еджыд рөм,
сы вылө енэжсьыс быттьөкө пөрис
пестер тыр дзирдалысь сьөм.

Козьнала ставсө, ог жалит ме тэныд,
нэм кежлад мичлунсө босьт!
Сылы, код муслунөс тэ динө венас,
сьөлөмтө өтнаслы восьт.

* * *

Мича джодждөра ог ньөб,
ачым сийөс кыа,
медым нюмъяліс быд төб,
кыдзи асья кыа.
Татшөм джодждөраөд мед
муса другөй пырас,
некор ме кодыс оз шед
сылы мича нылыс.
Пызан дөра ме ог ньөб,
ачым сийөс кыа,

кодлысь рөмъяссö оз төд
ачыс войвыв кыа.
Пызан дөралөн быд сер
менö оз öд янöд
сэк, кор пуксяс кавалер
орччөн либö паныд.
Юрлöс вевттьöд ме ог ньöб,
ачым сийöс кыа:
видз выв дзоридз воссяс нöб,
енэж рöма тыяс...
Небыд юрлöс вылын пыр
юрöс арся войын
пондас кутны шудөн тыр
том верöслөн сойыс.

ДОВАЯС

*Налы, кодъяслөн подвигыс Брестса
геройяс серти абу ичöтджык.*

Сэтшöм керкаыд сиктад абу,
эм кө, индöй тi, көнi эм,
медым пöрысьмöм дöва баба
сэни ассъыс эз колльöд нэм.

Кыдзи пармаса дзормöм козлы
сöмын дзуртыштан коли удж,
вöтнас верöссö аслас позйысь
дöва аддзывны оз нин куж.

Сийö тупкысис быттьö руөн,
синва быри и син дор кос,
öти кок пöвнас пырис муö
верöс киясөн вöчлöм пос.

Пөчөн шуысьясыд кө эмөсь,
постө вөчасны, абу мог!
Дөва мамъяслы кызьөд нэмад
тырмис пөттөдзныс курыд шөг.

Сөмын шөг өмөй? Вөвлі ичмонь
да эз казьявлы, лои пөч...
Мыйта коньөрлы уджыс вичмис,
сійөс некод эз артав стөч.

Да и өні оз өшйы инас,
көть и эм көнкө пи да ныв,
лэптас, ковмас кө, стопка вина
да тшөтш нюжөдлас сьыланкыв.

Нимтім кувлывтөм йөзөн найөс,
кодъяс пуктісны тышын юр.
Муса дөваяс,
тіян пайлы
помөдз донъялан дон оз сюр!

НЮМЪЯЛӨ ТУВСОВ ШОНДИ

Му вөдитысь рөдын кө тэ чужин,
бура төдан аслад мулысь дон.
Видзөда,
кызд бергөдчө да вуджө
вына трактор сылысь чорзьөм пом.

Бара воис тулыс миян сиктө,
зэв меліа сьылө колипкай.
Збыль өмөй нө югыд тувсов войыс,
а оз Шонді озырлунтө вай?

Мыйкө талун збыльбьсь лои мекөд,
нюмъяла, ог синва сорөн бөрд:
мыйла нө оз казав шогсө некод,
му помлань оз сибавлы кө гөр?

Дас во, дерт, эз волы сэтчө куйөд,
татшөм шудыс коньөрлы эз усь,
эз веськавлы гөстьөн гөрөм туяс
көйдысидлөн жебиник да тусь.

Яндзим татшөм му дінад и локны,
а өд сылөн абу өти пом...
Волы тшөтш, эн жалит ассьыд коктө,
видзөдлы да бура, агроном!

Пөльяслы көть шудлуныс эз сидзлы,—
налөн олөм вөлі вывті гөль,—
мутө аслас синмысь бура видзны
велөдіс бур пиянсө быд пөль.

Вывті кутім озырөсь ми лоны,—
ныр улысь оз вошлы нянь ни вый...
Кодкө шуас: мыйла кутін воны,
эндьштіс кө му пом... Но и мый?..

Абу, сідзкө, тэ крестьяна рөдысь,
урөсмөдан ас кинад кө му...
Яндзимлунтө неуна кө төдан,
асьтө бур йөз суд водзө и ну.

МУСЛУН

Мый сэтшөмыс муслун,
кодлы, кыз да кор
нэмнас өтчид усьлө
медся донатор?

Оз мӱй синъяс водзын
сӱйӱ ыпнит-чуж,
и оз югыз кодзув
енӱж шӱрысь вудж.
Паныдасяс сӱйӱ
тӱкӱд, син на син,
кодлы сьӱлӱм пиад
восьса оланӱн...
Бордьяссиян и ачыз,
вунӱдан быд шог,
оз ковмы и дача
вӱсна пессян шог,
оз ков зарни чукӱр
либӱ сылӱн пай,
шудлунтӱ оз чуктӱд
да оз сӱйӱ вай...
Завидьлуныд полӱ
сӱтчӱ сӱйны ныр,
мӱслуныд кӱн олӱ
аслас шудӱн тыр.

МИЯН НЫВЪЯС

Миян нывъяс йылысь слава
Талун вуджӱ витсӱ верст...
Верӱс сайӱ муӱӱ Клава,
Машӱ оз жӱ кольччы, дерт!

Сватъяс кыссьӱны совхозӱ,
Ӑти бӱрся локтӱ мӱд.
Тадз кӱ лоны кутас водзӱ,—
Оз коль нывъяслӱн и рӱд.

Асьныд, зонъяс, тӱ эн узьӱй,
Шуӱй сват-сваттялы кыв:

Мөд деревнясалы вузөс
Оз ло весиг öти ныв!

Быдөн устөмөсь ті асьныд,
Быдөн прамөй жөникпу.
Озырлунсө воөм сватным
Некор мөд сиктө оз ну!

Ми кодь нывъяссө и карысь
Биа пөнарөн он корсь.
Гажа свадьба локтан арын
Некод ми мында оз ворс!

НЕБЕСАӨ ЗАРНИ ТӨЛЫСЬ ПЕТӨМА

Небесаө зарни төлысь
петөма...
Мустөм сайө верөс сайө
сетө мам!
Ой, тэ, мамөй, муса мамөй,
он мөй төд,
Сыысь мусаджыкыс меным
эм нин мөд!
Сійө удал, сійө мича,
сійө том —
Институтысь сиктө воөм
агроном.
Кутам радлыны да гөрны-
көдзны му,
Челядь синъясын пыр ворсны
кутас нюм.
Ассьыд нэмтө тэ нин олін,
муса мам,
Менам аслам өні тырмө
вөля-сям!

Дзирдав, лысва, уна рөмөн,
кыа, ворс.
Тайö му вылас ме медся
шуда морт!

АСЪЯ КЫА

Асъя кыа, кыа водз лэбалö

(Коми народнöй сыланкывйысь)

Парма оз гыв да шыав,
вөр-валөн джуджыд на ун,
сувтö кор му весьтö кыа,
удж вылö чуксалысь лун.

Асъя кыа,
лэбач шыөн
радлун сёлöмъясö кы вай!
Асъя кыа,
зарни асыв,
югдöд паськыд мусö-васö!

Лысва кö усьыштас — косьмас.
асъя зэр волас, кыз гөсть,
гöрысьлы-көдзысьлы воссяс
шондйыс важсьыс на пöсь.

Кагалөн синъясысь ясыд
енэжлөн кельыдлöz вон.
Казьтылö кымөртöm асыв
шудлунлысь артавтöm дон.

Асъя кыа,
лэбач шыөн
радлун сёлöмъясö кы вай!

Асья кыа,
зарни асыв,
югдөд паськыд мусö-васö!

КОЛИПКАЙЛӨН СЫЛАНКЫВ

*Между небом и землей песня раз-
дается...*

(«Жаворонок». Н. Кукольник).

Лымйыс эз на кутшөдз сыв,
ылыс гым оз мургы,
сөмын лэбач сыланкыв
лөз енэжас юргө.

Сылысь мелі сылан гор —
тулысылы козин —
ыбъяс весьтысь асьядор
кывны бара позьö.

Юртö чатörтыштлы вай,
видзөдлы тшөтш вывлань,
кызди төвзьö колипкай
шонділөн пөсь сывлань.

Надзмөдыштны ышмөм борд
гөгөрвоас сөрөн,
сыланкывйыскөд жө кор
сьөлөмыс тшөтш орö.

ТУВСОВ СЫЛАНКЫВ

Кывліңныд, кызд сылө колипкай
тувсов лунö миян ыбъяс весьтын,
көть и шонді эз на вылө кай,

ассыс бипур оз на яра песты?
Лэбач сыланкывлөн мелі гор
сиктса войтыр сьёлөмъясөдз йиджө.
Лөз енэжын сылөн кык ёсь борд
шуда асыв налы бара гижө.
Ичөтдырся муслунөн и ме
виччыси, кор воас гажа тулыс,
пёрысьлункөд паныд сувтлас мед
либө аслам том кадъяслань нулас.
Көть и нэмөй лоас вель на кузь,—
коді тайөс стөча шуны кужас!—
тувсов шонді оз кө зэв дыр узь,
сыкөд тшөтш и меным вичмас уджыс.
Гашкө, коркө том зон либө ныв,
кодъясөс ме куті аслам сывйын,
лыддяс менсьым тувсов сыланкыв
да оз вунөд казътыштны бур кывйөн.

* * *

Шогла воштыла садьөс,
ог кө гөлөстө кыв...
Кыз нө тэнө ог радейт,
алөй бандзиба ныв?

Быдтор вөчан зэв пелька,
биысь пөсьджык на сыв...
Кыз нө тэнө ог лелькуйт,
өмидз вом дора ныв?

Быд лун лөсьода гусьөн
тэныд выль сыланкыв.
Кыз нө тэ абу муса
ловъя акань кодъ ныв?

Коркө мөд динө кежлан,—
ог төд, кын али сыв...
Кызд нө тәнө ог вежөгт,
сиктса медмича ныв?

ВОРСА ТЫ ДОРЫН

Гожся енэжлысь лөз сатин
кымөр чир оз гөр,
менам кийн вугыр шатин,
мышку сайын — пөрт.
Бара муна вөр ді сайө,
көні төдса ты,
кытчө төв руыс оз вайөд
карлысь ызган шы.
Вунөда, мый лои пөрысь,
воддза серти ляб,
виччысьтөг кор лөнь ты шөрын
кутас ворсны таб.
Дөбөдлас көть уна пөрийө,
мыйлакө оз шед...
Ачым ачымөс ог пөръяв
нэм помад нин мед,—
олөм вуджигөн эг вөтлысь
корсьны унджык шуд,
сійөн век сөмын и пөтлі,
мый пыр сетліс удж.
Вугыр шатинөн ты дінад
ог нин нуөд вен:
олөм воясысь пө чинтө
кыйсян кадсө ен.

ТУВСОВ ВОЙ

Эжва весьтö бара — ой! —
воис югыд тувсов вой,
но оз сöдз кыалöн войт
зонлысь пöсь сьöлöмсö дойд.

Он мöй кыв,
муса ныв,
тэныд сиöм сьыланкыв?

Воис медся кыпид кад,
дзордзалö кор му и сад.
Кытчö вошин, менам шуд,
мыйла шыасьны он куж?

Вывтi дженьыд тувсов вой —
кыалöн кык зарни койт.
Регыд мырддяс сиктлысь ун
ыбьяс кöдзны сувтысь лун.

Он мöй кыв,
муса ныв,
тэныд сиöм сьыланкыв?

НЯНЬЫД-СОЛЫД ВОДЗÖСА

Менсьым керка öдзöсöс
оз вомöнав тас,
повтöг воськовт водзöджык, —
оз тай вомдзав пас.

Гöстьöн ло кöть корысьöн,
игöдчытöг пыр,
кöмсьыд роскөн-корöсьöн
лымтö сöмын зырт.

Эм кӧ мый да лишалӧ,
шогмас кӧ нин,— босът!—
мӧдысь эн жӧ нитшкав-а,
ассьыд ӧдзӧс восът!

Водзӧстӧ пыр мынтӧны,
мед оз кӧвъясь бӧж...
Нэмтӧ сийӧ кынтас ӧд,
мыйта кӧть он пӧж.

СЬӖЛӖМ ВИСЬӖ

Сыланкыв

Сьӧлӧм висьӧ менам,— ок!—
кызди ёнтӧ, кыла...
Мыйла мусукӧй оз лок
гажӧдны том нылӧс?
Эм совхозын Ваня зон,
сюсь да збой механик,
а вот дояр Спиридон
быдӧнысь на шаньыс.

Ачым ме эг шудтӧм чуж,
эм приданнӧй мӧс,
а вот кык пельӧ ог куж
юкны сьӧлӧмӧс!

Ыбын талун гажа — ок!—
тулысыд зэв долыд.
Пальӧдыштны менсьым шог
оз мӧй кодкӧ волю?
Ваня паськӧдас баян
гожся шоньд рытӧ,

Спиридонкөд йөктыштам,
кытчөдз оз нин дышөд.

Пөкөритны Ваня — ок! —
гудөк шынас көсйө,
мекөд йөктысь Спиридон
пөдөнчасө вөзйө.
Вочавидза налы пыр
веськыда, кор колө:
коді вугралас зэв дыр, —
гөтыртөг мед олө!

Ачым ме эг шудтөм чуж,
эм приданнөй мөс,
а вот кык пельө ог куж
юкны сьөлөмөс!

* * *

Важөн керка тшуплісны кос кондаысь
чужөмбаннас лун шөр кадея шонділань,
вевтыс сылөн эз кө вөвлы сигөра, —
шулісны, мый абу ёна идөра!
Му гөрысьөс, шоньд керка тшупысьөс
нимтывлісны зумьд олөм кутысьөн.
Сьыланкывлөн ылөдз кывліс йөлөга,
керкаад кө вөвли нянь да вөлөга!
Шуд да дзоньвидзалун сиама тьянлы,
сиктын олысь став крестьяна пиянлы,
медым зарни югөрьяссө шонділысь
муяс весьтад кымөрьяс оз кондыны,
медым сиктад выль керкаяс содісны,
шоньдіно челядь пөтөсь водісны,
енэж улас мыйкө кө и шыаліс, —
тувсов гымлөн музыкаыс гымаліс.

КОСЬЮВОМЫН

О. М. Филипповалы да
Е. П. Сметаниналы.

Мулөн абу тані пом,
коть и пыр на кӱдзыд.
Ассьыд муслун, Косьювом,
сьӱлӱмъясӱ кӱдзан.
Керӱс джуджыд да и
крут,

быд ӱшиньын бияс.
Ог жӱ зептын ӱнӱ кут
кӱдзалыштӱм кияс...
Видза олан, удал зон,
чолӱм, мича нылӱй!..
Мынта тӱдмасьӱмысь дон
аслам сьыланкывӱӱн.
Косью йи улын на пыр,
но ӱд регыд воссяс,
петас лым улысь быд ӱыр,
збоймасны став косьяс.
Мича завидьлун кӱ эм,—
висьтасьны нин колӱ:
шуда, кодӱ ассьыс нӱм
Косьювомын олӱ!
Зарни рӱма тувсов вой
танӱ оз и чусмыв...
Меным эськӱ ӱти войт
татшӱм сӱстӱм муслун!

ИЧӨТ СИКТ

Көні менам сійө,
ичөт, дона сиктыс,
мыйла туйсө сылань
некод оз нин ликты?
Өшиньясас сылөн
кусалисны бияс,
оз дзоньтавны нинөм
мужичөйлөн кияс.
Том войтырыс важөн
муналісны карө,
вөлісны көть найө
удалось да ярось.
Пөрысьяслы нинөм
сиктас лои вөчны,—
кыссисны тшөтш накод
өткөн кольөм пөчьяс...
Өтнас вой төв важ моз
ас ногыс тай сьылө,
кыз пуяслөн корйөн
нора кышакылө.
Оз вермыны найө,
вужйөн йитөм пуяс,
петны чужанінысь
медся матыс туйө...
Дивитөны, кыла,
ичөт сиктса йөзөс,
мыйла наысь некод
яндзимла оз лөзөд.
Эз мөй кутны төрны,
шуам, мича гозья
бать-мамныслөн медся
муса-гажа позьяс?
Ачым месө мыйла
сиктысь коркө муні,
али аслам мыжөй

дзикөдз жө нин вуні?
Прөща кора өні,
веж кудриа пуяс,
ляк баддьон нин тырөм
пөльяснымлөн муяс...
Ыджыд сикт көть ичөт —
өткодь налөн доныс —
чужанінтөг некор
мортлы оз ло шоньд!
Некод водзын сылөн
сыын абу мыжыс, —
ичөт сикт мед лоас
мича, бур да ыджыд,
енэжыс оз скөрав
сы весьтын лёк шерөн,
резас гожся лунө
вежа ва кодь зэрөн.

ТУРУН ИДРАЛАН АСЫЛӨ

Тэрмасьнытө, дерт жө, колө,
мөд ног кор оз позь:
турун идралігад полан
эновтны кос лёдз.
Батьөй чуксасьө: — Вай көмась
видз вылө пыр мун!..
Синьяс водзын кык руд дөмас,
пыр на личкө ун...
Дженьыд жө нин гожся войыд
сэк, кор ворсө вир,
но, а сувтысь шонді койө
лыдтөм зарни дзирд.
Видзөда да шуйга кокын
веськыд кокысь көм...
Вит километр нин тадз локта,

гөгөр бадь да льом...
Некод эз кө дзикөдз янөд, —
вывті жө нин бур!..
Муса нылөй меным паныд
туй вылас эз сюр.

ЯЙ ЖӨРИТЫСЬ

Басня

Кывзысьны ог көсйы, но өд кыла:
гыжсө кодкө ёсьтө миян вылө,
горшлуннас да лёклуннас оз пөт...

Пырис ресторанө өти Жмот.
Пөрччысис да пуксис пызан сайё,
пөльтіс асьыс кыз рушкусө яйөн,
висьтавлыны кутіс анекдот:
— Сиктыд яйнад өні вывті гөль...
Аслас пөчлы шуө синтөм пөль:
— Он на талун лөсьөдчы кө пөрны, —
петалам вай, Марпа, тэкөд гөрны...
Жмотлөн плешкыс лөсталө кыз госөн.

Госөн?

Гашкө, восөн?

Пиньсө кеслө: — Вот и думайт вай,
пөльысь-пөчысь мыйта киссяс яй?
Пуксим кө ми өти пызан сайё,
воча кывсө сетны менам пайыс.
— Яйыд, — шуа, — шедө сьökыд уджөн.
Жөритны тэ сійөс, аддза, кужан,
но он сиктын мудзтөд асьыд мыш,
карбердтіджык ветлан, кызди шыш,
аслад кокни туйөд,
вөчны кужан сөмын куйөд

да и сійӧс, дерт жӧ нин, он ну,
вынаджыкӧн медым лоис му.

ЭН ЫШМЫ ТЭ, ШОФЕР!

Кольӧм 1986 воын республикаса туй-
яс вылын пӧгибнитисны 103 морт, ёна
доймисны 1036-ӧн.

Медясӧ тадз лои шофӧръяслӧн ыш-
мӧмӧн ветлӧм вӧсна.

Эн ышмы тэ, шофӧр,
кор петан кузь туйӧ
да аслад автобусӧн
войтырӧс нуан;
эн тэрмась,
кор Емвалань, Лӧкчимлань каян
да машина кузолад
мыйсюрӧ ваян.

Асфальт да гудрон
кӧть и чорыд да шыльыд,
но шог вылад
вермас на лоны и вильыд.
Эн личӧдлы руль вывсьыд
мудзыштӧм китӧ,
эн орӧдлы тормозкӧд
колана йитӧд.

Он вӧлӧн ӧд мун тэ, —
эн вунӧд! — кызд важӧн
важ пӧльясыд ветлісны
асланьс гажӧн...
Сӧ вӧв вына сьӧлӧмыс
биа моторлӧн
кузь вӧлӧкъяс вуджигӧн
оз ланьтлыв-орлыв.

Но пез курыд ваыдлы
вöля кö сетан,
сэк асьтö и мукöдöс
дойдавы петан...
И суд водзö сувтан!
Тэ синватö чышкав,
но медыджыд мыжсьыд
он дзебсьы, он пышйы!

Эн тэрмась тэ, шофёр,
эн ышмы лёк öдөн,
кыз помасьлö ышмöмыд, —
зэв бура тöдан!..
Мед туй вывті
мунысьяс-локтысьяс лыдысь
пыр дзоньвидза лоасны
быдлаын, быдөн.

КОДЗУВЪЯС, КОДЗУВЪЯС...

Кодзувъяс, кодзувъяс, —
менö ті кыланныд? —
Мыйла ті, кыа кор кыпöдчас,
сыланныд?
Ачыс тшöтш енэжыс
гажтöмтчö тiянтöг,
зарниөн мелiа вашъялысь
пиянтöг.
Ичөтсянь тiянкöд
сёрнитны велалі,
ордымъяс корсьтöг кор
парматі келалі,
юксьывлі пыр
аслам шогөн и радлунөн...
Öдйö тай мортыдлөн

оландыр кад муно!
Сомын на чужас,—
а видзодан,— порысьмас,
жебиник лоас
да ньожмыда ворысьон,
ти жо пыр кутанныд
вашъявны-өзйыны,
выль йозлы шудлунсö
енэжсянь вöзйыны!

* * *

Кодзувъяс, кодзувъяс...
 Менö тi кыланныд? —
кыз ыли енежас
 оланныд-выланныд?
Арся сьод войö
 и тувсов сөдз асылö
дзорга пыр тияялань,
 мусаяс, ясыдъяс!
Кымын сюрс нэмъяс тi,—
 мөвпала,— войтырлысь
сьөлөмъяс гажөдөм могысь
 пыр койтанныд?..
Отчыдысь тиянөс
 мортыд эз ёрлывлы,
шудлунсö козьнавны
 сөмын корлывліс...
Мыйла нö му вылас
 найö тшөтш чужисны,
атомлысь вын
 кодъяс перйыны кужисны,
кодзувъяс чукөрөдз
 ләптыны кияссö,
асьныссö, войтырөс,

дасьоьсь тшөтш виавны...
Мулысь и кодзувлысь
скөрлунсө чукөртам,
быд ловъя лов динө
гораа чукөстчам
видзны веж вынысь
лөз енэж да войтырөс,
кодъяслөн сьөлөмныс
важөн нин дой тыра...
Кодзувъяс, кодзувъяс...
Менө ті кыланнуд? —
мыйла сьөд кымөрлань
өні ті пыраннуд?
Дзирдалөй, дзирдалөй,
ясыда, кыпыда,
войтырөс дорйыны, енэжсө
кыпөдөй!

ОЛОЙ ДЗОНЬВИДЗА ДА БУРА!

Врачъяс тшөктөны —
быд лун
весиг пөльлы-пөчлы,
медым бурмис налөн ун,
физзарядка вөчны.
Төлка йөзыдлы оз ков
сёысь шуны тайөс:
физзарядкатөгыд лов
висьмөмысь он сайөд...
Вот и колө, пыр мед ён,
дзоньвидзаён лоин.
...Аддза, аддза, удал зон,
кутшөм крепыд сойыд!..
А со тайө виж да кос,
пыстаөс моз кут көть:

асывсянныс папирос
мам нёнсьö моз шпуткö.
Абу муса и том ныв,
кöть и шпильки кока,
табак кындзи нем он кыв,—
татшöмтö он окав!

Но, а кодлөн нырыс гöрд,
пыктöмысла потö,
дерт, оз ёна мутö гөр,—
асьсö ловйөн сотö;

сöмын юны вывті яр,
и оз ва, а вина,
сысьялас и скипидар,
веськалас кö дiнас.

Кодкö, кыла, шуö мем,
мыйла нö пö полан,
код кыз кужö асьыс нэм,
сiдз пö мед и олö...

— Ланьт!.. — ме вочавидза пыр,
ог куж дзeбны скöрлун,
кöдзыд вира йöзлы дыр·
тырмас тадзсö сөрны.

Кутшöмкö кö дой да шог
кодöскö кö сёйö,
буретш тэнад-менам мог
мездыны быд дойысь.

Шуда олём вöсна тыш
сувтiс вывті дона...

Уджалигад асьыд мыш
эн жö жалит ёна!..

Врачьяс тшöктöны
быд лун
асьтö видзны сюся,
медся бур дзоньвидзалун
ставнымлы мед усьö.

ВИНА ГАГ

Важөн шырсьывтём, зэв няйт,
кевмысьёмён, нора
вина вылө өти шайт
менсьым бара корө.
Коді тайө? Верстьö морт,
кык киа, кык кока,
дзоргө, кызди сюра орт,
магазинъяс бокө.
Өти шайтыд абу жаль,
скөрма кө нин, сета,
көть и некутшөм медаль
таысь оз жө пет-а!
Збыльысь, коді, шуа тэ,
кызди татчөдз воин,
ассьыд сөвесьть дзикөдз мед
няйт гөптө моз лоин?
Гудыр синъястө эн дзеб,
мөдысь ки эн нюжөд...
Мышкыд абу ёна жеб,
посьөдлы вай уджөн!
Медым ас вылад не рад
ачыд лоан витысь,
кутасны кө, вина гаг,
шуны паразитөн!

СӨТ МЕШӨК

Уличаті мунө зон
бур войтыркөд орччөн,
но кызд урөсмыштөм пон
помся сөткө-өрччө.
Быд кыв дінө содтө кыв,
кодысь кельдө пельыд,

пöрысь нывбаба да ныв
дасьöсь пырны щельö.
Ылöдз кылö «мат» да «мат»
зонлөн зывök вомысь...
Олö татшöм «дипломат»
миян вöлöсть помын.
Сöткытöг оз кöдз, оз гөр,
оз висьтась, оз юась.
Сылөн лёк кывйыс оз төр
помöй видзан гуö.
Ачыс мича кöть да том,
мисьтöм сылөн сёрни.
Збыльысь, кад быд пежöсь вом
кöртвом клячөн дорны!

ДЫР КÖ ОВНЫ КÖСЪЯН

Дыр кö овны, другö, кöсъян,
видз тэ ассьыд вын,
курыд винатö эн лöсйы,
вöтлы табак тшын.
Быд лун чеччы вит-квйт часын,
эн узь вывтi дыр,
физзарядкатö быд асыв
тэрмась вöчны пыр.
Радейт вөр, и ва, и шондi,
зэр, и лым, и пуж.
Медся ёна, век жö, шонтас
медым аслад удж.
Весиг пенсия кор чуктас,
врач дiнö эн мун,
некор пыдди тэ эн пукты
ассьыд пöрысьлун.
Унджык бурсö вöчны верман,
олан кор сё во.

Весиг олөм помад тэрмась
сдайтны ГТО.

ПРИЛАВОК ДОРЫН

Прилавок дорын, карса магазинын,
оз өти во нин мырсы миян Зина,
а вузасысьлөн сэтшөм,
ёртъяс, удж,
коть пельпомөдзыд
ковта состө пудж
да пуксьывлытөг вески бердад бергав...
И кар джынсө коть миян Зина вердө,—
оз виччысь сійө уна аттьө кыв!—
мед унджык ньобасясны зон да ныв,
и пөрысь мортлы коланторсө сійө
оз лёкысь тойышт,— пуктас дзөран киас
да козыналас тшөтш асьыс мелі нюм.
Но коді лэптө татшөм зык да шум?
— Тэ ньөжйө вөран...

Уджалан зэв дыша!..

Тэ вузасян культураыслы мытшан!..—
Прилавок дорын горзө өти дядь.

Выль шляпа юрас,
абу код, а садь.

Оз частө Зина-нылөс тадзи видны
да синва петмөн, дерт, сылы обиднө:
коть мыйта бурсө войтырлы он вөч,
но кодкө дойдас укөрбаөн стөч...

А кодкө шуас, век жө, збыльысь, правда:

— Тэ, Шляпа,— шуас,—
мыйла тадзи равзан?..

Оз эскыссы, мый тэ —
учёнөй морт...

И ми тшөтш сувтам Зина дор:

код ачыс помся лун-вой сёйö,
став няйтсö мукöд вылö койö!

ПРИДАННОЙ МÖС

Гажа свадьба кывсис ылöдз,
кодöс пасйис миян сикт:
верöс сайö карса нылöс
босьтис медбур тракторист.
Медым том гозъялысь олөм
нинөм нэм чöжныс эз торк,
быдөн,
гаж юкны код воліс,
сьёрсьыс вайис козинтор.
Медводз мый ковлö том анылы,
медым овмöс лои ён?
Кодкö сьёрсьыс вайис каньпи,
кодкö — керка видзысь пон,
кодкö — медым шогысь петіс,
юкис керка вевтян тьöс...
А совхоз приданной сетіс
выль семьялы — лысьтан мöс...
Карса ичмонь, дерт, эз кужлы
корсьны мöслысь вöра, нёнь,
и эз öтчыд мöскыс чужйив,
но тай пöдөнчаыс дзонь!
Сиктын медся бур доярка
лоис карысь воём ныв.
И, кыз бурыйсь-бур пöдарки,
сылы тэчим сыланкыв.
Керка-карта карті лист кодь,
вевтсö мичмöдö выль тьöс,
ыджыд пöдөнча тыр лысьтö
содтöд йöв приданной мöс.

ТУЙӨ КОР ГОРТЫСЬ ПЕТИ

Кузь туйө гортысь кор петі,
бать-мамлысь нинөм эг кор,
ачым пөсь сьөлөмысь сеті
өгыр моз ыпъялантор.

Мөвпыштны весиг эг кужлы,
мый паськыд му вылас эм,
кыз ковмас олан туй вуджны,
ним кодлы сетөма — нэм!

Озырлун пыр вөлі сьөрысь,—
уджавны велалөм ки,
коді эз пыксывлы гөрны,
өзтыны шонтысян би!..

Керлісны быдторсө найө,
бертісны медсьөкыд удж,
сөмын эз пырлыны пайө
кодлыськө мырддыны шуд.

Челядьлы сөмын жө коля
олөмсө радейтан сям,
сөстөмджык коді быд ёлысь,
арын ни төлын оз ям.

СИБИРАК

Туйө петігас эз ну тшөтш
ассыс муса яг,
аддзөдчывны чужан мукөд
воліс сибирак.
Тшыглун ылыс туяс вөтліс
корсьны кынөмпөт
сэк,

кор коми мортлы пӧтлун
вайліс сӧмын вӧт.
Чужанін вӧснаыс гажысь
колис гуся шог...
Сыкӧд аддзӧдчывны важӧн
сійӧ кутліс мог.
Кувсян кад кӧть эз вӧв ылын,
юрсьыс мӧвп эз пет.
Самолётӧ муса нылыс
судзӧдіс билет.
Сьӧкыд туйсӧ, кодӧс вуджис
коркӧ быдса во,
ӧти лунӧн венны кужис, —
весиг лун эз ло!
Коми мулысь сувтӧм кыа
югдӧдіс быд пом.
Пемыд пармаыслӧн шыыс
лои выль да том.
Дзор морт сувтіс пидзӧс йылас,
кыв ни джын эз шу,
босьтіс ки пыдӧсьяс вылас
китыр дона му,
сійӧс окаліс зэв пӧся
ылысь воӧм морт,
син улас кӧть эз нин лӧсяв
челядьдырся горт...
Эз жӧ мичмӧд алӧй вирыс
ассыыс чужӧмбан.
Кувны бӧр муніс Сибирас,
лолыс коли тан.

ВАЖ ТУИС

Паччӧр пельӧсын важ туис
бура видзӧ сов:

аслам пöльлөн киподтуйыс,
сылөн ловъя лов...
Нэмнас сійö аслас пöчлы
эз куш öти гоз
сюмöдысь да разйысь вöчлы
мича да бур доз.
Зарава кöть кöдзыд ырöш
сэтчö кисьт да ю,
сэсся бара содты тырыс
да кузь туйö ну.
Жар лунад оз шонав сюмöд,
сім сійöс оз сей,
топыд пыдöс пырыс юмыд
оз пет весиг войт.
Школа кöджсö кöть эз вуджлы,
быдмис вывті гöль,
Пифагорысь бура кужліс
муртасьнысö пöль.
Босьтас сунис öти киас,
мöдас — туис кыш.
— Видзöд,— шуас,— дона пийöй...
Дона пилы дыш
пöльлысь кужанлунсö босьтны,
сылысь шыла-ем,
медым сямлуныс эз косьмы
лыдтöм-лыда нэм.
Кодлы öні мича туис
эз эськö нö ков?
...Укөрбаөн аслым шуны
курыд кыв ог пов.

ПÖРЫСЬ ЛЕСНИК

Сетісны мортыдлы кывлытöм удж:
яг вылö садитны пуяс!

Нэриник пожөмлысь
мыччысьөм вуж
ловзьөдны му пиё суйё.
— Но, морё, — ас кежас
элясьö пöль,
кытчö нö вöрсö ми лотим?..
Медмича ягным кө
лоис нин гöль, —
дерт, ставсö кералим, сотим.
Месö көть абу зэв сюсь инженер,
абу и ыджыд учёной,
тöда,
мый ю дорö кыскөм быд кер
зарниысь ёна на дона.
Вöйö да видз вылын
Сісьмö кө тыр, —
воштö и зарниыд донсö.
Яндысьтөг сөрö
учёнойным пыр:
пармаыд пыдöстөм-помтөм!..
Сьөлөмным потö,
кор йиыскөд тшөтш
вөр ылыс мореö кывтö.
Он, майбыр, Эжваад
гожөмнад чөвт
дзикөдз нин эновтөм тывтö!
Көдзны да садитны
выль вөртö, дерт,
быдлаын, аддза ме, колö,
медым веж сад пытшкын
мулөн быд эрд
дзордзалö, лолалö, олö...
Прöщасö сійö
мед оз жö нин кор,
кодi нем жалиттөм киөн
пуяслысь шувгөм
и лэбачлысь гор

ассыыс моз сөвөстөсө виө.
Ас кежас сөрнитө-вашкөдчө морт,
садитө яг ыло пуяс.
На лыдысь быдөнлөн
вежөдысь борд
паськалас
шонділань туйын.

АРСЯ СВАДЬБАЯС

Алөй тугья пелысь
миян керка дорын
сулалө зэв чөла,
оз вөр өти кор.
Арся рытыс мелі,
абу нин зэв гора.
Тэнсыд варов сөрни
бара кыла кор?
Томлуныд дзык өтчюд
тэрмасьомөн волас,
сійөс нэмыд кежлө
питшөгад он суй...
Өти сиктын тэкөд
уджалам да олам,
но оз тшөкыда тай
вомөнасьлы туй.
Чужан муным паськыд,
но менө оз ылөд
мунны дона сиктысь
медся мича кар.
Оз весьшөрө өні,
мена муса нылөй,
озырлунсө ассыс
козьнав зарни ар.
Пөрысьөс и томөс

свадьбуйтнытö корам,
сы йылысь мед ылöдз
кывсяс шуда висьт,
кызди кыа рöмөн
мичмöм пелысь дорын
олöмсö мöс лысьтыськöд
йитіс тракторист.

* * *

Тэрмась, мый көсйылін, вöчны,
эн ёна нюжмась да узь,
некод öд сійöс оз стöчмөд,
нэм помыд ёна-ö кузь...

Гöтрась, кор нёмъевтас дзоридз,
содз бердад топöдчас содз.
Жаль, коді гöтрасьö сёрөн,
шудаыд тэрмасьö водз.

Уджйöзтö мынтыны тэрмась,
яндысьтөг йöз водзö пет.
Ачыд, кыз кужан да верман,
унджык на мукöдлы сет.

Эн тэрмась öтитор вöчны, —
кодлыськö мырддыны пай...
Дзик тöдтöм пöльлы да пöчлы
томдырся радлунсö вай.

МЕНАМ ПАЧÖЙ ЛОМЗЬÖ ДЫША

Менам пачöй ломзьö дыша,
чискалö уль пес,

керка пытшкысь весиг тышён
көдзыдыс оз пет.
Чизыр вой төв лолөс йирө,
зильө кисьтны поз,
оз нин шонты аслам вирөй
менө воддза моз.
Коркө, дерт жө, вөвлі томөн,
көдзыдысь эг пов,
мед көть градусыд и комын,—
кепысьыд оз ков,—
чер пу куш килань эз кынмыв,
пөрөді кор вөр.
Сэк эг корсьлы бипур тшынлысь
шойччан кадө көр.
Быд том мортлы шуа гора:
— Шонтысьнытө куж
эн пось пач да бипур дорын,—
морттө шонтө удж!
Месө лои ёна пөрысь,
эг дыш вөв моз дуд...
Но өд буретш көдзыд вөрын
төдлі медбур шуд!

КЫДЗ ПУ УЛЫН

Кыз пу улын гоҗся рытө
найө пукалісны кыкөн —
зон да ныв.
Төвру веж коръяснас ворсіс,
буретш налы сійө корсис
сьыланкыв.
Видзны усис чужан мусө,
дона нывсө да веж пусө
зонлы туй,
медым некор сэсся мөдысь

миян мулань вөрөг рөдысь
змея эз уй.

Отнас нылыс кыз пу динас
волас, сийос кутлас кинас,
пузяс вир...

Зонмыс съод кымөрлы паныд
сувтис сэн, Афганистанын,
видзны мир.

Но эм сэтшөм ыджыд муслун,
кодi съөлөмысь оз куслы
и оз сыв.

Сийос весиг өти здук чөж
некор мукөдлы оз юкны
зон да ныв...

БАТЬ-МАМ ДА НАӨН ЭНОВТӨМ ЧЕЛЯДЬ ЙЫЛЫСЬ

А. А. Католиковлы, кодi быдгө эновтөм челядьос

Висътавны кывъясыд меным оз сюрны,
синъяс мый аддзöны, кылö мый пельöй.
Занавес вощьö, а сынöдыс юргö,
ворсны да съывны кор петöны челядь.
Сынöдыс гымалö чолөмъяс шыөн,
ки пыдöс, кыла ме, некод оз жалит,
өтвылысь челядькөд, кажитчö, сылö
нюмөн да биясөн йиджтысьөм залыс.
Ссылöны челядь и йөктöны челядь,
му вылын медмича, медшуда быдмөг.
Бать-мамөн эновтөм зэв на и дзоля
зон аслас ыджыдджык ёртыскөд быдмө.
Сийö оз помнит ни батьсö, ни мамсö,
весиг эз аддзывлы найос и вötөн...
Мукөдъяс содтöны челядьлы сямсö.

Мичаёсь, кыпыдось найо и пөтось.
 Век жө, он дзев наысь некытчө сійос,—
 гажаа кывтө көть челядьдыр кадыс,—
 мыйла оз лелькуйтны мамъяслөн кияс,
 мукөдлөн бать-мам эм,— зонмыслөн абу...
 ...На лыдысь өти со пырө да пуксьө
 нывбаба, пуклөслөн медся нин помас,
 висьтавны арлыдсө ачым ме дзугся,
 ас серти аддза кор ёнджыка томос.
 Мичлунсө важөн нин сотөма сылысь
 сійө, мый морттө няйт гуранө йөткө...
 Музыка юргө, а нывбаба бөрдө:
 мам ним эз весьшөрө мырддыны сылысь.
 Аслас жө олөмыс ас вылас гөрдлө,
 колльөдө пи дінсьыс мөд туйө ылө...
 Челядьлөн олөмыс мича да ясыд,
 оз, найо синва да шоглун оз төдны.
 Нэмыс мед бөрдөны, кодъяслөн пасыс
 бать-мамлөн өбликкөд ньөти оз рөдмы!

ПЕТШӨР

Сэтөр вотіг
 сё жель этшөн
 киос сотіс
 борйысь петшөр.
 Сьөлөм, кыла,
 пузис скөрысь:
 вешйы ылө
 миян йөрысь!
 Меным сійө
 вочавидзис,—
 мөдысь киө
 желльыс сидзис:
 — Эндөм бор көть

менö быдтö,—
казьтышт коркö
петшөр шыдтö...
Пызан помад
сійö оліс
сэк, кор вомад
нянь эз волыв...
Мый нö керан,
ме кö ема?..—
аслам серөн
пыри нэмад.

АС ЧУЖАН МУО ЫЛІ ТУЙЫСЬ ВОИМ

Ас чужан муö
зэв ылысь ми воим,
салдатлысь пöрччим
ас вылысь шынель.
Афганистанса кодзулöсь
сьöд войлысь
оз корсь нин гуся шыяс
миян пель.
Дзор пöльяслысь
эг вунöдлöй бур кывъяс,
мый колö сюся видзны
чужан му,
көть гажтöмтчöны
миян муса нывъяс,
кыдз вöрын шогсьö
өткөн кольöм пу.
А талун мунам
на дінö жö ыбö,
көн юргö
колипкайлөн сьыланкыв.
Мед зарни Шонді

асыввылын лыбө,
а сьөлөм
аслас пөсь муслуннас сыв.
Җыз пөтка төдө
ассыс чужан позсө,
быд тулыс сийөс
татчө вайө борд,
оз вермы овны
торийөн муса йөзкөд
веж парма шөрын
бордьяссьөм жө морт.

* * *

Җодлөнкө киясас бара
норасьө-шогсьө гитара,
кодөскө ас динас корө,
өткалун ассыс пыр өрө.
Шогсьөмсө сылысь кө кылан,
мыйла он шыась, бур нылөй,
дженьыд көть тулысся войыд,
сьөлөмад оз ланьтлы дойыд.
Мыйла нө тэ кольөм арын
мунін да ылалін карын,
чужан сикт энөвтін, Оля,
радейтысь зон кытчө колис?
Сылөн и киясас бара
норасьө-шогсьө гитара...

СИГУДОК

*Сийма С. Налимовлы, сигудөкьяс
вөчысь ыджыд мастерлы.*

Радлунсө бур йөзлы корсьны
мастерөс чуксалис мог:

кор сылөн сигудок ворсіс,
голь мортыд вунөдліс шог.

Сигудок, сигудок, ворс вай,
мед коть тэ ёна нин важ,
пöльяслөн нор сылан горкөд
гөрддзалан талунъя гаж.

Веськодя некод оз кытшовт
сияслысь чуксаян кыв,
«Шондібан» йөктыны кытшө
сувтöны бур зон да ныв.

Морт, коді пармаысь петіс,
көсйөмнас эз вөвлы рам:
вөр-ваыс сылы и сетіс
шыяссө бордъялан сям.

Сигудок некор оз куйлы,
шудөн да радлунөн тыр,
шондїөн югдөдөм туйлань
миянөс чуксалө пыр.

Сигудок, сигудок, ворс вай,
мед коть и ёна тэ важ,
пöльяслөн нор сылан горкөд
гөрддзалан талунъя гаж.

ПЕЧОРА ВЫЛЫН

Тувсовъя Печораным
шондї дзирдөн тыр,
синъяснымөс ёрöны
вой шөр войөдз пыр.

Босьтлам, мича нывъясöй,
киясаным тыв,

медся мича кывъясысь
корсям сыланкыв.

Бурлак-зонъяс чукöрын
кодкö öмöй рыж?
Тувсов кыа югöрлань
бара төвзяс пыж.

Войвывса царевнаид
мича жö да збой,
сыкöд узыны кевмысьö
ачыс еджыд вой.

Льöм пу дзоридз сывъялас
сылысь восьса юр.
Ловъя эзысь тывъясад
оз кокниа сюр.

Сылысь кудри вөрöдö
вильшасьöмөн төв.
Кык сёлөмлысь гөрөдсö
оз торйöд и ньöv.

МЕДСЯ СЬÖКЫД

Виччысьны да суöдны
медся пö тай сьöкыд...
Ордым сылань нуödö,
вöрыс көні тшöкыд.
Кытчö нö тэ ылалін,
мена муса нылöй!
Көнкö мыйкö шыалö,
но öд муртса кылö!
Уна эм тай рас вылад
ötкодь коз да пожöм,

некытчө на пасыйвтөм
ордымыдлөн вожд.
Сы вöсна и сьөлөмөс
төждысьөмыс сотө...
Көнкө өмөй вөлөма
вөрзөдлытөм вотөс?
Пыр на, гашкө, кокасян
пөтка моз жө сәні?
Зонкөд, гашкө, окасян,
вунөдін нин менө?..
Кыз корся да нуода, —
вөрыс вывті тшөкыд!..
Виччысьны да суөдны,
збыльысь, медаь сьөкыд!

ВАЖ ОЛӨМЫСЬ СЕРПАС

Пөрысь мам колльөдіс медмуса писө
кытыськө йөз муысь корсьлыны удж,
куимысь кресталіс юр весьтас кисө,
енмыс мед мөдөдіс медыджыд шуд.
— Пуксьылам, — шуис, — а туяд кор мөдан,
эн сәсся бергөдчыв гортланьыд бөр,
мед миян тшыглунным-гөльлунным, төдан,
тэкөд оз кутны нин нуөдны вен...
Сөмын эн бергөдчыв...

Ас гортсьыс петіс,
мамыслысь бурсийөм кывзөм мысть, пи.
Кысь вөлі төднысө, мый паськыд светас
би моз жө морөстө чишкалө йи!
Жаль вөлі мамыс и жаль вөлі гортыс...
«Бергөдчыв!..» — сьөлөмыс чуксасис пыр
чөвтлыны видзөдлас, меддона мортыс
синванас сы вöсна мыссис көн дыр.
Кыв вөлі сетөма... Көдлы? Да мамлы!..

Сійö öд морössьыс торйöдiс лов,
сувтöдны кок йылас коньöрыд сяммис,
унаысь эз вöв кöть няньтор да сов.
Кытшовтiс пиыс и мусö, и васö,
шудлунсö аддзыны некысь эз куж.
Мыш вывсö пасъялис вирсера пасөн
муöдзыс жалиттöг копыртысь удж.
Вöли нин пöрысь, кор бергöдчис гортас,
мамыслөн гу бердас сылөн тшöтш гу...
Кутшöмкö ен, век жö, вöли, эз ор кö
тэнад гöль войтырлөн нэм, Коми му!

МЕНАМ КОЗИНЪЯС

Мый тэныд козьнавын чужан лун кузя,
кытысь нö судзöда меддонатор?
Видз вылö котöртла сэк, кор на узян,
кок улад дзоридзысь вая ковөр.

Аддзывлiн эн, кызди кыпöдчö кыа,
лэбачьяс панöны медводдза гаж?
Козьнала налысь тшöтш сыланкыв шыяс,
бадь пöвстын чужöм да бордъяссöм джаз.

Юрситö сывъялан ленточка пыдди
козьнала пармаысь медсöстöм ю,
мед сöмын мöд кодкö сийöс оз мырдды
да аслас мусалы сэсся оз ну.

Козьнала, медбöрын, медмича эшкын,
веркöсыс кодлөн быд веж раскысь веж,
свадьбуйтан вояд тэ сийöс он вештыв,
мöд вылö нэм чöжыд сэсся он веж!

ПӨРЫСЬ МОРТ

Пөрысь нин, ёна нин пөрысь
көрт зыройн зунясьысь дядь,
пөрысь, а вайёма вөрысь
нэриник вожъяса бадь.

Баддыд, дерт, жебиник быдтас,
абу нин меддона пу —
вужъясяс, паськалас, кыптас,
пөрысьёс сывъялас му.

Мукөдөс гажөдны пондас
лэбачлөн мудзлытөм гор,
мукөдлы садьмөдас шонді
тулысья медводдза шор.

Пөрысь морт төдө да сійөн
ыджыдджык көсиймөн тыр.
Абу ёсь черсылөн киас, —
му вывсө мичмөдан зыр.

Быдөн ми пөрысьмам коркө,
сы кодьось лоам жө стөч...
Медбөръя лов шыөдз, дзор көть,
бурторсө донъясьтөг вөч!

ЭНОВТӨМ КЕРКА

Ошиньяссө тувъялөма пөвийн,
кильчө өдзөс вомөналіс тас,
коньортчыштөм керка пытшкын төвийö
сійөс дзикөдз энотысьлөн пас.

Кытчөсылөн көзяиныс лои,
мыйла сылы мустөммис важ горт?

Менө йирө чужан сиктлөн дойыс
сы вöсна, мый вöвлі сэтчöс морт.

Гашкө, карө корсис лэччан ордым,
аддзис сэтысь бурджык гаж да шуд,
челядьыс эз кужны лэдзны сёрдö
нянь быдтысьлысь зумыд да ён вуж.

Гажтөмджык на мөвпөн вежөр öзйö...
Войналөн на кылö курыд көр!
Кымын пиöс нуис тайö позйысь,
но эз вайöd гортас найöс бөр?

Мед жö дона нимъясныс оз вунны!
Көть оз дзирдав öшиньясас би,
кутанныд кө коркө таті мунны,
казытыштöй бур кывйөн найöс ті.

КУЗЬ ТУЙ ВУДЖИГӨН

Туйыд кузь, кор вывті ёна мудзан,
но эн кос нин туй джынсянныд бөр.
Восьлав водзö, восьлав, медым узьö
енэжланьыс чöла пыксöм вөр!

Мый эм мөдтор тайö войысь муса,
кытысь корсян ещö бурджык шуд?
Синъяс водзад рытья лысва кусö,
мусö вевттыас асьядорса пуж.

Өтнас кодзув кылас тәнсьыд радлун,
ачыс сійö — зарни лысва войт.
Вөрті муниг чуйман да и падман,
аддзан кодыр сылысь Ыджыд Койт.

Вунөдлан и ассыд ковтөм ноксьом,
йөйяскөд да прөсужъяскөд вен.
Кутшөм сэки вермас лоны шөгсьом,
ас вылад кор ачыл Царь и Ен.

ПӨРЫСЬ МАМ

Олан-олан, да и пөрысьман!..

Лабич вылын пукалө со пөрысь мам,
сы водзын важ потан, кага узьö,
байөдчанъяс мамлөн кузьöсь-кузьöсь...
Вугыртлас тшөтш ачыс сылан шөрас,
кос кияссö войтөв сэки көрас...
Лабич вылын пөрысь мам...

И некод-нинөм абу,
потан көв көть корсьö косьмөм кабыр...
Кыз нө меңам синмөй тшөтш оз көтась
пөрысь мамлөн синва перьян вөтысь!

* * *

Пелысьлысь алөйгөрд розъяс
гылөдс зэв лэчыл төв.
Мыйла нө ті, ябөр гозъя,
кольччинныд коллыны төв?
Абу мөй тиянлы көдзыд,
бур морт көть лөсьөдс поз,
писькөдс өшинь да өдзөс,
өшөдс сөянөн доз?
Шуласны, лэбач пө кылө, —
төв оз ло сьökыд да скөр,
лунвыв му тасянь зэв ылын,

локны оз ковмы сэсь бөр...
Эм, гашкө, лэбачлөн, збыльысь
пытшкөса кыланлун... Мед
казытыштас локтан төв вильысь,
мый мортлы эз жө на шед...
Век жө, ті эсканныд сылы,
кольны он лөсьөдчөй поз.
Төв шөрын нориник сьылөм
шыалө «аттьө» кыв моз.

СЬӨЛӨМЫН МУСЛУН

Көмтөм челядьлунөй бура төдса —
пидзөс вылөдз варччөмысла лөм,
дөра гач кок помөн эз вөв пөдса
енмөн сетөм чорыд «рака көм».
Ытшкөм виддзыд абу вывті гылыд,
восьлалігад радлуныд оз сод.
Гожөмсянь сёр арөдз ывла вылын
көмтөм кокөн масьтім идза под.
Вөвлөм гөльлун... Кызд бара ми сяммим
котравны, кор муыс вөлі кын?
Көмтөмъяслы ачыс муным-мамным
дзоньвидзаөн сетліс лоны вын.

* * *

Котөртла рас вылө дивөла, —
потласьө, шуоны, кор, —
вая ме тиянлы ки вылын
лэбачлысь тулысья гор.
Ма пыдди зарава вийөда,
мездмас быд мудзлунысь лов,

шонділысь биа-пось сіяссө
тупыльö гартны ог пов.
Вөр-ваысь сьөлөмөс орөдны
некодлөн оз тырмы вын,
сылы жö чолөм кыв горөда,
вом дор көть лоас нин кын.

* * *

Мый тэныд козьнавны, — ачым ог төд,
көн тэ кодь дзоридзыс ещö эм мөд?
Мыйта көть видз выв да рас выв ог вудж,
аддзыны козинтö тэныд ог куж.
Сыланкыв тэча, но медмича кыв,
век жö, тэ ас йывсьыд сэтысь он кыв...
Мый тэныд козьнавны?.. Меддонатор
Сьөлөмысь кындзи тэ нинөм он кор!

* * *

Тэнад öшиньсьыд кусі биыд,
ланьтіс асылөдз мудзөм грезд,
сөмын туйбердса тола пиö
коли Тöлысьлөн югыд вез.

Зарни Тöлысьöй, висьтав гусьөн,
менö радейтö али оз
сійö,
син водзö коді усьлө
сөмын удж вылас мунигмоз.

Гашкө, вежөрöй прөста ноксьö, —
мөдөс радейтö мича ныв...
Сідзкө, мед менсьым гуся шогсьөм
сійö некор оз төд да кыв.

Шонді кымөр сайё пырис,
 вежсис юлөн сер,
 вөлөсът пөлөн еджыд нырөн
 шувгис тувсов зэр.

Дзебсялісны пемыд көджө
 ловзьом гут и гаг,
 сөмын сырчик лайкыд бөжнас
 паръялыштны рад.

Сійө өтнас бордъя рөдысь
 көтасьны оз пов.
 Гашкө, медся бура төдө,—
 зэртөг му шар вылас пөдө
 дзик быд ловъя лов!

Вата кодь лым ягын вольсасис төрыт,
 жоньлөн нор сыланкыв кылыштө вөрын.
 Видзөда, садьмө кызд сөрмөдчөм кыа,
 кывзыся раминик музыка шыө.
 муслунөн кедзовтны, лөклунөн лыйны,
 шонді и, гожөм и — ставыс нин бөрын,
 лунвылө лэбисны өртъясныд тиян,
 накод эн лэбөй ті, пармалөн пиян!
 Енмөй видз, кодлыкө тиянөс кыйны,
 муслунөн кедзовтны, лөклунөн лыйны,
 локтөй жө, майбыръяс, локтөй жө сиктлань,
 лэбув и сёянтор тиянлы ликта.
 ...Нориник сыланкыв кылыштө вөрын,
 ранитчөм пөтка моз сёлөмөй вөрө.

* * *

Тöлын ставыс еджыд,
весиг петö вежыд —
еджыд байдög,
еджыд көч,
лымйөн вевттысьöm
быд рöч,
еджыд сьöдбöж,
весиг сюзь
тöвнад быттьö
мича юсь.
Ветлö му весьтöдыс тöv,
сыкöд — еджыд шы ни тöv.

* * *

Енэж тыр öзйöны кодзувъяс,
лым вылын ворсöны кодзувъяс,
коз йылö öшйисны кодзувъяс,
синъясад тэнад тшötш кодзувъяс.
Быдлаын —
юр весьтын,
бöрын и водзын
дзирдалö-тиралö кодзув!

* * *

Рытъя кыа бипур дорысь гöрд,
сидзкö, аски бара лоас тöла.
Полöмыдла, пиукöй, эн бöрд,
гыалигөн пыжад кодыр сöлан.

Тадз жö повтöг сьöкыдлунтö мыдж,
петны кодыр кутан олöм шөрö,
медым ыджыд гыыс тэнсьыд пыж
сэки, паныд сувтас көть, оз пөрöd.

* * *

Кыдз пулы морöс вылас
вöчöма кодкö пас:
пурт либö öжын йылөн
кольöма кырымпас.

Бурдöма пулөн дойыс,
важөн нин сійö кос,
вежöдысь чалльөн лои
мыччысьöм сэтысь рос.

Уна на морт нэм олас
юсайса кыддза рас...
Мыйла нö ми ог полöй,
му вылас кодыр олам,
колявны мисьтöм пас?

* * *

Важөн нин ылыс раскысь,
волан көть, он нин кыв,
восьтö кыдз тувсов асывсö
дозмөрлөн сыланкыв.
Оз видз да дорйы асьсö
ыджыд да вына борд.
Сылигас сійöс виö
сöвестьсö воштöм морт.

* * *

Тасянь матын кӧдзыд полюс,
а тэ сійӧс он и кыв,
кӧть и йизыштӧмкодъ лолыд,
но оз йизы сыланкыв.
Томлун нинӧмысь оз повзы,
бӧрыньтчыны оз жӧ куж.
Миян войвыв эз и ловзыыв,
сійӧс эз кӧ шонты удж.

* * *

Му вылын колльӧдам
дженъыдик нэм,
кодзув моз дзирдыштны
сӧмын и чужлам.
Коркӧ кӧть ӧтчыдысь
думыштлӧн эн,
олӧмлысь ордымтӧ
кызди тэ вуджан?
Кад косьтӧ синва
и жугӧдлӧ из,
бурдӧдӧ сьӧлӧмсьыд
медсьӧкыд дойтӧ.
Озырлун койышт,
а олӧмтӧ видз
медбӧръя лов шыӧдз,
медбӧръя войтӧдз.

* * *

Лымйӧн тӧбсьӧм рас да ёль
вӧталӧны вӧтъяс,

сöмын пармаса збой ёль
варовитö öтнас.
Кöть и тöлыс ёна кузь,
ставсö сийö кынтö,
парма ёльлы шуны: узь!—
скөрлуннас тшöтш вынтöм.
Да и раслөн еджыд ун
ас нога да кокни:
бөрö кольöм дженьыд лун
мöдысьсö оз лок нин...
Радейтны куж шуд да мич
кöч ку пася тöвлысь,
муса сьыланкыв моз видз
вөр-ваыслысь чöвлун.

* * *

Эм кö зептад истöг тув,
кынмöм помысь он нин кув:
бипур öзтан öти здукөн,
шоньдлунсö сылысь юкан,
ачыс сюра чöрт оз йöрт,
сьöрсьыд лоас кö и пöрт...
Гажыд збыльысь лоас дiнад,
лöсялас кö стопка вина,
мудзтö пальöдыштигмоз
чайөн юны ичöt доз...
Сэк и медся кöдзыд арын
лоан парма шöрад царён!..
Сэктö, дерт нин, ковмас чом
да царевнаыд мед том,
вот и лоас вевт да сайöd,
лыска чомйыд збыльысь
райөн...

Эм кö зептад истöг тув,
збыльысь, зонъяс, он нин кув!

Сәті, кытчө коркө волім
 тэкөд вотны оз,
 кызд пу вуджис джуджыд
 тола,
 медым шонтис коз.
 Кыдз пу пасьтөм, кынмө
 сийө,
 синва кисьтны дась,
 көть и козлөн лыскыс йиа,
 но да, век жө, пась.
 Войтөв шөйтө шуштөм
 горөн,
 оз корсь водан гу.
 Сывъясисны вөр ді дорын
 нэриник кык пу...
 Оз вотысьөй өні ылын,
 оз сывъяв пөсь сыв...
 Менсьым шөгөс муса нылөй
 мыйлакө оз кыв.

Лызьяс вылын лэчыд төвлы паныд
 петны шонді керкаысь он пов.
 Некод тэнө, пөрысьөс, оз янөд,
 пөрысьяс моз он на кө и ов.
 Лымйыс вевттыс мусө вывті кыза,
 оз ло еджыд эшкыныслы пом.
 Сыысь, дерт жө, ачыд абу мыжа,
 мыйла эн ло важся кодьыд том.

Но он сетчы ставсө венысь кадлы,
 паччөр вылад мыштө он на пөж,

котортан на нюмъялөмөн радлан,
лызь бөрад кор кольö зысь бөж.

Шудаяслы козин пыдди усьö
кöч гöнысь на кокни-небыд лым.
Медся шуда мортөн
сийö-й шусьö,
кодлөн сьөлөм нэм помөдзыс пым.

* * *

Кузь туйö петавла шоча,
эновтны жаль шоньд поз...
Поездъяс төвзьöны воча,
мөдарлань — кажитчö — оз.
Век жö, пыр окота мунны,
ньöбны плацкартнöй билет,
синлыскöс топöдны унлы
поездлөн шы кöть оз сет.
Висьтав вай тэ кöть, бур
нылöй,
аддзан öд, кутшөм ме дзор,
колис да ёна-ö ылö
Збой Томлун станция кор?
Сэтчö и колис тай петны
эз кодкö мөдлы, а мем.
Сöмын бөр косны оз сетлыв
важмөм билетъясö нэм...
Тэрыба котөртö поезд,
сьөлөмыс сылөн оз мудз.
Мыйла нö кодзулөсь войыс
ме моз жö öнi оз узь?

Вөр ді сайын уна тыяс,
кытысь ёкышъясөс кыя,
дерт жө, вугыр шатьон сөмын.
Көть и ёкышлөн съод рөмыс,
юква вылө меным шогмас,
сы моз мөд чери оз могмөд.
Да и шуны кө нин стөча,
мый ме юкванассө вөча,
пөртсө съорысь ог кө

босьтлыв?

Сідзкө, гусяторйөс восьта:
тыяс дорын месө кыя
сувтысь лунлысь садьмөм .

шыяс,

шати^{БР}н^{БР} помын абу вугыр —
тыысь дэштөм шонді югөр...
Көсьянныд кө, сэсса ёрой
менө, татшөм браконьерөс!

тэкино йонтра,

шлнү индөно.

тэз зо *төм* *ш*

сүд ,төч ет нва

Вөдз тулыс дзик жө сөрмөм ар кодь,
но сылөн мөд сикас нин гор.

Со видзөд,
Сыктывкәрен наркын
кызд бара сотоны важ кор

Тан виля уджалө корт куран
да зиль и дворникидлөн ни.
Мед косьмөм корийскөд мыйслорө
тшөтш еотас жальлун гөдтөм би.

Эз быр на лёклуи войтыр костын,
мый вөчө дой да вайө шог.

Со тадз став лёксö колö сотны,
кыз паркас сотöны важ ёг.

* * *

Бур тулыс воывлö зэв гежöда,
оз тэрмась сетчыны яр төв.
Кызд кутас льöм пу öнi вежöдны,
кор мелi төвруыд оз öвт?

И берба шогсьö Эжва берегын,
оз вермы виччысьны нин лун,
кор сiйö вермас медводз зэригөн
лöz сөнiк вылö чöвтны ун.

Морт вермис кыпöдчыны енэжö,
и тундра эз ло сылы кын,
но лов шы войвывнымлысь кежöдны
öдвакö коркö тырмас вын.

СИКТСА СЕРПАСЪЯС

* * *

Ыбъяс вылысь лым нин сылö,
бара локтö югыд май.
Көнкö, кывзысьлöй, кызд сылö
юръяс весьтын колипкай!

Регыд ковмас петны гөрны,
торкны мулысь чöскыд ун,
медым миян паськыд йöрыс
ваяс шуд да озырлун.

Шонді садьмөдас быд пулысь
гарйö тупыльтчыштöм кор.
Сиктса войтырлы да мулы
сьывны кутас сё мотор.

* * *

Гожöм помын овлö сэтшöм кад,
шензьöдö кор тэнö ланьтöм войыс:
сöмын тöлысь зарни югөр койö,
узьö мудзöм сад и узьö эзысь вад.

Татшöм войö эн бара тэ узь:
коркö мöдысь сюрö сійö бурыд!
Медым кодкö кöть и шуас:— Дурö
ун пальöдны петöм пöрысь сюзь.

Абу сійö озыр, кодi том,
ун пальöдны ассьыс кодi цовлö.
Тувсов войысь сё пöв мича овлö
войыс,

кодöс вайö гожöм пом.

* * *

Кор тулыс воас Эжва дорö
да ловзьöдас и вөр, и му,
тэ льöм пу дзоридзтö эн орöд
да сьöлöм косьтысьыдлы ну.
Оз тэныд льöм пу козьнав сійöс,
мый корö вайны муса ныв!..
Мед татшöм мыжысь енмыс виас,
но енмыс абу да оз кыв.

А льём пу кылас сьёлём дойсö,
көть чеган нэриник и ув,
өд пуыд ловъя, көть оз ойзы,
оз öти ранаысь жö кув.
Дерт, бара воас югыд тулыс,
но мыйкö вөр-валөн оз ло...
Тэ аслад горшлуныдла мулысь
тась мырддян медся ловъя лов.

* * *

Бордъя кыа важөн кусі,
дугдіс муракывны гым.
Ыбъяс вылө бара усьö
еджыд бобувъяс кодъ лым.

Еджыд эшкын абу сьöкыд,
көть и пуксяс ёна кыз:
лоас кодзаыд кө тшöкыд,
сэк и унджык чöжсяс пызь!

Мортлөн сьёлём азым му кодъ,
сылы ковлывлö жö төв...
Шудлөн медся шуда юкөн —
өткөн мөвпалыштны чөв.

* * *

Сикт весьтö лэччис еджыд ру,
оз тыдав вөр да ыблөн эрдыс,
и весиг Эжва, муса ю,
оз вильшась гынас кыркөтш бердын.

Ќд бѳрѳ колис страдна кад,
и ачыс вѳр-ва морт моз мудзис.
Веж кияс увлань лѳдзис сад
да ѳшинь улын чѳла узыѳ.

Но арлѳн серпас оз ло тыр,
оз мурѳстлы кѳ трактор басѳн.
Мед асыя ру оз разав дыр,
а мортлѳн вежѳр медся ясыд.

* * *

Льѳм пу йылысь гижисны нин уна,
мичаджыка мукѳдысь ог гиж.
Талун бара Эжва пѳлѳн муна,
синьяс водзын ставыс еджыдвиж.

Тувсов рѳмыд оз на ставсѳ висьтав,
ѳшалѳ кѳть лыдтѳм дзоридз роз.
Вѳр-ва вылѳ ачыс енѳж кисьтис
ен пельѳсысь медбур дуки доз.

Кѳльмѳм морт моз шѳйта ва дор пѳлѳн,
кытчѳдз рытъя кыаыс оз кус.
Матыстчывны льѳм пу динѳ пола,
ѳти дзоридз сылѳн мед оз усь.

* * *

Арся вѳрлѳн рѳмьяслы пыр радла,
бокѳ некѳр ог кѳть вештыв син,
медым эськѳ татшѳм муса кадлѳн
дырджык сѳстѳм шудлуныс оз чин.

Мудзём морт моз ланьтөдчөма узыны
бадьяс костын эзысялысь ты.
Вермылө жө неуна да мудзны
тракторъяслөн ыбъяс весьтын шы.

Аттьө тэныд, зарниасьём арөй,
сысы, мый тэ вөлін татшөм шань,
вайин миян сиктъяслы и карлы
пызан выв тыр вөлөга да нянь!

Озырлуныд быдөнлы өд колө!
Сідзкө, содты, медым локтан лун
шогөн ньөтчыд эз дойд мортлысь олөм,
челядьлысь эз повзьөд кокни ун.

* * *

Бипур дорын, тыдалө, ме чужи,
нылалі эг этша курыд тшын,
сы вөсна и ассьым олөм вуджиг,
сылөн шоныд сывйысь эг и мын.

Овлывлө и тшак сёян поводдя,
суөдлас съөд вөрад зэр и слөт.
Пөльясөн на козьналөм важ ноддя
көдзыд войнад ваяс кышyd вөт.

Бурджык шудсө аддзыны ог мөвпав,
юр весьтө ог нюжөд вон да зэвт.
Лапъя коз пу ачыс чөвтас
потанын моз узысь пилы вевт.

Завидьта кө, сөмын нин ме сылы,
кодлөн вөлі унджык татшөм вой...
Ті эн кывлөй, асывнад кыз сьылө
шонді водзын сөстөм лысва войт?

Эз этша нин кывбуръяс тулыслы гижны,
но олöны паметын найö оз дыр.
Со бара нин сералö туй бокрын вижъюр,
мед томлунöн сьөлöмным лолас на тыр.

Ми кутчысям, ыб вывті веськыда мунам,
көн аддзысьны миянлы индыліс рök!
Мед нәмпомса вояссö, — этша көть уна, —
но лыддьöдлас лунвылысь бергöдчöм көк.

Ми сё во ог олöй... Мед корсясны мукöд,
мый миянлы шуд вылö унджык эз шед!
И көкыдлысь козинсö кык пельö юка,
а көсьян кө, öтнадлы козьнала тэд.

* * *

Ог пов лысваöн көтасьны,
вöрын шуштöмöс вöтасьны,
бара кевлыны сэтöрла,
көть и йöгырыс петшöра.

Пола, гортланьö письта да, —
аслам мудз йылысь висътавны:
көть и мырдысьöн корасны,
ог кут туй вылö норасьны.

КЫК ШОГ

Рытъя кыа кусö водз,
садьмö бара сёрон,

руысь мездмөм асывводз
видзьяс вылө корө.

Одйö вуджа вөр ді шөр
шондйслы воча,
мыйла, шуа, сьөлөмшөр,
аддзысьлам зэв шоча?

Тэысь кындзи мөд оз ков,
муслун видзны кужа,
паськыд Эжвасьыд ог пов,
кер вылын көть вуджа.

Сэссия, көсьян кө, и төд
сыланкывлысь помсö:
рака мозыд дыр эн мөд
паськөдлыны вомтö...

* * *

Норасьö, ме кыла,
шогö вöйöм зон:
— Менсьым муса нылös, —
кодлы абу дон! —
окалöма гусьон,
гөгөрвои, мөд:
менам öмидз тусьлөн
бандзиб йылыс гөрд...
Сывъялöма сійös,
тыдалö, выль друг:
кудриа юрсиыс
мусаöйлөн дзуг...
— Эска, — шуа, — тэныд,
но ог вермы, ог —
отсавны, мед венін

ассьыд курыд шог...

Мича нылыд — дзоридз,

тайос помнит, тод,

видз, медым оз ород

тэысь тэрыб мод!



СЬӨЛӨМҮН МУСЛУН

Мир в семье — основа
здоровья нации. Под
защитой материнского
инстинкта.



ПРОМЫСЛЕН
ПРОМЫСЛЕН

В. И. ЛЕНИНЛЫ ПАМЯТНИК ИНТАЫН

Енэжті бара нин
көдзалөм кымөръяс кывтөны,
сьөлөмнад кылан,
мый войвылө матыстчө ар.
Бронзаысь Ленин, кызд ловъя,
Инта шөрө сувтөма,
сывьавны, быттьөкө, көсйө
шахтёръяслысь кар.
Выль площадь мича,
асфальтөн зэв паськыда пуксьөма,
югыда ыпъялө сы весьтын
пыдөстөм йир.
Локтөны татчө и пөрысьяс
мөвпъяснас юксыны,
томъясөс татчө, кызд шуласны,
чуксалө вир.
Локтөны, важөн кызд
вичкоө волісны, висьтасьны,
кызд найө олөмө пөртөны
ассыныс мог,
мый найөс мичмөдө,
мый эм на олөмас мисьтөмыс,
быттьөкө, Лениныс кылө
и төждлун и шог.
Свадьба кө карас,—
дерт, локтасны жөник невестакөд,

мед налысь шудлунсö
 нэм чöжныс нинöм оз вен:
 чужисны сёрөн, а сійö,
 код сулалö на весьтын,
 пырис быд сьölöмö сідз,
 кызди писькөдчö ен.
 Татчö жö локтасны
 кузь туйö дыр кежлö мунысьяс,
 тыдалö, энотны муса Интасö
 дзик быдөнлы дыш.
 Тайö выль площадьсянь
 сöмын нин, веськыда шуны кө,
 куйлö Полярнöй дзик орччөн,
 но тыдавтöм кытш.
 Тулысын кыаяс енэжысь
 некор оз куслывны,
 тöлын вой кыалөн
 шензьөдö сё рёма мич.
 Татчö эз волы,
 но этша мöй сьölөмсьыс муслунсö
 юкис и войвывлы
 кувлытöм миян Ильич?
 Төвзясны вояс,
 и атомнöй нэм оз ло вынаджык
 бур войтыр паметысь
 вуштыштны меддона ним...
 Видзöй жö, видзöй
 и мусö, и васö, и сынөдсö,
 лысва мед усьö,
 а оз ставсö бырөдысь сiм!

МЕДВОДДЗА ЭЗЫСЬ ШАЙТ ЙЫЛЫСЬ БАЛЛАДА

Владимир Ильич оліс медбөрря лунъяс,
 эз бура нин кыв, гашкө, висьöмлысь дой,

то дыр кежлӧ вошлывліс дженъыдик унмыс,
то нинӧм, мый вайлісны, сійӧ эз сей.

Став му шарса мырсьысьяс кывзісны чӧла,
кыз тіпиктіс Ленинлӧн сьӧлӧмас вир,
ӧд зэв вылӧдз кыпӧдӧм чарла да мӧлӧт
важ олӧмлысь кырисны сьӧд гудыр йир.

А сьлӧн эз тырмы нин чеччывны выныс
да шуны на ёртъяслы кымынкӧ кыв,
мед выль госуларствоысь тшыналысь тшынӧн
и грӧш мында озырлун некор эз кывт.

Лӧк вӧрӧг моз тшыглун кӧ вочасӧн чездіс,
и гӧльлунлы сэтшӧм жӧ веськалас пай...
Ой, кыз эськӧ сысысьсӧ медӧдйӧ мездас
оз кодкӧ, а эзысьӧн дзирдалысь шайт!

Чеканитны босьтчисны сійӧс да ӧдйӧ,
мед аддзылас ачыс Владимир Ильич,
кыз медводдза шайт вылас выль шонді ӧзъяс
да быдӧнлы петкӧдлас олӧмлысь мич.

...Ме зэв бура помнита шогалан лунсӧ,
пӧсь синва эз йизьӧдлы кӧдзыдыс кор,
а медмуса мортыслысь палявтӧм унсӧ
эз пальӧд став мырсьысьяс бӧрдӧмлӧн гор.

И медводдза эзысь шайт кута со кийн
да сывъяла му, коді некор оз берд,
а кувлытӧм Ленинлӧн нем повтӧм пиян
и космосӧ лӧптисны миянлысь Герб.

ЛЕНИН ЛЫДДӢ «ГӢРД ПЕЧОРА» ГАЗЕТ

Войвылын омлялӧ тӧвпомса турӧб,
пармаӧ пырас и сӧні оз пӧд.

Зэв ылыс войтырлысь олөмсö бура
некод оз аддзы да некод оз төд.

Тышыс гражданскöйлөн сöмын на кусі,
белобандитъясöс чергөдіс пом.
Войвывса пияныс этша мöй уси,
кодъяслөн сьölөмныс вöлі зэв том!

Кыаыс садьмис да öтарö ойдіс:
шонділы туй сэсся коді оз сет?
Ленинлы киясö, збыль кызди мойдын,
вайисны сэк «Гöрд Печора» газет.

Войвылын, сідзкö, виль кодзулыс чужис!
Мед сійö ичöt, кызд гөррдзасьöм кор,
олөмсö Комилысь югдöдны кужас,
тöдмалас шуд сэтчöс уджалысь морт.

Ленинлөн тöждлуныс тырмымөн вöлі:
ыджыд му гöль, ёна киссьöма, тшыг...
Сійö эз аддыв Печора ю пöлөн
йи пленысь мездмö кыз тулысся гы.

Нюмъөвтис кыпыда...
— Атьö, бур өртъяс!..
Сьölөмыс зэв ыджыд радлунөн тыр.
Комиысь козинсö дыр видзис ордас,
кутлöны кыз медся донатор пыр.

РÖДИНА КАРТА ДІНЫН

Вөрөгъяс кытшын Москва. Налөн биа пöсь ньöвъяс
чужан му сьölөмö сатшкысьны дасьöсь быд здук.
Медсьöкыз төв сійö тышкасис, кынмаліс-төвйис,
тшыглунсö Ленин эз öтмоз мöй быдөнкөд юк?

Тшыглун да кӧдзыдлун вӧрӧгысь абу жӧ бурӧсь...
Стенас со карта... Эз ӧтчид, а тысяча пӧв
чужліс да бордъясьліс Ленинлӧн вежӧра юрын:
ломтас кысь аддзыны? —

со кутшӧм медводдза мӧвп.

Пес кутіс бырны, а из шомыс лӧк вӧрӧг кийн,
кыз сійӧс судзӧдны? Карталань видзӧдӧ Вождь.
Эм кӧнкӧ зэв ылың, унаысь лыддыліс сійӧ...
Со кӧні... Ылыс Ухта, Изьва юлӧн сӧдз вож...

Ставсӧ, мый кывсьӧ Ухта йылысь, тӧдмавны корис,
шоньдлун козыналас йӧзлы мед андылӧм му...
Миянлысь синнымӧс жалиттӧг мед ӧні ёрӧ
тысяча кодзулӧн дзирдалысь енӧж да ю!

ТЭНАД ПАРТБИЛЕТ

Войнабӧрса коммунистъяслы

Тэ кӧ видзан морӧс зептад
гӧрд кышӧда партбилет,
йӧзысь вылӧджык эн лӧптысь,
кокныд туй эн корсь да пет.

Казытышт,

велӧдіс кыз Ленин,
кутшӧм тэнад мог да удж,
медся сьӧкыдторсӧ венны
сылӧн вежа нимӧн куж;
казытышт

аслад пӧльлысь висьтсӧ,
кутшӧм вӧвлі муным гӧль...

Эз мӧй пет сӧк коммунистӧн
виль нэм тӧчны тэнад пӧль?

Казытышт

кыныд гора вояс,

эз мөй тшөтш и тэнад ай
пукты аслас зумыд сойөн
пятылеткаясад пай?

«Коммунистөн менө лыддьой,
уся кө, кор ярмас тыш!» —

сйё шуис клятва пыдди
жуглыны фашистскөй кытш.

Тэсө олан енэж улын
айыдлысь тшөтш овтөм джын,

видзан, медем аслад мулысь
шуд оз мырдды курыд тшын.

Гашкө, сьөкыдджык на лоас
водзө мунысь аслад туй,

сьөлөм пытшкад весиг коласт
мед оз аддзы пырны жуй.

Тэнад озырлуныд, шудыд
абу дзебөм зарни куд,—

тайё муыс, көні чужин,
радейтны да сывны кужин,

кодкөд шог и радлун вуджин,—
медся ыджыд, югыд шуд!

...Данко моз жө сьөлөм бинад
быд лун медся водзө пет,

видз пыр аслад сьөлөм дінад
гөрд кышөда партбилет!

ВОРКУТАСА «РУСЬ» РЕСТОРАНЫН

Гөститам войвывса карын,—
вөтын оз тшөкыда усь! —

пукалам выль ресторанын,
ним кодлы сетисны — «Русь».

Бывлаас скөралө турөб,
лым гартө — син ни пель,

көть и лёк Войпельлөн дурём
сьёлөмад абу нин жель.

Вайёны кузь пызан вылө
пөтка яй, черинянь, азь,
ставсө, мый кыв йылад сылө,
сөй,
ылысь веськалөм князь!

Сьёлөмъяс бурмөдө ставлысь
важ ногөн лөсьөдлөм нур.
Войвывса роч Ярославна
вайө и ас вөчөм сур.

Некодос некод оз вомдзав
кыпөдны медводдза тост.
Көсьян кө тэ, пызан помсянь
сур тыра яндөва босьт!

Медводз, дерт, татчөс шахтёрлы
сийны медыджыд шуд,
сылөн мед некор оз орлы
сьёлөмсө ышөдан удж;

сэсса строительлы,
коді
вынъяссө ассьыс оз видз,
мед сэтчөс войтырлы содас
шудыслөн радлун да мич.

Мед, сідзкө, ме шуа, нэмыс
и рестораныдлөн кузь...
Кытөнкө сэтшөм кыв эм-ө,
сы дінын кельдіс мед Русь!

ОГ ВЕРМЫ ЧӨВ ОВНЫ

Кор көнкө бара киссьо вир,
а мусо чишкалоны бион,
ме тода,
войтыр костысь мир
пеж дявөл кисьтө аслас кион.
Ог вермы кутны ассым дой
да сьолөм пытшкысь скөрлун пыкны,
кор бара куйлө мортлөн шой,
а вöля сетöма ёсь штыклы.
Мед тайö сэн көть,
көнi жар,
яр шондi негрöс сытөг сötö,
көть сэтшөм муын,
көнi ар —
Ливанын, көнi воис вотöс.
Öд быдөн му шар вылад ми,
кызд öти керка помын, олам,
и ставным, пуля мед оз ви,
быд кага вöсна ёна полам.
Но штык да пуля кындзи, эм
сё вына бомба да ракета...
Тшötш йöзöс вины
кызьöд нэм
пеж дявөл киö найöс сетис.
Да кодi сийö, кутшөм зверь
пеж дявöлыс,
да кымын сюра,
став войтыр вылө ад горш жер,
кор сылөн гундырлөн кодь юрыс?
Оз кион индины тай ков,
виль мулань кызди сийö уйö...
Войналөн пötлывтөм лөк лов
со бара пöльтчö аслас туйын,
мед сөдз Индийскöй океан
гырд лоис войтырлөн жö вирөн,

и выльысь ловзьом Тамерлан
оз прѳста горшлунысла тѳрав...
Но тырмас бур войтырлѳн вын
выль биысь му шар сюся видзны,
мед некор
взрывъяслѳн лѳк тшын
лѳнь сѳстѳм енѳжлань оз сидзлы.
И ме ог вермы овны чѳв
да дзоридзлы сонетъяс сывны...
Быд югѳр шондѳлѳн, кызд ньѳв,
тшѳтш сутшкас пежѳс
лѳчыд йывнас!

ЭФИОПИЯЛѳН ЗАРНИ ЦИТ

*Сталинград дорйысьяслы Эфиопия
пѳдаритѳс зарниѳн мичмѳдѳм щит.*

Войвылын тѳв
либѳ йирмѳга
ар,
Африка му вылын
пыр ѳткодь
жар.
Кодлысь нѳ ловсѳ
оз чепѳльтлы
дой,
кылас кор тѳждлунтѳ
тѳнсьыд
сьѳд чѳй?
Асьным ми помнѳтам
зѳв сьѳкыд
кад,
биѳн кор ышъялис и
Сталинград...

Эн өмөй тэ,
кодыр зыртчис
фашист,
Эфиопия, сет
ассыд зарниа
щит?
Мед оз музейясысь
сийос корсь
син, —
сьолөмын сылы
пыр медмуса
ин!
Муслунтө оз кынты
лөглунлөн йи,
вөрөглөн пуля
оз суөд
да ви.
Весьшөрө чайтөны,
пыр на тэ —
раб,
чепъястө сьылиад
кыскавны
рад...
Африка садьмис
да веськөдіс
мыш,
кыпөдіс рабствоысь
мездысян
тыш.
Весьшөрө вөрөгыд
босьтөма
гез,
Африка, кыны тэд
виль
чераньвез!
Дорйыны тэнө
пось сьолөмъяс

йит,
миян
сöветскöй
гöрд кодзула
щит!

СИБИРЫН ЭМ ДАС ВИТ ЗЫРЯНОВСК

*Аслам дядьлы, Павел Мингалевлы,
кодöс миян нэм пуксигöн нуисны Си-
бирö катарга вылö.*

Сибирын эм дас вит Зыряновск —
посёлокъяс, сиктъяс да кар.
Кор карталы сувтлан тэ паныд,
он весьшөрö пель саяд гарт,
мый висътыштас тэныд быд гижöд
да сёлöмлы зэв матыс ним,
а сэтчöдзсö мыйкö кö йиджас,
дерт, некор оз кельдöд да сiм,
пыр вöйтчан важ нимъясö мöвпнад,
мед аддзыны, кыз коми морт
став кöлуйсö дадь вылö сöвтлис
да эновтлис кöдзалöм горт...
Сьöд тшыглуныс сийöс и вöтлис
Урал сайысь корсьлыны шуд
да öтчюд кöть шомöс тыр кöтны
сэсь аддзыны пызь тыра куд.
А мукöдöс катарга туйöд
скөр стражниклөн колльöдис син,
мед кутшöмкö выль Аккатуйын
пыр казътивны гöль Сыктывдин.
Эз налөн ло сы вöсна мыжыс,
мый чужис Зыряновъяс ов...
Зиль войтыркöд кывтлисны пыжас
и асьныс Ермак да Дежнёв.

И зэв ылыс Шушенскöй сиктын
бур бать аслас пиыслы моз
Зырянов жö Ленинлы ликтис
эз кодлыськö, — асьыс жö поз.
Роч войтыркöд миян бур пöльяс
пыр кисьтисны пöсь да и вир,
и пиянлөн дружба эз гöльмы,
кызд тэнад бур слава,
Сибирь!

КЫЗЬ ÖТИÖД НЭМЫН ОЛЫСЬЛЫ

Мамук сой вылад нюмъялан чöла
да он кор аслыд мусаджыкин,
кызди расывса бордтöм на сьöла
югыд шондилань веськöдін син.
Катя-Катенька,
сöмын на чужин
овны му вылад зэв ыджыд нэм,
кöни шогыс и шудыс, и уджыс
ставлы тырмымöн, — унджык на, — эм!
Ыджыд мамыд тшöтш дзöрыштан кинас,
туйыд кыпыдөн пыр лоас мед,
лышкыд сьöлöмнас став бурсö сиö,
кызди кыпöдчысь дзоридзлы, тэд.
Кöймöд тысяча во вылö петны
колис эз уна тшупöда пос.
Ме ог тöд, коркö овлис-ö светас,
кызди библия гижö, Христос,
но тэ лоан выль нэмса царица,
он кут тöдны нин миянлысь тöжд,
мыйла муyslөн пуксьöмсянь йитчис
гöльлөн Правдакöд озырлөн Лöж.
Буретш сы вöсна бур вылас лёкыс
оз öд омöля öни на дур,

ёна вынаджык вок ассыс вокос
да и чойсö тшöтш кöин моз пур...
Катя-Катенька,
шондi оз чусмы,
ваяс войтырлы выль асывводз,
а мый миянлы пай вылö усьли,
сийö мöдысь оз во, тöда, оз!
Нюмъяв мамыдлөн медмуса сывъяс,
гажöд бöрдöмнас ассыныд горт!
Аслам сьөлöмысь бурсиан кывъяс
ме тшöтш козьнала,
выль нэмса морт!

ПЕЧОРАСА ЮКВА

Эм Печора вылын сикт,
абу сикт — посёлок,
кызди гора нима стих
вöвлöм Мылдин олö.
Сэсянь, мый кöть сэся шу,
звöнитöны войын:
— Важөн воссис миян ю,
волы юква сёйны!..
Важ ногөн кö, витсё верст
сэтчöдз Сыктывкарсянь,
ылыс туяд водзти, дерт,
петавлисны арсянь...
Öни нуас збой кöрт вöv
весиг зэра лунö,
самолёттö медъяр тöv
часнад оз и суöd.
Повтöг пукси пырысь-пыр
сынöдвывса доддьö,
бытьö ме кутшöмкö тыр
Его благородье.

Өти кывйөн, часөн тшук
Мылдінөдзыд вои,
юква пайос, дерт, эг юк,
ыджыд тасьтї сейи.
Уджйөзаөн бөр эг пет
ёртъяс пызан сайысь:
сөмын сійө өд поэт,
кодї радлун вайө!
Ошка ассьым чужан му,
кодї татшөм ыджыд,
коркө и Печора ю
вуджлі дзибрөс пыжөн;
ошки ассьым олан ног,
ёртъяслысь бур служба,
мися, некор оз вен шог,
вынаджык кор дружба.
Өтсөгласөн ставным сэк
волысьны пыр шуим,
и эг вөчөй ыджыд грек,
стопкатө кө юим.
Татчөс юкваыд оз вуң,
кыз сійөс он ошкышт,
пөртйө эз көть сьомга сун,
пуим йөрш да ёкыш!

КАНИН НЫРДЫН ҚАР

Быд карлөн аслыссикас серпас
да ловъялөн кодь ловъя лов,
а талөн кыпөдчөм быд керка
оз прөста сьөлөм пытшкад ов.
Веж пожөм босьтис сывъяс кытшөн
Печора бердса Канин нырд,
а пелысь уличаяс кышис
да лоис кыа рөмысь гырд.
Қор ылыс Изсянь төлыс петас,

быд пожом панас сьыланкыв,
а пелысь налы кисо сетас,
кызд кадрилясьны сувтом ныв.
Эм уна ю лоз енеж улад,
Печора кодыд абу мод:
пось шонди югоръяснас гулыд
и кыпыд сьолөмъяслы рөд.
Кор Канин нырдянь дзорган чөла
да мөвпнад, абу кө зэв ныж,
пыр кылан, кызди берег пөлөн
Русанов кывтө... Сылөн пыж
дзор пожом улө бара сувтас,
а сийос чолөмалас кар,
көн весиг кымөрбердса увтас
выль войтыр сьолөм биысь жар.

БАТЬ ЛЫЗЬ ВЫЛЫН

Миян олимпийской чемпионъяслы.

Потанын на куйлис ичот пиыс,
кызд шуласны, кокнас изис пызь,
батыс сылы кор вочис зиль кинас
көрлөн кысөн пыдөсалөм лызь,
быдмыштас да сы вылө мед сувтас,
төвзяс лымъя эрдөд, кызди ньөв,
керос йывсянь сөмын понлысь увтом
пуяс костөд сылань ваяс төв.
Ой, ти, лызьяс!.. Тайо тиян гажөн
мыш саяд тшөтш быттьө восьё борд.
Йораяскөд ордйысьны зэв важөн
лызьяс вылад кужлис коми морт.
Да и өни сылөн тырмө ярлун,
ичотысянь вынөн пөльтчө ки.
Оз на өти Инсбрук кодь жө карын
сылы өзьяс Олимпийской би.

КОМИ АНЬ

Кебангъэль посёлокысь Тамара Михайловна Попова, коді нэмсö уджаліс вöрын, мөдөдіс Мир доръян фондö 2000 шайт.

Ылыс посёлокын нывбаба олö,
комион сёрнитысь ань.
Гөститны коркө ті сы дінö волöй,
коді зэв лышкыд да шань.
Быдөнөс пуксьодас пызанъяс саяс,
ваяс, мый гөбөчас эм,
вердас да юкталас пармаса чайон,
кутшөмөс эн юлыв нэм.
Висьтасяс, көмтөг да пасьтөг кызд быдмис,
киас водз веськаліс чер,
некор эз вермывлы артавны лыднас
юясті кылөдөм кер.
Медбөръя кызь восö увйысис ягын,
нылаліс бипурысь тшын.
Удж сылы ичөтсянь козьनावліс радлун,
сойыслы содтыліс вын.
Пенсия сетöны öні — и бурөс,
тырмө тай быд пөлөс юм...
Салдатысь локтөдзыс, век жö, оз вурөд
пиыслы моднöй костюм.
Сьөлөмсьыс, висьтасьö, төждлунлөн гөрөд
здук кежлө сылөн оз ям,
помнитö: вурунысь медбөръя чөрөс
фронт вылө мөдөдліс мам.
Мед эськө некор войналөн пеж вуджөр
мир туй оз вудж, кызд сьөд кань...
Ставсö, мый чукөртліс
зэв сьökыд уджөн,
сетö Отчизналы ань.
Копыртлам юрнымөс нывбаба водзын,
коді со татшөм и эм,

войвывса енэжысь медъюгыд кодзув
югдөдө сылысь став нэм.

ПОЛЯРНОЙ КЫТШ ДОРЫН

Муслуныд сы динө кыз нө оз йиджлы,
аддан кор кок увсьыд раминик вижъюр:
тувсов лонь асылө медводдза дзоридз
восьёма шахтаө пыран туй дорын...

Тасянь Полярной кытш абу нин ылын,
сьөлөмтө лов шыыс йизьөдө сылөн,
сынөдын паръялө дыр еджыд бобув,
вижъюр оз корсь аслыс шонтысян кобув;
өттшөтш шахтёръяскөд асылын садьмө,
на вылө видзөдө, нюмъялө, радлө,
здук кежлө синъяссө сөмын и куньлас,
шондi Инта сайса нюрө кор сунлас.

Нэриник дзоридз, но збыльысь өд чудө
восьёма шахтаса неыджыд лудө!
Петасны лаваысь съодасьөм зонъяс,
некутшөм зарниөн найөс он донъяв!

Налысь, геройяслысь, кодъяслөн уджысь
шондысь пөсьджык на шондi жө чужө,
мичмөдө туйнысө нэриник дзоридз
йирмөгөн пөльтысь Полярной кытш дорын.

АРСЯ ВОЙ УСИНСКЫН

Гажтөм серпасыс тундраса арлөн,
мудзө сы вылө видзөдны син,

но со чужо, кызд кодзулось лайнер,
Колва ю дорө сувтөм Усинск.
Сэтшөм кадө ме быдми да ола,
кор оз вермы нин шензьөдны мойд:
выль гөстиница няньон да солон
со тай чуксалө колльөдны вой.
Ме кодь гөстыд тундра шөрад уна,
кодлөн оз ёна пөсявлы мыш,
а бурмастер став вахтанас мунө
йирны бурнас Полярной тшөтш кытш.
Өти жырйын дзик өткодь квайт койка,
дерт жө, дзескыд, но абу өд люкс!
Война кадся да сы бөрся войяс
кодкөд сөмын ас нэмын эг юк.
Но кор ныр горөн мөдөдчис сывны
дзонь бригада, а эз өти морт,—
вермис көрт тув и сийө тшөтш сывны,
а өд сьөлөмтө көртөн он дор!..
Мыйла, арся вой, нюжалан кузя,
ньоти, тыдалө, ме абу жаль,
чайтін, ланьті да, чөскыда узя,
кывза Штрауслысь зэв мелі вальс?
Ог өд ёртъясөс — ачымөс ёра,
мыйла синъясысь воштывла ун..
Быд бурильщиклы Войпельлысь кора
ыджыд шудлун да дзоньвидзалун.
Найө петасны шлякалы паныд
гудыр кыалөн сувтөмкөд тшөтш,
пятылеткалөн пуктыны планө
кизьөр зарнион медсьөкыд көш.

1984 ВОСЯ НОМЙӨСЬ ГОЖӨМ

Быдөнлөн өткодь вирыд,
пөрысь көть тэ, көть том,

быдөнөс өтмоз йирө
ад позйысь мынөм ном.
Сьод войыд бипур дорад
вывтi жө нин кузь,
пежъясөс помся ёран,
асылөдзыс кор он узь.
Эм антикомариныд,
но сөмын дженьыд здук
вөтлө, кыз кокни вина,
номъястө сылөн дук.
Мешөкө юртө сюян,
эрдө он эновт ныр, —
аддзас и сылань туйсө,
ныр йылыд лоас гыр.
Сапөг пыр коктө курччас
збыльысь кыз дурмөм пон,
пиньяснас весиг мурчкас
эбөссьыс петөм зон.
Өтнас став бордъя рөдысь
этаншөм вөчө шөг...
Со кодкөд му выв йөзлы
тышкасьны эськө мог,
шондi моз медым письтiс
быдлаө шуд да мир.
Войтырлысь эз нин кисьтны,
некор эз кисьтны вир!

ОШВОР

Воркутаө вотөдз —
Ошвор полустанок,
көрт туй бердө сувтiс
ыджыд обелиск.
Поезд өдийө төвзьö
бушколыслы паныд,

Ошворё оз сувтлы...

Но быд машинист,
обелисккөд орччөн
поездыс кор воас,
гора тутсан шыён
шызьёдас куш нюр,
медым быдён, быдён,
кодi матын лоас,
сулалыштас чёла,
копыртёмөн юр.

Уна дона пасъяс
чужан му быд помын!
Сийёс, кыз тан муніс
вир кисьтана тыш,
ми кө сэки вөлім
арлыднаным томёсь,
помнитё Полярной
матын куйлысь кытш...

Вой кыалён югөр
тіраліс да пессис,
көть и вөлі тулыс,
Усва воссян кад,
Комиё Сибириысь
Урал изйёд весьтас
Сергиенко зіліс
петкөдны отряд.

Ачыс — украинец,
комияс да рочьяс,
мансилён да хантлён
уна муса пи,
нывбабаяс, челядь...

Обь выв биын сотчис,
сэтчөс кулак котыр
шонтіс вирёсь ки!
Кызди көръяс бөрся
вөтчө көин чукөр,
вынысь петём йёзёс

кытшаліс тан враг.
Отсөг ылө некод
некодос эз чукост, —
ёна ылын шувгис
Эжва бердса яг!
Усва керос йылын
оти ыджыд гуыс
сизимдаслысь босьтис
сизимдас пось шой,
сы вöсна и тайö
миян кодзыд муыс
видзö дона гусö,
кыдзи ыджыд дой.

МИЯН ЧУЖАН МУ — СССР

Кöни чужан мулөн пом,
кöни сылөн шöрыс,
кымын юлөн йыв да вом,
изъя кымын нöрыс?

Бара киссьö шоньд зэр,
тулыс бара шонтö.
Миян мунымлысь веж эрд
дас час вуджö шондi.

Асыввылын сувтö лун,
рытиввылын кусö,
вот и видлы — кытшовт мун
ассьыд чужан мутö!

Восьтлы, сiдзкö, карта лист,
пуксьыв вай сы дiнö,
медым шензьöдыштас висьт
Брестсянь Сахалинöдз.

Озырлуныс сылөн эм,
некор оз и бырлы,
тэчны мичаджык на нэм
пиянлы тшөтш тырмас.

Медся бур да ыджыд шуд
видзам медся ёна,
сійос муртавын он куж
весиг денга донөн.

Бур семьяөдз шог оз лок,
ёрта-ёртлы радось,
уна кывъя чой да вок
олам мича ладөн.

Ставсө шөри юкам ми
өти пызан сайын,
весиг сёлөмъясысь би
өтилаө ваям.

Медся ыджыд озырлун —
татшөм оласногыс.
Сувтө Му шар весьтө лун,
югдө миян ногөн.

Эм кө нянь-сов перьян ки,—
тырмас, майбыр, уджыд!..
Биысь-ваысь видзны ті
татшөм мусө кужой!

ЗАРНИ ЧУНЬКЫТШ ЙЫЛЫСЬ

Зарни свадьбатө регыд нин
пасйыны кутам,
сійө абу зэв ылын нин,
кытөнкө водзын,

Ме жö, донаöй,
 чунькытштöм чуньястö кута,
 кодъяс мясянь эз аддзывны
 медыджыд козин.
 Кора прöститны сысы,
 мый тадз тайö лоис,
 вывті öдйö тай саяліс
 гöтрасян кадным.
 Уна вичмыліс миянлы
 тöждлуныс-дойыс,
 ёна этшаджык на серти
 нюмъяліс радлун.
 Зарни чунькытш эз туплясь
 да-й матын эз куйлы,
 кор ми гижсьыны ветлім
 да сьöлөмъяс йитім...
 Ладнö, такöдім асьнымöс,
 кузь, гашкö, туйным,
 дона козиннад мöдысджык
 мичмöда китö.
 Гöльöсь вöлім ми сэк...
 Сэсся чужисны челядь,
 колö видзны быд грöш вöлі,
 быдтыны найöс...
 Му шар кодъяслы пыр вöлі
 дзескыд да дзоля,
 биөн пырисны миянö
 вежтасъяс сайсянь.
 Эг öд öтнам ме, мусаöй,
 уджйöзöс казьтив
 кын окопъясын куйлігөн,
 аддзысьны медым.
 Мися, видз бура челядьтö,
 видз бура асьтö,
 ловйөн коля кö,
 сэк ставыс миянлы шедö...
 Но эз кокниа тай

долыд олöмыд пуксьы, —
мусö гöрисны танкъясөн,
бомба-снарядөн.
Ми эг чунькытшён, —
нянь торйён шöриён юксим
челядь кок йылö кыпöдиг,
зэв сьöкыд вöли.
Öнi зарниыд дона
да пенсия помсьыд оз чукты,
ньюбны чунькытштö
тысяча джын мында колö.
Татшöм донатор, тöда ме,
чуняд и ачyd он пукты,
аслад оласног серти,
кыз вöвлi, ме чайта.
Зарни свадьбаным воас,
но миянöс некод оз янöд,
дона чунькытш оз кут
кöть и мичмöдны китö...
«Найö шудыслөн, — шуасны, —
медыджыд проба,
кутшöм зарнилөн абу,
кöть сё чунькытш йитлы!»

КОМИ НЫВБАБА ЛУНВЫЛÖ МУНИС

Коми нывбаба ышмис
да лунвылö мунис,
ньюбис сэтысь
кык öшиня неыджыд чом,
кодi дзоридзьяс пöвстö
дзик вевтöдзыс сунис,
и эз дöзмöдлы некодöс
вир юысь ном.
Вот и ов да пыр ов, эськö,

дзоридзьяс пѳвстад,
кѳні вой тѳвлысь лов шысѳ
некод оз кыв,
шоньд моресянь солѳн
да чериѳн ѳвтѳ,
пачысь гѳгыльтчѳм кѳвдум кодъ
шондѳйс сыв.
Сѳмын мыйлакѳ гажтѳмчис
нывбаба миян,
быттѳѳ вужъясьны дзоридз моз
муас эз куж:
кутѳс эндыны анылѳн
зѳв тѳрыб киас
керкабердса пыр вичмысь
да помавтѳм удж...
Мый эз тырмы нѳ сылы?
Двореч, гашкѳ, ковмис,
гашкѳ, керкасьыс джуджыдджык
чукѳра сьѳм?
Вѳлі керка и сьѳм,
позис шогсьытѳг овны,
а вот некѳн эз тыдавын
пелысь да льѳм...
Орчѳн ськѳд эз шувгыны
коз пу да пожѳм,
тувсов войлѳн эз петкѳдчыв
шензьѳдан мич.
Муыд паськыд,
но эм сылѳн лѳнь Эжва вожын
некор вунлытѳм бать-мамлѳн
муяс да видз...
Коми нывбаба лунвылын,
Олѳ, сѳн олѳ,
дѳнас абу ни баля,
ни каньпи, ни пон.
Кокни вежѳрнад олѳгад
ышмѳмысь колѳ,

кыдзи аддзанныд, мынтыны
зэв ыджыд дон.

ЕДЖЫД ВОЙ ВОРКУТАЫН

*«Северной» шахтаысь Социалисти-
ческой Уджывьса Герой Александр
Кармановлөн бригадалы.*

Еджыд вой Воркутаын,
коть синтö эн куньлы,
асъядорöдзыс ывлаын,
кösъян кө, шöйт.
Татшöм дивöыс овывлö
сöмын июньын:
енэжтас сайö шондiтö
мырдөн он вöйт.
Тэ он жалит, мый тундра
оз гажöд веж садөн,
но быд дзоридзлы козьналö
сё югөр войт.
Бара лэччöдас шахтаö
ассыес бригада
багатыръяслөн рöдысь
Карманов-герой.
Зумыд кияса зонъяслөн
асланые муслун,
кодöс пестыны сьöлöмас
оз быдөн куж.
Налөн из шомысь чуктöдöм
шондi оз чусмы,
коть и ыждавны кутас нин
арьявыв пуж.
Гашкö, збыль мортöс мичмöдö
шондiлөн гожыс?
Но шахтёръясöс мичмöдан
асланые пас:

талун сетасны налы
нэр дзоридзлысь розъяс
сэж, кор эрд вылө кыпөдчан
воас нин час.

Медым мудзыс и са чутыс
тырмымөн өшъяс, —
мудзтөг, шуласны, шудлуныд
дженъыд да ляб.

Төда, бара Карманов бригадалы
өзъяс

кузь копер вылө кыпөдөм
дөлалысь флаг.

Еджыд войтө, кор войвылө волан,
он вунөд,

ме жө аддзылі

ыджыдджык вунөдөмтор...

Медводз меным сет славатө

му пасьта нуны,

кодөс шедөдін тэ,

воркутаса шахтөр!

ПЕЧОРАСА ШОНДИ

Печораса ГРЭС стрөитысьяслы.

Кузь туй вылө некор ог норась,
чужан мулөн шудлуннас ме тыр.
Бара корө ас дінас Печора,
кодкөд эгө аддзөдчылөй дыр.

Кыскөны оз вөралысьлөн мойдъяс,
муслунөй көть на дінө эз быр.
Лыдтөм биөн, видзөдлөй, кыз ойдіс
важысянь нин төдса Канин нырд.

Тасянь коркө збой Русанов индіс,
кытчө пуксяс шуда йӧзлӧн кар.
... Куньтыртчыны зильӧны кык син дор,
сы вӧсна мый войыс бинас яр.

Оз кут венны весиг лӧкмӧм турӧб
киӧн вӧчӧм шондӧслысь дзирд,
кодӧ кымӧр весьтӧдз сувтӧм юрӧн
енӧжыслысь пыкас кӧдзыд йир.

Аддза нин ме сылысь югыд вуджӧр,
лолалысь турбинаяслысь визь.
Чери кыйысь дӧрӧм соссӧ пуджис,
нюмъӧвтӧс да медводз пуктӧс из.

Кыпӧдчӧ Печора нима Шондӧ,
оз сайӧдлы кодӧс арся ру.
Йиа саридз дорӧдз сийӧ шонтас
гӧрлывтӧм да кӧдзлывтӧм на му!

ШКИПЕР

Важ баржаын кирпич да шифер,
найӧс виччысьӧ ылыс грезд.
Дона Эжвасӧ пӧрысь шкипер
мукӧд ю вылӧ нӧм оз веж.

Сылӧн колисны мырсян вояс —
пукав гортад да ветель кы...
Век жӧ садьмӧдӧ тувсов войнад
теплоходъяслӧн тутсан шы.

Кӧть и дзормис нин, ӧна пӧрысь,
а вот сьӧлӧмыс пыр на том...
Бара мӧдӧдчас Эжва горув
вердны пӧттӧдзныс лӧдз да ном.

Мед көть гөтырыс помся ропкө,
пөрысь пөрысьлы век тай жаль...
Да и ачыс, кор кыськө локтас,
сьөрсъыс вайлывлө мича шаль...

Со и баржаыс сідзжө пөрысь,
а вот шойччыны кад оз кор!
Найөс кыкнансө Эжва шөрын
пөся сывъялө кыа борд.

КЫК КЕРКА

Керка тшупны петіс бать да пуксис,
горша юис көдзыд ырөш доз.
— Гөтрасян да,— шуис,— меысь юксян,
сідзкө, водзвыв лөсьөд аслыд поз.

Эг көть төд на,
кутшөм кодзув улын
ветліс аслам өти шуд да гаж,
велөдчи нин сирөд пожөм пуө
гижтавны да вөчны топыд паз.

Пелька ворсіс кийн лэчыд черөй,
нитш вылө кер водліс, кызди гум.
Гашкө, збыльысь сэки,— мый нө керан!—
орччөн көнкө ветліс гуся нюм.

Но эз кыпты аслам кыпыд позйөй,
сигөр улө сідзи эз и пыр:
рытиввылын енэжтасыс өзйис,
йөзлөн вирысь муыс лои гырды.

Сійө кадсянь сьөлөм пытшкын олө
воштөмъясысь бурдлывтөм нин дой...

Мыйла чужан сиктö дыр ог волы, —
норасьöмөн юасьö бур чой.

Мыйла?..

Гашкö, неуна и мыжа,
вунöдi кö ассьым ордым-туй.
Аслам пий мейсь öнi ыджыд, —
шоглун сылы тöдмавны оз туй.

Талун сийö зумыджыка тэчö
югыд керка, кодлөн нимыс — Мир,
медым сэсся некор оз нин лэччы
дзоридз быдман муö мортлөн вир.

БАМ СТРОИТЬСЯ КОМИ НЫВЛЫ

Валя Малыгиналы, геологлы.

Кыздз нин сэн, зэв ылас, олан,
чужан кыв шы кор он кыв,
Валя, тэ шуда геолог,
БАМ стрöитысь коми ныв?
Некод тай мырдөн эз ысты
нылавны бипурса тшын,
аслад жö сьöлöмыд кыскис
сэтчö,
көн збыль колö вын
венны,
мый сьöкыднас шуны
сьöкылун тöдысь оз пов...
Кокни туй вöли коть уна,
На лыдысь öти эз ков!
Сöрысьлөн овлö на, нылöй,
том йöзöс увтыртан лёк...
Тэ пыдди висьтала сылы,

мед чөвтас лөсявтөм шог!
Чужан му джынвыйо шуда
сийон,
мый сылөн нин эм.
Том войтыр асланыс уджөн
тэчасны мичаджык нэм.
Эм налөн тырмымөн ярлун,
вежөр да уджалан сям.
Сувтасны уна выль каръяс
сэн,
кыті нюжалас БАМ.
Асыввыв саридз тшөтш сылас
томлунлы выль сыланкыв,
кодос тэ медся водз кылан,
медводзын восьлалысь ныв!

ВЫЛЬ ВОСЯ НОВОСЕЛЬЕ

Выль керка кыпөдісны карын,
но менсым сьөлөм дойдіс шог,
кор керка нельнан бокас бара
бур йөзлы колис няйт да ёг.
Но найо, кодъяс уна во нин
пыр виччысисны бурджык поз,
эз кутны вышшитчыны ёна
да корсьны сөмын дзоридз роз.
Ой, мыйта шудыс налы усис!..
Эг ме, —
ме, гашкө, эг и кыв,
кызди чужөмбанті синва войтыд
пыр кывтө, кывтө и оз сыв...
А найо, — коді кызди кужис! —
пыр ваялісны көлуйтор,
и югыд билөн мелі вуджөр
эз өти өшиньянь нин ёр.

Ме шуда йӱзлӱн шудӱн радлі,
эґ мӱвпав корсьны аслым пай,
но медводз менам сьӱлӱм падмис,
кор аддзи керкабердса нййт...
Мед эськӱ быдӱн, кодӱ вуджис
да новоселье пасъяс пыр,
ас нййтсьыс мездьсьны жӱ кужис
да сьӱрсъыс керкаас эз пырт.
Оз ывла нйитыс ӱна повзьӱд,
кӱть сійӱ оз жӱ эськӱ ков...
А нйитыд сьӱлӱмад кӱ ловзяс,
пыр сӱсьтас медся сӱстӱм лов.

ВУКТЫЛЫН НЕЛЯМЫН ГРАДУС

Вуктылын нелямын градус, —
содтышт на кӱть джын! —
Абу мупытшкӱсса газысь
енӱжтасӱдз тшын.
Кӱдзыд сотӱ мортлысь чужӱм,
синтӱ тыртӱ лым,
сӱмын мусӱ бертан уджысь
сьӱлӱм бердыд пым.
Кӱлӱ жӱ тадз вӱлӱ лоны:
сӱн, кӱн ставыс кын,
дзевсис медпыдыс девонас
биӱн ломзьысь вын.
Сылысь тӱпкӱм ӱнӱ кылӱ
лыдтӱм лыда кар,
Вуктыл нима сьыланкывӱйд
сӱтшӱм лои яр.
Кӱдзи аттӱ кывсӱ кужам
шуны налы ми,
кодъяс кӱын збыльысь чужи
Прометейлӱн би!

ВОЙ ТӨВ НЭМЪЯС КУТАС СЪЫВНЫ

71-өд мостоотрядса ёртъяслы—ударникъяслы, Усва вомён пос кыпёдысьяслы, послысь коймөд пыкөд асьнысö жалиттөг спаситысьяслы.

Эг төд, лунын али войын
вуджас Усва вомён поезд,
кодос сывъялис кузь пос —
уна пыкөд, уна кост.
Төждлун менсьым сьөлөм йирис
лоны первой пассажирөн
тайо поездас... Мед син
аддзис дивө чужанін,
кутшөм вына мортлөн кийс...
Усва мездысис кор йиысь,
сэк и тэчис өти зон
коймөд пыкөдө бетон.
Йөймис скөрлунысла юыс:
кодi лысьтiс сылөн туйын
сувтны паныд?
Некор оз
кыпты Усва вомён пос!..
Усва визув, Усва вына,
кодыр көртвом помысь мынас,
но код локтiс тэчны пос,
оз жө бурөн өнi кос!
Коймөд пыкөд...
Ваыс содiс,
но, а сийө зонмыс, кодi
тэчис пыкөдас бетон,
төдiс быд минутлысь дон.
Ваыс өдийө содiс-кайис...
— Унджык из да цемент вайөй!.. —
ещө өтчыд кылис гор,
Усва пленө босьтiс кор.
Морөснас бетонщик, аснас,

пыкны сувтіс визув васö...
 Коркö амбразура тадз
 тупкис бойын сылөн бать!
 Кын тундраса нюръяс шöрын,
 кыті ветліс öтнас йöра,
 көрт пос сывъяліс скөр ю,
 Коми му да-й ненец му...
 Эг төд,
 лунын али войын
 вуджас Усва вомөн поезд,
 кодöс мичмөдіс виль пос —
 уна пыкөд, уна кост.
 Вой төв кутас нэмъяс сыввны,
 медым быдөн тайöс кывліс:
 багатыръясысь на ён
 роч му вылын чужом зон!

ЛАЯ ТЫ ДОРЫН

Лая ты дорысь джуджыда кыпöдчөм мусюр
 вундіс кык пельö вискыслөн паськалөм вом,
 бурөвöйлөн кө вуджöрыс öтарас уси,
 сувтіс мөдарас көръясöс видзысьлөн чом.
 Татшөм талунъя тундралөн чужöмыс-баныс,
 кодöс некор эз жалитлыв турөб да зэр.
 Вездеход төвзьö лунвывсянь аргышлы паныд,
 дадьлысь сюв туйсö кресталö тракъяслөн сер.
 Мый нö, көр видзысь, мый тэнсьыд сьөлөмтö йирö,
 шога, аддза ме, копыртін дзормыштөм юр,
 быттьö видзчысьтөг уськөдін Лая ты йирö
 аслад койбедькөд тшөтш тасма чеп йывсьыд пурт?
 Да öд казяла төждлунлысь помкасö тэнсьыд,
 көть и абу, ме эскöда, некутшөм шог,
 эз важ пöльяслысь туйяссö жугöдны-венны
 джуджыд вышка бурильщикыс сувтöдны лок!
 Сійö петкөдлас тэныд, кыз озыра овны,

тэ жö отсав да велöд, мед сьлөнсö ки
и лөнъ ты вылысь дзодзөгöс некор оз повзьöд,
и мед дзордзалысь зын турун ковтöг оз ви.
Сійöс, тундрасö, ранитны кокниа позьö,
нöшта кокниджык няйтöсьтны медсöстöм ю,
но кор муслун морт сьölöмын на дінö ловзяс,
сэк оз шогсьыны кут весиг сывлытöм му.
Öзйö көр видзысь чом пытшкын бипурыс жара,
пöртйын руалö пелядь и чайникыс пöсь.
Татчöс олысьöс видлыны воласны бара
бурöвöйясысь оз öти зэв дона гöсть!

УСВА ДОРЫН

Эг кө аддзыв, эг и эскы —
кывлöмторйыд вывті кос:
тшапа сувтіс Усва весьтö
кузь да мича көрт туй пос.
Сійöс вöчисны бур стальысь,
улас тэчисны бетон,
ассьыс вынсö эз жö жалит
коми сиктысь воöm зон.
Водзті, кыті ветліс көра,
ойзіс турöблөн лёк гор,
тепловозлы тундра шөрöдз
восьтіс туйсö светофор.
Öшкамöшка мичсö воштіс,
көть и зэр, и шонді эм...
Көр видзысь, ме кыла, ошкö
Усва юыслысь выль нэм.

ИЛЫЧ ЙЫЛЫН

Быттö тшынісны туся пуөн:
шоньд позйын ог аддзы ин,

сьолөм сэтчө нин өні нуө,
көні эм сэтшөм Сарьюдін.

Мый сэн, шуасны, уна бурыс:
төлын — турөб, а арын — ном,
али лөсьөдчан тшөтш Морт юысь
өні вугравны эзысь ком?

Илыч чериөн-яйөн озыр,
сэтчөс вөралысь вывті бур,
чужан муывса дзик быд козлы
дась пыр копыртны ассым юр.

Сэтчөс ордымъяс ноппөн вуджа,
том геологкөд узя вой,
гашкө, кывбурө сэки кужа
кисьтны кыалысь зарни войт.

ПЕЧОРА ЙЫЛЫН

Зверьяслөн тан царство,
пөткаяслөн — рай,
налөн государство
эн пыр корсьны пай.

Илыдз бердса нюрын
дозмөрьяслөн койт,
йөра нуө сюрас
кыалысь сөдз войт.

Изъя кось оз сьөмдыв
да оз ланьтлы чөв,
пөкнас зэвтчөм сьөмга
кыптылас, кызд ньөв.

Сувт да чөла видзөд,
кызди төвзью көр.

Көин синмысь видзө
сийөс пемыд вөр.

Пармаыс кө төдса,—
шытөг восьлав-уй.
Татчө дзикөдз пөдса
браконьерлы туй.

УЗЬТОМ ВОЙ

Быдөнлы ас ногыс пырө
сьөлөмас радлун и дой.
Ме динө виччысьтөг пырис
куньлывтөм синъяса вой.

Мый нө ме, юасьö, гижа,
вой шөр, а уджтөг ог ов?
Збыль, гашкө, менам выль гижөд
некодлы сэсса оз ков...

Сы вöсна лолöй и ноксьö,
оз аддзы ланьтөдчанін,
йөз шөгөн олө и шөгсьö,
радлуныс югдөдө син.

Завидьта сөмын тай налы,
кодъяслөн лоас мөд мог,
шөгөн мый нимтысьсö талун,
му вылысь бырас, кызд ёг.

Син пөлөн аддзывны эськө
мойдывса этатшөм рай...
Муртыштöй сэтысь, көть весьтөн,
меөн тшөтш пуктыштөм пай.

Тыдалө, сьökыдджык черысь
перөлөн төчитөм йыв...
Эг өмөй кывбурьяс кериг
кадысь водз сетчы да сыв!

ФИННЪЯСЛӨН ПЫВСЯН

Важысянь татшөмтор зэв ылөдз кывсьө,
свет вылас медбур пö финнъяслөн пывсян.
Му вылас ачым ме вель дыр нин ола,
пывсьыны уна бур пывсянö волі.
Збыль, пыр на помнита, йи кутан арын
шудлун Суомиса нуөдліс карö...
Гөстьөн ме шуси, а гөстьлы сэн колö
пывсянö кежавны, дерт жö, быд волөм.
Асныра вөв моз ог бöрынтьчы; мися,
жарысь ог пов, сійö оз көвъяв висьöм!
Корöсьөн ачымöс кучкала зіля,
торйөн нин сэт, кыті важөн оз гияв.
Сы бöрын — дивуйтча! — йи көдзыд ваö
пыравны кыссьöны, ты пытшкö, ставөн...
Финн вокöй медводз тай кок чуньсö вöйтліс,
пöлясис дыр, йиа ва вылас вöйпис;
хант да карел, көть и вöліны ярöсь,
сывны эз чайтны нин пывсянса жарысь;
Таллинысь вок йиөн кеняссьöм тыö
пыравны, казялі, эз весиг шыась;
удмурт, бур вок менам, көдзыдысь повзис,
морöсас лов гöныс чукөрөн ловзис...
Меным тай, думышти, видлыны тайöс,
вокъяслөн тшöтш уси, тыдалö, пайыс, —
бузгыси тыас, кызд Комиын, гортын
толаö бузгысьö мужичöй мортыд...
Йиа ва сотö, но киясөн сына,
тушаöй зэвтчöма вөвлытөм вынөн...
Мед сэсся горзöны, мыйта көть колö, —
пывсьöй да дзоньвидзаясөн олöй!
Финнъяслөн пывсянөн тöдмаси бура...
Кысь аслам пывсян кодь мөд сэтшөм сюрö!

ТӨВСЯ ПАРКЫН

Думайтанныд, йөз сьөлөмысь муслун,
пöрысьми да, öнi ог нин кыв...
Син водзаныд эз мöй коркö усьлыны
скамья вылын кыкөн — зон да ныв?
Öта-мöдлань топöдчисны найö,
сёрнианыс — тöждысьöm да шог:
нывлы колö мунны верöс сайö,
верöспунас лоны зонлөн мог.
Кöнi налы öтвылысьсö овны?
Мыйла нö оз юав некод, оз,
сы йылысь, мый том гозъялы ковмас
юръяс сюян неыджыд да поз.
Чужан сиктныс кыкнанныслөн ылын,
кыскис найöс аслас сывйö кар,
көнi ёна ыджыд стройка вылын
кольöдисны таво нельöд ар.
Муслунтö оз жугöдны приказөн,
сийö чужис, сийö эз вöч мыж,
сьөлөмъясас поздысис кö важөн,
кокныд руөн некор оз ло рыж.
Оланiнъяс карысь ог ме юклы,
тöда, тайöс вöчö горсовет...
Весьшөрöсö ньöти ог жö суклясь,
висьтала кö, мыйла нö оз сет
медводз налы, кодъяслы и колö
козин пыдди оланiнысь ключ...
Ордерысла тэрыбджыка волас
уна пöлöс чина мудер руч.
Төвся паркысь локта сьөлөм дойөн, —
пузылас тай коръяскö на вир,
кöть и зарни тöлысь бара койö
лымлөн еджыд эшкын вылö дзирд.

ШУДА ЯГЫН

Татшөм ягыс Коми муын

эз зэв уна коль,

сира сынöd кытысь юö

мекöд жö быд ёль.

Горза: — Яков Рочев, шыась,
мыйла ланьтін чöv?

Менам гора гөлөс шыö

локтö öтнас төв...

Ягыс вочасөн пыр шызьö,

дзевсьö геб да ном,

вильыш Изьваыскöд гызьö

тшöтш и Уква вом.

Ёртлысь челядь кадся кок туй

ягысь корсьны дась:

кыт нö вуджис, кыт нö локтис,

кыт нö мунис тась?

— Яков Рочев, — горза, — шыась,
мыйла ланьтін чöv?..

Пожöм туганъяс пыр кыа

койö зарни ньöв.

Чужан сиктыс Уква саяс,

таладорас — кар,

ичöt зон, ме аддза, вайö

сэтысь выль букварь!

Коркö сылысь ачыс восьтліс

лист бөрся выль лист,

öні мöд морт асьыс босьтас

Кык друг йылысь висът.

— Яков Рочев, — горза, — шыась,
мыйла ланьтін чöv?..

Шуда Ягын сöстөм сынöd,

сöстөм жö быд мөвп.

ЮХНИЛӨН СЬӨЛӨМ

Сійö сьöкыда лолаліс, гудыртчис син:
оліс медбөръя часъяс Василий Юхнин...
Өти керкаын овлім да, эз кодкө мөд
меысь бурджыка гижысьлысь нэм помсö төд!
Сотіс морөссö висьөм, кызд сотлывлө би,
но эз торйөдчыв удж дінысь вижөдөм ки.
«Синмөс куньла да аддза...

— кос вом дорыс лөз,—
пашкыр пожөмъяс шувгöны... Яг вылас йөз...
Эм кө кытөнкө ен, сылөн сьөлөм кө сыв,—
менсым кевмысьөм мыйла нө сійö оз кыв
да оз сет лыда төлысьяс, ещö көть во
гижны «Пожөмъяс шувгöны»... Дзик өти во!..»
Енлы сійö эз эскы... Но вөр-ва и му,
Луза ю весьтö өшөдчөм аръясса ру,
тувсов сынөд и енэжлөн лөзалысь вон
бура төдісны, дерт, муса пиныслысь дон.
Луза берегын пожөмъяс шувгöны, и
бара кылавны ю кузя тэрмасьö йи.
Содтөд өти лун му вылас гижысь эз ов,
колис миянлы тшөтш ассьыс сьөлөм да лов.

СӨВЕСТЬ

Мортлөн эм пөсь сьөлөм,
шуöны, эм лов,
сөвестьтөгыд, вөлөм,
он жö дырсö ов.

Сөвесть медся пыдын,
медым эз сөй сім.
Видзöны оз быдөн
сылысь сөстөм ним.

Сыысь тэ он пышйы,
юкмөсө он пыр,
мудерлун да дышлун
эз кө тэнад быр.

Он дзэбсьы и вөрө,
кызди дзэбсьө көч,
аслад сөвесьть ёрас,
он кө бура вөч.

Сконъялан кө ёрттө,
сөвесьтьсьыд он мын,
синтө нэмыд ортөдз
сёяс курыд тшын.

Сөвесьтьыд оз скөрав,
олө шы ни төв,
аддзө жө быд вёрас,
төдмалө быд мөвп...

Мынтөдчан, ме шуа,
сыысь сөмын сэк,
кодыр көдзыд гуад
дугдан вөчны грек.

ВЫЛЬ ВОСЯ ВОЙӨ

Лыдтөм кодзулөн дзирдалө-ворсө
миян Войвылын выль вося вой.
Шуда воён, Виль воён, бур ёртъяс,
муса ныв, дона вок, зарни чой!

Мед небесаысь усьө
быд пельпом вылө лым,
пось муслунтө он кусөд,
кор ачyd биысь пым.

Колис во, а ми томджыкось лоим,
татшөм, тыдалө, усис бур шуд.
Мирной оломсө Выхь вося войö
аслад вежөрөн донъявны куж.
Сбыланкыв аски садьмодас бара
тэчны керка да лосьодны гөр.
Миян сьолөмъяс удж динад ярось,
миян флаг тувсов кыаысь гөрд.
Мед оз паныдась Выхь вося вояд,
кодi гусясьö, наян да дыш
да бур войтырлысь нянь-совсö сөйö,
көть и некор оз посьодлы мыш.
Нуö шондилань öнi быд ордым,
лыдтөм биясөн дзирдалө вой.
Шуда воөн, Выхь воөн, бур ёртъяс,
муса ныв, дона вок, зарни чой!

Мед небесаысь усьö
быд пельпом вылө лым,
пось муслунтö он кусод,
кор ачуд биысь пым.

ЧЕРНОБЫЛЬСА РАНА

Украина муса чойлы
бурсиөмөс пана:
тöда, тöда, кызди доймö
Чернобыльса рана.
Быттьö аслам морөс вылын
вөвлөм дойыс воссис,
рана, кодөс пыр на кыла
лөк вөрөткөд косянь.
Мый нö вöчан, тадз кө лои
да и татшөм ногөн:
суис бур войтырөс войын
тайö сьökыд шогыс...

Но, кызд кольом война кадö,
отсöг вылö воим,
сё пöв сывъявны пыр радöсь,
Украина чойöй!

Некод миянöс оз торйöд,
кинымöс оз орöд,
мир да шуд ми öтвыв дорам,
лöж да лёклун ёрам
налысь,

кодъяс миян вылö
вештöны став мыжсö,
медым туйыс лои гылыд
кыпöдны ёсь гыжсö.

Сюсьлун,

сувт быд керка помö,
быд сёлöмöдз йиджтысь
медым миян олём вомён
выль дой оз нин гижтысь.

КВАЙТ СУС ПУ

Йöз костысь унаысь кывлам
Та йылысь сёрнисö ми:
мамъяслы мусаöсь нывъяс,
батьяслы донаджык пи.

Челядысь некод оз мездысь,
насянь и керкалы дон.
Öти важ вевт улын, грездын,
быдмисны квайт мича зон.

Бать, кодi быдöнысь шуда,
радлунсö йöзысь эз ну,—
кодыр выль пи вöли чужас,
садитас бара выль пу.

Квайт сус пу өшинь ув йöрас
шонділань лэптисны юр.
Таысь на гажаджык нöрыс
войвылысь эз эськö сюр.

Ичöтсянь босьтисны пиян
парматі ветлысьлысь сям...
Сöмын войналөн лёк биысь
видзны эз кужны бать-мам.

Этшаөн кольлісны пайтöг,
суис кор öтувъя шог.
Петісны гортсьыныс квайтөн,
некод тай бöрсö эз лок...

Арын кыз гылöдö коръяс
тöв паныд сулалысь пу,
сывъяліс квайтнансö торйөн
бинас жö чишкасьсöм му.

Киссис и керканыс важөн,
нöрысас ыдждалö чöv,
коръяскö вöвлöм важ гажөн
котöртлас вильшасьысь тöv.

Шувгöны сус пуяс нора,
кодлыкö мойдöны пыр,
важөн көть эзысь Печора
талунъя шыясөн тыр.

Пуяслөн морөссьыс сирыс
Лэччö пыр войт бöрся войт...

Мый, век жö, унджыкыс мирас:
шуд али морт сьölöм дой?

ВАЖ ОЛӨМЛЫ ПАМЯТНИК

Сиктлөн важ олөмлы
памятник пыдди
сулалө вичколөн
эновтөм шой,
сы йылысь некод көть,
төда, эз лыддьыв,
кор тані гымалис
вир кисьтан бой.
Месө, дерт, помнита
комынод вояс,
енкөд да вичкокөд
зэв чорыд вен,
виль олөм сиктө
кор зумыда воис,
эз ковмы том йөзлы
абутөм ен.
Ылө мед вешъясны
пемыдлун, гөльлун,
вичко оз сьөдөд
гөль морт юрысь вем,
асланыс синъясөн
аддзасны пөльяс,
кызд налөн челядьлы
восяс виль нэм.
Дерт жө, эг сідз,
кызди колө, сэк вөчөй,—
уськөдчим жыннянъяс
гылөдны пыр:
сюра антикритьяс
нимтісны пөчъяс
сійөс, код ярлуннас
вөлі сэк тыр.
Өні ми каитчам,
сөмын тай сөрөн,
весьшөрө курччалам

чунь помысь гыж:
збыль быттьо миянӧс
енмыс и ёрис, —
вичкояс пӧрӧдны
гыж лои ныж.
Чуймӧдӧ пӧльяслӧн
зэв важся уджыс,
Эжваса нӧрысьяс
гажӧдысь мич...
Эскыны енлы,
дерт, важӧн ог кужӧй,
важ ног ог кужӧй
и тэчны... кирпич.
Миянӧс, челядь,
эн янӧдӧй ёна
сыысь, мый вӧчлим
и кутшӧмкӧ мыж:
тэрмасим
талунъя олӧмӧдз воны,
кутны эг вермыштлӧй
би борда пыж.

АРСЯ ЗЭР УЛЫН

Быдӧнлы тэрмасьны тшӧктӧ
арыдлӧн букыштчӧм сер:
кӧдзыд асфальт весьтын йӧктӧ
дзикӧдз жӧ кӧдзалӧм зэр.
Тӧвзӧ оз ӧти машина, —
кузь, кӧть и абу кузь туй, —
сувтӧдны кыпӧдӧм кинад
весьшӧрӧ эн гӧлӧсуйт.
Кагаа нывбаба эскӧ,
зэрсӧ да туйсӧ оз ёр,
ломзӧдны оз ӧд ков пескӧн,

сувтлас кӧ вына мотор.
Ләптӧма кисӧ и нылыс,
кодлы стӧч арӧс да джын...
Сьӧлӧмыс, аддзас да, сылас,
думајта, кодлӧн и кын.
Сӧмын оз тадз на тай овлы!..
Тәрмасьӧ ӧти шофӧр:
дачаас мудзӧма овны
уджавны велавтӧм морт.
Мӧдлӧн со аслас машина,
беддӧн он судз сылысь ныр,—
медым выль «Волгалӧн» шына
оз жӧ нин неуна быр...
Коймӧдлӧн... Лыддыны тырмас,
казьтивны кӧдзалӧм сям...
Арся лӧк зэр улын пыр на
сулалӧ кагаа мам...
Ләптӧма кисӧ и нылыс,
кодлы стӧч арӧс да джын...
Кагалӧн син улысь ылӧдз
некод оз дзедьсы да мын!

ПОЕЗД МУНӦ КИЕВӦ

Петӧ Москваысь войын
Киевлань тӧвзысь поезд.

Виччыся буретш сійӧс,
пукала,
ог тай узь,
нӧбӧм билетӧй кийсь,
пола, мед оз жӧ усь.
Меным мӧй, сідз кӧ шуны,
нуӧмысь сетны дон?
Эз ӧд на, чайта, вунӧд
зэв лӧня кывтысь Дон;

Днепр бердса важ блиндажой
паметьысь эз на быр,
эз од на вывті важон
гымав сэн война ныр.
Ой, Украина-муой,
коляс коть унджык во,
некор, ме сёясь шуа,
ылысджыкөн он ло!
Коркө мой муслун куслө,
кодзалө, кызди гор?
Днепр вёсна косын уси
медмуса менам ёрт.
Помнита ставсө бура,
дойдны важ дой ог сет!..
— Могтөгыд, дзормөм юра,
гортсьыд тэ эн жө пет?..
Висьтасьны, дерт нин, корас
зон либө мича ныв.
Некод жө сэк оз орөд
дженъыдик воча кыв:
— Кевмысьны енлы важон
Киевө ветліс дед.
Пода туй эз коть гажөд,
шудлунсө ен эз сет...
Юрбитіс Лавра вылө
пармаысь воом морт.
Кольліссө сэсья сылы
сөмын нин гу да горт...
Киевлань туй жө кута,
сөмын тай могөй мөд:
окавны көсья мусө,
коді быд муысь рөд...
Петө Москваысь войын
Киевлань төвзысь поезд.
Виччыся буретш сійөс,
пукала,
ог тай узь...

Съыланкыв, сідзкө, миян
туйсьыс на лоас кузь!

ПИЦУНДАЫН

Эновті войвывса тундра,
пармалысь тулысса гаж.
Пось чолөм тэныд, Пицунда,
веж гыөн быгөртөм пляж!
Дыр кежлө татчө ог ылав,
век жө, оз ло кө нин дыш,
кызь луннад кисьтыщта ньылөм,
гожйода рушку и мыш.
Тані оз миян кодь пуяс
пыкны лөз енэжлысь от,
мый колө кынөмад сюяв,
мед сөмын коньөр оз пот.
Быд ныв нэр дзоридз кодь мича,
мыйла нө ме абу том?
Медыджыд шогөй оз личав,—
оз вөтлысь дөзмөдчысь ном.

* * *

Тэнад синкымыд съөдджык на
лунвывса войысь,
алөй дзоридз моз
коръяскө вощыштлө вом.
Өти видзөдлас сөмын көть
меланьө койышт,
өти видзөдлас, өти,
көть абу ме том!
Ог өд вежөгтөм понда

ме кор татшөмторсө,
абу мыжа и сыын,
мый аддзысим сёр...
Медводз синъяссыд, дерт,
синмөй мичлунтө корсьө,
коть и важөн нин
юрсийь лоома дзор.
Воас мортлы и вөр-валы
этатшөм кадыд,
тшөтш и лунвывса садъястө
вөрзьөдас пуж.
Лоан жаль,
кор и лоас тэд 50 арөс,
да сэк нюмъөвтны, менам моз,
некод оз куж!

КЫВБУР, КОДИ ЧУЖИС БОЛЬНИЧАЫН

Больничаын оз кыв серам,
быд висъысьлөн тан
менап кодъ жө мугыд сера
кельдөм чужөмбан.
Куйлө орчча койка вылын
ёна жеб нин морт.
— Менап, — висътасъө, — зэв ылын
тасянь чужан горт,
но тай воліс жө на юөр
да эз вывті бур,
шогысла пө гөтыр юө
самөкур...
Гижышт сылы мясянь чолөм,
мед оз гажъяв дыр:
коркө гортланьө кө вола,
юкся ськөд пыр...
Пошта кудйө, кыз тан овсьө,
нуис гижөдтор.

Мөд асылө лэдзис ловсө
орччөн куйлысь морт...
Кыз-мый лои, эг и төдлы, —
кыскис тувсов вой
юкны шудтөмлунсө мөдлысь
неыджыд көть войт.
Уна мөвпөн юрөй жуис,
кытчөдз выль эз варт:
гашкө, мөд мортөс нин нуис
рак либө инфаркт?..
Кор нө воас сэтшөм кадыс,
медсестра, бур чой,
кор быд висьөм сунас адө,
коляс сөмын баба радлун —
кага чужтан дой?

МУВЫВСА ВОЙТЫРЛӨН ӨТУВЪЯ САД

Лунвывса паркъясын быдмөны пуяс,
нимъяссө кодъяслысь бура ог төд.
Веж кипарис дінын сулалө туя,
быттьökө өтиыс мөдыслы рөд.

Пашкыр магнолия нюжөдчис вывлань,
ас нэмас коді эз аддзывлы лым.
Енэжлөн пыдөстөм кельыдлөз сывъяс
на весьтын меліа мурөстлас гым.

Дзоридзөн кышсьөма ачыс тшөтш муыс,
шондыс көдзөма сө рөма сьөм.
Кыз татчө веськалін, медмуса пуөй,
войвывса видз вывъяс гажөдысь льөм?

Парк помас бокөджык сувтін көть өтнад,
мичлуннад некодысь абу тай гөль.

Сөмын нин коръяскö казтылан вöтнад
му, көнi овлöма асланыд пöль.

Сөмын мöй пуяслы сывъясьны колö?
Тöда ме, воас жö медмича кад,
мулөн быд пельöсын йöзлөн тшöтш олөм
лоас, кызд лунвывса дзордзалысь сад.

БЕШТАУ ДОРЫН

*Где пасмурный Бештау, пустынный величавый,
Аулов и полей властитель пятиглавый,
Был новый для меня Парнас.*

А. Пушкин.

Ессентукиын төв... Эськö лым мачөн ворсны,
но тай арлыдöй челядълөн арлыдысь унджык...
Век жö, окота туй либö ордымтор корсьны,
кытi позьö Бештаулысь вит мыльксö вуджны.

Мед туристъяс автобусөн мунöны ылö,
налөн гажлуныс сьөлөмөдз ньöти оз чушкысь,
көсья кывзыны сийöс, мый Лермонтов кылис,
да тшöтш сулыштны сэн, көнi сулалис Пушкин.

Ме, дерт, зэв ичöt морт, медым кайны Парнасö,
сöмын генийлы енэжыс паськөдö сывсö.
Тырмас меным и сийö, пый войвывса расын,
коми йöз пөвстын, сьылөмөн неуна кывся.

И ог енлы, но важ ногөн юрбита налы,
кодъяс восьтисны мулысь и саридзлысь мичлун,
а Бештаусö сьөлөмын видза кө талун,—
тшöтш и челядълөн челядыс кутасны видзны.

ЛЫЖИОН И ПОДОН

Вежоңызд ньоти эз нюжав,
часі кык өдөн оз мун,—
зільдзыка вит лунсө уджав,
пөттөдзыд шойччы кык лун.

Көть усьө лым,
көть киссьө зэр,
пыр водзө кыскө чужан эрд,
а коді шойччыны оз куж,
оз төд и олөмыслысь шуд.

Лыжион мунам и подон,
би дорын колльодам вой.
Радлун он казав походад,
юкватө кытчөдз он сөй.

Стопкаызд туяд оз ковмы,
сытөгыс кокным зэв чожд.
Му вылын медлөсьыд овны,
шонді кор коялө гөжд.

Эн сибөд висьөмлысь вуджөр,
врач дінө мөдысь эн мун,—
зільдзыка вит лунсө уджав,
пөттөдзыд шойччы кык лун.

Көть усьө лым,
көть киссьө зэр,
пыр водзө кыскө чужан эрд,
а коді шойччыны
оз куж,
оз төд и олөмыслысь шуд.

КАРСА ТОПОЛЬЯС

Руа да кымөра арын
топольяс бөрдөны карын,
оз нин и тулысыд важон

веж юра пуясös гажöd;
кыссьöны паськыджык эрдö,
шондiлөн пöсь морös бердö...
Быд тополь, — аддзанныд бура, —
лунвывлань нюждчис юрнас,
дась быттö энотны мусö...

Вужйыс тай коньörös кутö!

* * *

Топольлөн виждöм корьяс
усины пужъялём борйö,
сöмын тай дзик öти кор
мам дiнсьыс öнödз эз ор,
вой төвкöd венласьö, кылö,
кышакылö...
Мукöd моз скөр арысь повны?
Сiйö оз кöсйы тадз овны!

ОЗЫРЛУН

Озырджыкөн коркö ме кö лола,
сöвесьöй мед ачымös оз йир, —
корсьла олан кадысь прöстджык коласт
чукöртлыны öтчыд ыджыд пир.
Быдөнös сэк кора пызан сайö,
сетлiс кодi коркö ассьыс ки.
Винаысь на бур индийскöй чайыд,
шуласны тай, сывдас весиг вир.
Прöща кора, кодлы вöчлi, сылысь,
кöть эг гуся пельöссиянь, но дой...
Ачым тöда, мыйла дыр оз кылав

синъяс водзысь арся пемыд вой.
Өлөднытө быдөнөс тай ковло,
кыскыны кор пыдө кутлас йир.
Сыысь колө медся ёна повны,
черилөн кодь көдзыд кодлөн вир.
Некор, дерт, оз вөрзёд татшөм мортөс
мукөдъяслөн төждысьөм да шог.
Эн дивитөй менө, дона ёртъяс,
озырлуной некыз оз кө лок.

ПАРМА ПАСЪЯС

Вөрө ылавны ог пов,
ставыс сәні ас,
меным унджык оз и ков —
гортөс индан пас.
Увйөн кок улөдзыс тыр
лунвывбокса коз,
шонді водзын жө өд пыр
кодзувкотлөн поз.
Туйой дырджык кө оз сюр,
тунъявны ог мөд:
меным индас дзоридз юр
сійөс, мый ог төд.
Кыла кө нин төдса гор,—
нюр выв ва ог ю!—
сэтчань визувтө быд шор,
көні чужө ю.
Весиг войын, кор оз узь
өтнас вильыш төв,
Войвыв кодзув, зарни юсь,
дзирдыштас, кыз нёв.

Төвсѧ вѳрын вѳвті кѳдзыд,
 ставсѳ быттьѳ личкис ун.
 Асыввывсянь ньѳжйѳ сѳдзѳ
 пуяс сайсянь сувтысь лун.
 Кѳді татшѳм нора сьылѳ?
 Кѳдзыд вѳрас тѳвйысь жонь!
 Алѳй партук, кывсьѳ, сылы
 пѳдаритіс сиктса монь.
 Уркай оз тай виччысь тулыс,
 сйѳ аддзис пашкыр коз,
 позьѳ кодлѳн лапъяс улас
 тѳв шѳр тѳлын тѳчны поз.
 Байдѳг ляк бадь пѳвстын ноксьѳ,
 зйля корсьѳ сирѳд гар.
 Шоньд репасын оз шогсьы
 дырджык куткырвидзны тар.
 Ягъяс бокин, шоръяс пѳлѳн
 дозмѳръяслѳн шойччанін.
 Чипсѳ вѳр пасьтаыс сьѳла,
 быттьѳ дозмѳр кодь жѳ чин!
 Шонді петѳмсянь сѳр рытѳдз
 нѳрѳм конда сизьдѳ сизь,
 кѳть и нырыс абу лытѳм,
 а вот мыйлакѳ оз вись!
 Абу на тай гажтѳм вѳрад,
 кѳть и ыджыдалѳ тѳв.
 Парма кытшовтыштѳм бѳрын
 лунвыв мулы честь он чѳвт!

ПУ ЛЭБАЧ

Важон Эжва кывтыдса быд керка
матич сёрийн ошаліс пу лэбач — че-
лядьлөн шуд да радлун.

Ичөтдырся казтылөмөй менам
шензёданторъясөн зэв голь...
Отнас кужліс гөрддзасьыштөм нэмөс
лелькуйтыштны бур сьөлөма пөль.
Уджалисны бать-мам помся вөрын,
паськөдісны видзьяс либө му.
Горт олысьыс көть и вөлі пөрысь,
ассьыс могсө эз весьшөрө ну, —
дөмлис көмкот,
вөчис мича туис,
сійөн вайліс ягысь чөскыд ли...
Быдтор вөчны сямөдысь да пуысь
кужліс менам муса пөльлөн ки!
Отчыд, — тайө лои көдзыд төлын, —
прөща кора, висьтөй кө нин важ, —
матич сөрийө өшйөм чача-сьөла
пыртис миян керкааным гаж.
Вөліны сэк ёна сьөкыд вояс,
чужан муным пемыд да и тшыг.
Бать-мамнымкөд отвылысь пыр сөйим
петшөрысь да шомкорысь дуб шыд.
Истөг тув эз сюр кө пач выв горсйысь,
эз на волы олөмнымлы пом, —
водзөсавліс пөльө, вайліс ворйын
мукөдьяслөн пачысь өгыр-шом.
Ловзьиіс пу лэбачным пөсь руысь,
парьяліс,
кор пөльтис ыркыд төв,
быттө сөрмөм бордаяскөд туйө
босьтчис лэбны,
но эз лэдз ён көв.

Меным лэбны некытчö жö вöлі,
вывтi нэр на челядыдлөн борд...
Та вöсна и пуысь вöчöм сьöла
лои меным медся муса ёрт.
Олöм дженъыд, но тай уна вичмис —
сьöкыдлун, войналөн ыджыд би,
сьöd кырныш эз öтчыд мулань личкыв,
морöс пиысь лолöс нетшышт-ви.
Кызьöd нэмыд татшöм сийö лои:
чардөн-гымөн, войтыр лөкөн скөр,
көть и дойдö дзик быдөнöс дойыд,
быдөнлөн жö вирыд пöсь да гөрд...
Вежөрнас пö, шуоны, морт вына,
сидзкö, енэж вöлі медым сэзь,
кырнышъяслы пежöсьтны бур сынöd
сийö некор му весьтысь оз лэдз!
Быдмöй, муса челядь, ыджыд шудөн
тиянысь мед быдөн лоас пöt.
Менам мойдысь пу лэбачлөн вуджөр
тиянлысь оз повзьöd мича вöt.

ТУНДРАЫН ВЫЛЬ КАР

Усинскын кутасны овны 50 тысяча
морт (юөртö «Югыд туй»).

Кытысь нö тэ татчö усин
тундра шöрас, гора Усинск?
Гашкö, енлөн жалыс петис,
сэтчö инасьны тэд сетис.
Ставыс кын да вывтi көдзыд,
шондi югöрыс оз сödзышт,
сöмын омлялысь лөк турöб
сизим тöлысь помся дурö.
Ен кө вöлі, — сийö көни? —
медым волас татчö öни,

аддзас, мый сэтшөмыс чудö,
мортыд кутшөм овлö шуда...
Месö мыйла лои пöрысь,
абу важкодъ зiля вöрысь,—
сьөлөмöй тшöтш мунны корö
тэчны выль кар Усва дорö.
Чолөм, Усинск, ыджыд чолөм!
Коми ногөн няньөн-солөн
да зиль йöзлөн кыпыд уджөн
пасйöны тай тэнсьыд чужөм.
Водзгi кöдзыд тундра весьтын
сöмын вой кыа куш пессис,
öни йиа саридз бердöдз
кутам шонтыны став эрдсö.

Тöда, тöда, кытысь усин
тундра шöрас сувтөм Усинск!

СЫНЯ ПОСЁЛОКЫҢ КОНЦЕРТ

Быдөнлы сьөлөм тыр любö
юöрыс козьналіс, дерт:
Сыня посёлокса клубын
талун пö лоас концерт.
Локтiсны гырысьяс, челядь.
Колис кöть неыджыд здук,
быд пуклөс кык да джын пельö
босьт да кöть пырысь-пыр юк.
Збыль мöй артистъясыд шоча
Сыняö корсьлöны туй:
турöблөн ойзöмлы воча
войвылад петны оз туй!
Сылысь пыр ыдждалысь шысö
орöдiс сыланкыв гор,
некутшөм мöд сикас мытшöd

йөктысьясөс эз-ө кө торк,
быттьөкө төв шөрын сыліс
Сынялөн сыв кызта йи...
...Сэк буретш люстраяс йылын
виччысьтөг кусіс друг би.
Орис и кыпыда йөктөм,
помасис мича концерт...
Сё мортлөн вынйөра тшөктөм:
— Йөктөй на... Йөктөй на...

Йөктөй!.. —

Ланьтлыны гажлы эз сет.
Вөлі көть гуын кодь пемыд,
кодзувлөн югөр эз пьсьт,
первойысь тадз аслас нэмас
йөктіс да сыліс артист.
Сэн, көні турөбыс шөйтө,
сылөн и буалө гор,
асьныс пөсь сьөлөма войтыр
вөчөны шензянатор.

НЫВБАБА МУСЛУН ЙЫЛЫСЬ

1919 воын Печора вылын пөгибнитіс
Уралса продотряд. Өтлаын лыйлісны
комиссар Сергей Морозовөс да сылысь
гөтыр Екатерина Морозоваөс.

Помнитө Печора кольөм шуштөм кад,
кор лёк враглы пленө сюри продотряд.
Ленин индөд серти,— тшыглы мед эз ов!—
татчө йөзлы сійө вайис нянь да сов.
Войвылын гражданскөй муніс чорыд тыш,
мылдинса кулакъяс ёсьтісны жө гыж,
виччысисны найө төвся йирмөг вой
биөн-вирөн панны асьыныс пеж койт.
Куим кыв көть орчөн ёрччытөг эз йит,

комиссар Морозовлы горөдіс бандит:
— Ас вөлянад сетчы... Водзсасыны оз ков...
Гөтырыдлысь, ен вузалысь, көсьян видзны лов?
Воча кывлөн доныс сыысь эз тай чин,
кодөс комиссарлөн сетіс карабин,
но бандитъяс чукөр — жер пиня сё пон —
продотрядысь вөлі, дерт жө, вывті ён.
Гөрд боецъяс усялісны өти бөрся мөд,
и Печора берег лои вирысь гөрд.
Комиссарлы медводз воис кувсян здук...
Гөтырыслы шуис:

— Курыд шуд эн юк,
Катя... Сэк, кор югдас парма, сылөн сай,
дзоридз чукөр менам гу вылө тшөтш вай...
Эз, эз бөрддзы Катя, роч Уралса ныв,
верөсланьыс нюжөдіс сійө ассьыс сыв:
— Миянөс оз торйөд сувтса синма змей...
Шуөма кө кувны,— өтвылысь, Сергей!..
...Кылаліс нин бөрө морт нэм мында кад,
но Печора дорысь оз вешйыв салдат,
пыр сывъялө кодөс енэжлөн лөз вон.

Нывбабалөн муслун быд изйысь на ён!

ЧОЙЛӨН ПИСЬМӨ ВЫЛӨ ВОЧА КЫВ

Мариялы.

Пристаньянь сиктө кайигөн
керөсыс ёна крут,
ордымыс сэтчө вайөдас,
веськыдыв сөмын кут.
Мөдарлань оз ков сетчыны,
сыланьын васөд оль.
Кыкысь «Заряйд» лэччылө,

катігас оз жö коль.
Дзикöдз тай чойтö вунöдін,
гижа, мед аддзан горт...
Ғарыд нин тәнö сунöдіс,
вөвлін көть сиктса морт!
Лунысь-лун месö пöрысьма,
сизимöд тырта дас,
эз нин коль öдйö вöрысьлөн
ни öти тöдса пас.
Водзжык ме тэысь кувся кө,
юöрыд дыр оз лэб,—
волы жö сэк көть, кывсяс да,
бать-мамкөд орччөн дзеб.
...Лыддя бур чойлысь гижөдсö,
тöдмала сылысь мог,
сьөлөмөс ассьым йизьөдö
шог.
Ставсö, мый тöда, висьтавны
сы йылысь ме ог кут.
Тәнö мөй коркө мисьтöмтліс
кутшөмкө öти чут?
Верöстөг кольөм дөваыд
быд грездын кымын дас?
Ғодлөн көть сэсса пөв абу,—
менымсö быдөн ас...
Прөща, дерт, тәнсьыд кора ме,
копыртла дзормөм юр,
козъясыд весиг ёрасны,
чужан сикт оз кө сюр.
Помнита векни ордымтö —
пристаняд лэччанін,
вайөдісны жö горт дінөдз
эз кө вөв, шуам, син,
ыбыс и зарни кодзулыс,
бать-мамлөн дона гу,
кытысь ме нуи содз вылын
китыр джын дона му...

Кувнытö оз ков тэрмасьны...
Муса чой, сё во ов,
сы бöрын мед на вермасьö
висьöмкöд тэнад лов!

МЫНТЫТÖМ УДЖИÖЗ

Эг мөвпалöй сы йылысь тэкöд,
мый пöрысьмам коркö,
а томлунным паметын кольö,
кыз зэв мича мойд.
Став олöмным, донаöй,
вөлöма тулысья шор кодь,
а ми — тайö шорыслөн
ичöтик сöмын кык войт.
Но кык войтлысь сöстöмлун
нэм вуджиг ньöти эг воштöй,
ог яндысьöй челядьлы ошкыны
сийöс, мый эм,
мед кужасны найö тшöтш
сийöс, мый дорйим да ошким,
пыр видзны да содтыны
асланыс киясөн нэм.
А ми сайын колис кө
кодлыкö мынтытöм уджйöз,—
көть куим пöv ов,
мортлөн уджйöзыд некор оз быр!—
Ми унатор вöчны дзик сідз,
кыз колö, эг кужлöй,
и мыжавны сысь оз кутны мед
миянöс пыр!

ДОКТОРЛЫ, КОДУС ВИИС РАК

*И. Л. Вахнинлы, И. Н. Сухановлы,
И. И. Чебановлы, Г. Н. Орловлы — ми-
ян медводдза докторъяслы сийма, кодъ-
яс водз кувсисны.*

Йозлы ставсö нин сетöма,
налы ставсö жö мынтöма,
ачыс эбössьыс петöма,
ачыс чеччыны вынтöм нин...
Яндысь, доктор, вай кыпöдчы,
коркö, помнитан, шулывлін:
«Кылан, ывлаыс кышöдчö
кадысь водз воём тулысөн!..»
Босьтлы скальпельтö киясад
да дзор юрсинад тракнитлы,
оз öд этша на виавны
дона войтыртö ракъясыд!..
Мыйла куйлан да чöв олан,
ёна сьöкыда лолалан,
уна гожöм да төв волас,
тэ пыр ёнджыка колан на...
А öд кымын морт тэнöсö,
еджыд паськöма докторös,
коркö виччысис енмös моз,
кор нин на дінö локтан тэ!
И быд висьысьлысь войтөн да
аслыд куралін висьöмсö,
узьны эз и быд вой тэныд
найö сетлісны, мися, тай.
Ошкан кывъясысь полін тэ,
эн и некодсянь виччысьлы,
көть и ставнас бур олöмыд
вöлі öтторъя мичлунөн.
Абу пом мортлөн вынйöрлы,
сийö кыпöдчис космосöдз,
а вот аслыс пеж вирусысь

кадысь водз лоӧ косьмыны!
Коркӧ, дерт жӧ, и ракъястӧ,
кызд и йӧз костын тышъястӧ,
чорыд росъясӧн расъясны
да став му вывсьыс чышкасны.
Сэк, дерт, зарниӧн гижасны,
доктор, тӧнӧ тшӧтш, тӧда ме,
медым из пиас йиджас да
шондӧ кустӧдз оз съодасьлы!

ЭНЬТЫ ДОРЫН

Сыктывкарса археологъяс аддзисны
Эньты дорысь зэв важ олысьяслысь ола-
нинъяс.

Эньты керӧс йылын стан,
зэвталӧма вонъяс.
Мый тӧ корсяланнуд тан,
гулыд ягас, зонъяс?
Кӧрт зыр кырӧ небыд'му,
вужторъяс да коръяс.
Бара гу и бара гу,
бара гырничторъяс...
Найӧс мыськалыштӧс зэр,
да, кор киӧ босьтӧ,
збыльысь чуймӧдана сер
гырничторйыс восьтӧс.
Енӧжысь на Эньты лӧз,
ачыс вывтӧ гажа.
Танӧ медводдза пӧ йӧз
овлӧмаӧсь важӧн.
Налӧн кияслысь важ пас
видзӧ на и олыс,
а вот миянысьсӧ, час,
видзӧдлам, мый кольӧ...

Көтө и кутіс локтан кад
катовтчыны ми дор,
но быд адысь лёкджык ад
пөльтө Война-идол.
Пежось гуас эз на пөд,
эз на джагав лёкнас.
Война өзтысьлөн став рөд
куим пөв будь проклят!

МЕНАМ МУЗА

Менам Муза абу вуза...

(И. Куратов).

Талун уджалі ме дыр,
гортө локті сөрөн.
Гөтыр менсьым ыджыд ныр
неуна эз орөд.
— Онөдз,— шуө,— ме эг узь,
эг куньлы и синмөс...
Кыз шуоны, пөрысь сюзь,
кодкөд шляйтчин, нимнас?..
Некодлысь эг сирав юр,
некодөс эг вузав,
мися, быд бабаысь бур
менама дона Муза.
Ёна ладмам ськөд ми,
өта-мөдөс кылам,
а кор радейтан, сэк йи
шонді сайысь сылө...
Торйөдчыны воас кад,
но, а ме ог тэрмась,
сывъявны на өтчыд рад,
шливгөмөн көть зэрмас.
Муслуныд пө, кыз тай жель,

пырö сьөлөм пытшкад.
Мыйла öнi менсьым пель
асланьыд тадз кыскан?
Пельöй эз кöть дзыкöдз ор,
век жö, пыр на лудö...

Юксьöм йылысь гижöдтор
гöтыр нуис судö.

КÖТЬ ЗЭР, КÖТЬ ЛЫМ...

Кöть зэр, кöть лым,
кöть живгö турöб,
ог воштыв некор
кыпыдлун
и Эжва сайö
усьöм юрөн
ме накöд аддзысьны
ог мун.
И турöб
аслыссикас дивö,
мед би моз сотö
чужöмбан.
А эз кö сийö
вöвлы кивыв,
эз ло и морöсöй
пыр жан.
Пöсь корöсь вувзя
пывсян бöрын
да тола пиö
водла пыр.
Ой, мыйла,
муса еджыд гöра,
тэ олан му вылас
он дыр!

БУР ВӨЧНЫ ЭН ПАДМЫ

Некор тэ эн падмы
йӧзлы вӧчны радлун.
Юк пыр, мый эм, шӧри,
ва кӧ,—
весиг войт,
вӧснъыдик нянь шӧрӧм
ӧрттӧгьд эн сӧй...
Ылыс туйӧ петав,
кодӧ овлӧ кузь,
китӧ сӧмын сет-а
сылы,
кодӧ мудз.
Шоныдлуныд арнад
бишурсянь оз сод,
ачыд он кӧ бара
медся дорас вод.
Абу ӧмӧй тэнад
тайӧ сӧдзжӧ мог —
отсавны, мед венас
мӧд морт ассьыс шог.
Медся ыджыд дойыс
сӧйӧс тшӧтш оз йир,
сетан кӧ, кыз бойын,
сылы аслад сойысь
донор моз пӧсь вир.

ПАРМА ШОР ДОРЫН

Мелі музыкалӧн гор
шыалыштӧ вӧрын.
Муса жӧ тэ, эзысь шор,
ӧна мудзӧм бӧрын!

Нопйӧс чӧвта пырысь-пыр,
кодӧс дыр нин нуа,
сэсса чибльӧг помысь дыр
кӧдзыд васӧ юа.

Вӧвлытӧм на ыджыд вын
киын-кокын содас
туйлысь сьӧкыджык мӧд
джын
бара вуджны подӧн.

Меным отсӧг вылӧ сӧк
тӧвру весиг петас...
Мый нӧ месӧ ставсьыс,
эк! —
вӧр-ва, тэныд сета?

НЮМЪЯЛӦ ШОНДӢ

Зэр бӧрын пондӓс
руавны му,
ньюмъялӧ шондӓ,
коръясьсӧ пу.
Гӧрны да кӧдзны
матысмӧ кад,
енӧж тшӧтш сӧдзны
дыр кежлӧ рад.
Сиктын оз узыны,
садьмӧны водз,
мед волас мудзлун, —
сытӧг оз позь!
Сы пыдди арыд
шогтӧ оз вай, —
тырмас и карлы
вый да и яй!

Муо̄сьтны кисо̄
бур зон оз пов,
сыкөд пөсь йитөд
пыр кутас лов.
Гөтырпу сылөн
ас сиктас эм,
медмуса нылыс
юкас кузь нэм.
Сьөлөмныс тшөктө
лөсьөдны поз...
Тулыснад пөтка
корсьө жө гоз.
Челядылысь серам,
лэбачлысь гор
вежа ва зэрыд,
дерт нин, оз торк.
Здук кежлө бердлас
зиль мортлөн ун,
дзонь во жө вердас
тувсовъя лун.

* * *

Эн сет асьтө лоны
дивитанторйөн,
лөк кывъясысь
да лөк славаысь,
кыз кужан,
но дорйысь.
И завидьлун уналөн
сьөлөмас тыр на,
и нювсьыны, тыдалө,
кутасны дыр на...
А лөк кывйыд кытшовтас,
пасас оз инмы,—

тэ веськыда видзöдлы
быдөнлы синмас
да вöч ставсö сідз,
кызди вежöрыд тшöктö,
мед мыш вылыд пöсялö,
сьөлöмыд — йöктö.
Пыр тадз олём-ю вуджиг
зумыда зібьясь,
сэк некор лёк славаыд
тэныд оз сибды.

МЕДЫДЖЫД МЫЖ

Фронт вылö мунігөн сійö, Василий
Мезенцев, пышйис печораса пармаö да
дзєбсясис матö 20 во...

Важөн сынасьтём, дзугсьём тошка
корсьны бать-мамлысь эндём поз
петö пармаысь шатун ош кодь
ассыис нимсö тшötш воштём морт.

Сійö полö ас кокъяс шысьыс,
синмас пöртмасьö гудыр сер...
Мед Печораöдз петтöдз тыас
вошö век кежлö тшötш и чер,
кызди вошис, мый вöвлі, важөн,
тырмис пармаысь петны вын...
Кызь во дзєбсясис олём гажысь
да пыр нылаліс бипур тшын.

Паметь ныдöсас, дерт жö, кутö
сійöс, мый дзикöдз кыскис йир...
Война пансигад чужан мутö
оз тай окавлы дезертир!

Сійö пышйис том ёртъяс дінсьыс,
вуджис эз öти яг и нюр,
медым сöмын оз тышын вины,
бурджык, вöрын кө воштас юр.

Война йылысь эз нинöм кывлы,
кызди помасис сійö, кор...

Петіс вöрысь да шуис:

— Лыйлöй...

Милöсть некодлысь ме ог кор!..
Бур йöз сьölöмын лöглун пузис,
кызди сөнъясын пузьö вир...
И Печоралөн эз жö узь öд
арся ру пытшкö дзебсьöм йир.

Тшöтш и сылы тай лоö тöдны
чужан муыслы вöчöм дой...

Öти чукөрö эськö лöдны
дезертирлысь быд лун да вой!

Но öд асьсö и ачыс ёрис,
кызди урöсмöм, пезжось пон...

Медлөк мыжсьыд, дерт, водз көть сёрөн
ковлö мынтыны ыджыд дон!

...Ставсö артыштіс суд да шуис,—
сылөн пригöвөр эз ло ныж!—

медым нэмсö нин ачыс нуас
чужан му водзын асьыс мыж.

ВОЙНА КАДСЯ ЛӨНЬ ВОЙ

Лирической поэма

*Сиа Ананий Размысловлы — коми
поэты, кодi уси фронт вылын 1943
вося сентябрь 30 лунö.*

Тайö лои сэк жö, война кадö,
кор Воронеж врагысь мездим ми.
Шуда ме, мый пуляөн-снарядөн
Дон вуджигөн вөрöгыд эз ви.
Командир тадз шуис:
— Тэнö ылö,
старшина, ме дыр кежлö ог лэдз,
но вай ветлы, шойччышт матыс тылын,
кык луныд оз вош на тэнад весь...
Лэптылі пилотка бердö киöс,
мися, ыджыд аттьö, вит оз ков:
öти лун кө сотас война биыд,
тылын олём вештас комын во!
Збыль öд тадз, и öти луннас дзорман,
сывъялас кө тэнö биа гы...
Ротаö бөр локнытö ог сёрмы,
ёртъяслы тшöтш сета веськыд кыв.
Бурджык, дерт жö, орден кө нин петис,
либö, мед нин, кутшöмкö медаль.
Кык лун кузьта отпускыд мый сетас?
Киритас көть пыр жö... Абу жаль!..
Гортö эськö лэдзліс кө...
Но ылын
сэтчöдз уль окопсянь мунан туй!
Татшöм мөвпысь сьölöмыд кө сылö,
сідзкö, весиг мөвпавны оз туй!
Рытывланьö вөтлам нин фашистöс,
вуджим Дон, а водзын кывтö Днепр.
Ярлунөн фашистъяс вылö кисьтö
чардби кодь жö ньöвъяссö эр-эс,

кодлы нимсö сетісны «катыша»,
сьöлөмъяслы вывтi муса ним:
веськалан кө, сэтшөм ёся чушкас, —
вушъяс черань-свастика, кыздз сім.
...Сідзкө, тылө петавны шуд уси!
Коді төдө, водзө лоас мый?
Гашкө, врагкөд зурася да уся,
ог кө сійөс асьсö водзджык лый.
Мөвпалігтыр восьлала туй шөртi,
адзылөмтор паметъысь оз вун:
быд фашистлөн паськыд тасма көртас
куим кывъя гижөд: «Готт мит унс»*.
Ен нимөн и уськөдчисны найö
мырддыны советскöй йөзлысь шуд,
налөн быттö буретш татшөм пайыс —
лөсьöдны став йөзлы öти суд:
сотны мича каръяс зверьяс сямөн,
ловъя мортлысь орöдны пөсь кыв,
мырдöнавны челядь дырйи мамös,
вины чужөм пилысь сьыланкыв.
...Волісны окопъясö письмөяс
эз зэв матысь.

Медся ыджыд дон,
ассъыс сумка шыбитлөмөн сойсьыс,
татшөм здукө корліс поштальон.
Мый көть вöчны сійö тэныд тшөктас,
тэрмасьöмөн ставсö вöчан пыр.
Эг öд öтчыд ачим ме тшötш йөктыв,
шудлунөн, көть здук да, вөвлі тыр.
Чужан муö колис муса гөтыр,
колисны и бать, и муса мам.
Гөтырыд пö абу на тай мөтыр, —
некод вöсна гажыд сідз оз ям!
Шоныджык, блиндажад кодыр дзескыд,
чусалыштö гильза помын би,

* *Готт мит унс* (немец.) — миянкөд ен.

письмөясөн шонтысьлім, — эг пескөн! —
өтвылысь дзонь ротаясөн ми.
Өти письмө, — синъяслы эг эскы! —
Размыслов Ананий, муса друг,
гижис, мый и сылөн служба места —
Дон ю дорын куйлысь сикт — Бурлюк...
Гусьонмоз көть казтыштөма «служба»,
гөгөрвои сылысь гуся гор.
Сідзкө, миян мирнөй кадся дружба
эз на Сыктывкарса паркад ор!
Локтоны Воронеж дорө зонъяс, —
сьөлөмөйлы помтөг лои рад! —
петкөдлөны черань паса понлы
нөшта өти чорыд Сталинград.
Менам туй Бурлюк пырыс и муно!
Зептын командирсянь отпускнөй.
Кык луннадтө ог и вывті уна
мукөд сиктыяс гөгөрыд ме шөйт,
кутла, шуа, тэнө ме, Ананий,
ас пыдди да ёртыяс пыдди вай,
винайд кө абу, көть нин няньөн
мудзөм бөрад юам сөмын чай:
пөттөдз сёрни нуам вой шөр войөдз,
ог весиг и казтыштөй, мый сёр...
Гашкө, аски ачyd пыран бойө,
Харьковланьө мунигад, сапёр!
Но а Таня, сійө кызди олө,
сійө, коді медводдза лыбовь
мукөдъяслы юкнысө пыр полис,
мусаыс кор тышын пуктіс лов?
...Восьлала да, нюммуныштла быдөн,
орччөн быттө пукалам нин дыр.
Вуджөм ыбыс бара вежсьө ыбөн,
туйөй водзө сідз жө кыссьө пыр,
ог и казав ассьым содөм мудзөс,
пельпом сайын быттө вына борд.
Сывъялі жө, тасянь кө нин судзи,

сьолөм бердө кутлі, дона ёрт!
Со и сиктыс... Тешкодь сылөн нимыс.
Кытшалө быд керка эндөм сад,
төдчө, кутшөм дойөн налы инмис
чардөн-гымөн сотысь война кад.
Кытысь меным корсьны ёртлысь рота?
Сикткөд орччөн бара сикт да эрд...
Терпиттөмла сьолөмөй нин потө,
төждысьөмысь ёнтө морөс берд.
Котөрөнмоз керкаланьё жежа, —
гөрд флаг пыдди вушйөм кумачтор.
Пемыд посводз. Дзескыдкодь кык вежөс.
Пызан сайын — важөн дзормөм морт.
— Дон мөдарысь вои... — шуа сылы: —
— Менам отпуск... Ёна мудзис кок.
Гижис меным, шуа, тиян тылысь
сьод погона аслам муса вок...
Дзор морт сувтіс. Көть и вөлі сёр нин,
морөс вывсьыс аддзи зарни визь.
— Төкөтьыштө, друганөй, тэ сёрмин...
Уджтөг война некодөс оз видз...
Вежон сайын мунісны... А кытчө?
Сталин өтнас төдө...
Кык ён дзир
ки пыдөсөс быттё дорны мыччис,
сьолөмын тшөтш донавліс мед вир.
Бара пемыд посводз... Ас бөрысь нин кылі.
— Арся войыд өні вывті кузь.
Абу кар өд... Вушйөм шынель вылад
ёртъясыдкөд, мунан тась да, узь...
Сиктлөн чөвлун юргис кыкнан пельын,
шойччанін кор петім корсьны ми,
көні эськө эз дөзмөдны челядь,
өйыштіс көть сөмын дзузган би.
Төдіс председатель дзик быд керка,
быд олысьлысь радлун да и дой,
мырсисны өд өтмоз, лым көть, зэр көть,

муяс вылас быдөн лун и вой.
Колльодысьёй госпитальысь воис,
өні сылөн киас — сельсөвет,
мөд ногөн, дерт, арся пемыд войын
корсьны меным узянін эз пет.
А вот колө... Мортос он өд эновт:
сет тэ сылы лэбув дзевны юр,
торйөн сэк, кор мудзыс сійос венө,
муса ёрткөд аддзысьны эз сюр.
— Кежалам вай татчө... — сэссия шуис,
кокнас вештіс туй вывсьыс кыз рос.
Важиник нин керка дінө туйсө
канава пыр вуджысь индіс пос.
Кушмөм яблөг пуяс дзиръя саяс
сулалісны быттё куим вок.
Посводзас кор ньөжйөникөн кайим,
кылім паныд тувччалысь жө кок.
— Кутшөм могөн?.. —

нывбабалөн гөлөс

өдзөс сайсянь корис воча кыв.
Збыльторсө сэк ньөти эг и, пөлөст,
думышти кө: керка кутө ныв...
Сёрни ськөд паніс председатель:
арся войыд ёна пө нин кузь,
верос кодьыд, дерт жө пө, страдатель,
ывла вылас оз жө сэссия узь...
— Медым пырас... — шуис том көзяйка, —
өти войтө узыны сюрас ин...
Сөмын сэки збыльысь лои сайкыд,
кор ми ськөд колим син на син.
Чөв овнытө абу жө нин лөсьыд,
мыйкө юась, мыйкө, колөк, шу,
овлывлө, оз сьөкыд уджысь пөсьыд
көтөдас кор аслад мышлысь ку.
— Отнад олан?..
— Аддзан тай... Дерт, отнам...
Война кадад нинөм тэ он кер!..

Верөсөйлысь зiля сөмын вөтнам
аддзывны көть өтчюд чужөм сер...
Том көзьяйка меным паныд пуксис,
пызан вылас пуктiс кыкнан ки.
Тадзи сыкөд өти шогөн юксим
арся войö дзузган дiнас ми.

— Абу ловъя... Письмөйс эз волы...

Вошис, быттö вөйс... Ме ог төд,—
эм кө енмыс, көнi сiйö оло?—

верөсөйлөн мыйла шудыс сьөд?

Синмыс сылөн öзйылис да кусiс:

енмыдкөд пö сьökыд нуны вен!

Татшөм мича ичмонь вылад мусмас
мужичөйсыйс водзджык медстрөг ен!

— Кыдз нө тэнö нимтөнысö?

— Таня...—

шуис, быттö вөчис аслыс мыж,

но а менам сьөлөм бердыс аня

быттökö сэк чапыштiс ёсь гыж.

— Самöвар көть пукта...—

Таня сувтiс:

— Кокнөдчы вай ачюд... Тэ жö — гөсть!..

Помнитны ме збыльысь кута кувтөдз,

мый сэтшөмыс морт сьөлөмлөн пөсь.

Таня, Таня!.. Тэнö öд и корси,

тэнö, кодi мича да зэв шань,

тэнö, кодкөд ичөт дырйи ворслiм,

урок костын шөри юклiм нянь.

Радейтлiн эн менö тэ, а мөдөс

сэк, кор лоин верстыö да збой ныв.

Некоднанным тэкөд ми эг төдöй,

кодлөн кыдзи орö сыланкыв.

Меным паныд пукалис мөд Таня,

кодi видзис верөсыслысь горт,

ме жö вөли төдтөм сиктас, танi,

вывтi төдса, но и төдтөм морт.

Кадыс көть и вөли ёна сөр нин,

тэрмасьтөг ми юим еджыд чай,
 первойысь и аддзысим, а сёрни
 вошом помлысь гөрөдсө эз вай..
 Ловъя на ме, өнөдз эз на вины,
 гуё эз на веськав тшытшлём шой,
 шоныд жырыын, авъя Таня дінын,
 колльода ме талун медлөнъ вой.
 — Сэссия шойччөй... — паськыд крөвать вылө
 индіс керка кутысь, кыдзи чөй.
 Вөлі лөнъ, а көнкө, эз и ылын,
 тайө здукө бара грымгис бой!
 Ассыс крөвать меным вөзйис сійө,
 лөсьөдіс кык юрлөс гөтыр моз,
 коді тадз жө коркө аслас киөн
 лөсьөдлывліс гортын узылан поз.
 Збыльысь өмөй гөтыр вөвлі коркө?..
 Мыйла нө ме сы дінө ог мун?..
 — Тэнсьыд шудтө, Таня, коді торкис,
 мырддис тшөтш и менсьым югыд лун!
 Шынель вылө вода... Өдзөс дорад...
 Небыд вольпась некутшөм оз ков...
 — Тэнө... огө ас дінө... ме кор өд...
 Таня пыдди шуис аслас лов.—
 Паччөр дорын меным лоас шоныд,
 а тэ вод да пөттөдзыд көть узы!..
 Вермис кө нин татшөм войыс воны,
 медем аслам нэмысь лои кузь,
 здук кежлө көть эз и -уньсьыв синмөй,
 чөскыд унмыс сылы эз и ков,—
 рана бердө быттө збыльысь инмис
 вир пузьөдан сэтчө кысътөм сов...
 Яндысьны мөй татшөм кадө колө?
 Таня, дона Таня, муса ныв,
 узян, али ланьтөдчөмөн олан,
 он мөй сьөлөм чуксасьөмөс кыв?
 Кылан кө тэ, мыйла нө он шыась,
 паччөр дорсьыд ме дінө он лок?..

Ошинь пырыд оз на мыччысь кыа,
да ме сійӧс аддзысь ог и ло, —
регыд бара туйӧд мунны кута,
кодӧ эз нин ӧти мортӧс ви...

Верӧс мозыд зэв пӧся мед кутлас,
муса Таня, тэнӧ менам ки!

Во да джын нин ачым война вылын,
эг на усь и Дон вуджиг эг пӧд,
нывбабалысь мелӧлунсӧ, нылӧй,
вунӧдӧ,

ог помнит нин,

ог тӧд...

Кувны кӧ нин ковмас рана помысь,
водзджык синмӧс мед оз гудырт сӧм:
кӧдзалыштӧм вом доръясӧн вомӧй
казьтыштас на тэнсьыд мича ним.

Сьӧлӧм ӧзйис, вежӧрӧй жӧ — кӧдзыд,
гора шуны кыв сӧсса эз сет...

Войнаыд мый му шар вылад кӧдзӧ,
сыысь некор веж быдмӧг оз пет.

Думыштнысӧ кыз ме лысьтӧ-кужи,
босьтӧ сӧвесть вылӧ татшӧм мыж?

Асылӧдзыс дыр на, дыр эз вуджӧд
вольпась дорысь вешӧм унлӧн пыж.

Ойбыртлӧ жӧ коркӧ асья дорыс,
но и сӧки суӧдлӧс на вӧт:

кодкӧ менӧ зывӧктӧмӧн ӧрис,
кодкӧ сьӧвзис чужӧмбанӧ — «скӧт!»

Пидзӧс вылӧ на водзӧ ме сувтӧ,
нинӧмӧн, ме шуа, абу няйт

да и водзӧ, локтан тышын кувтӧдз,
ӧрны сетны ачымӧс ог чайт...

Чишкаласны ӧнӧ жӧ кӧть биӧн,
сутшӧйдласны пуртӧн ки и кок,
сӧстӧм лолӧс нинӧмӧн оз вины,
мисьтӧм горшлун сьӧлӧмӧ оз лок.

Гашкӧ, вывтӧ гора менам шусис

ун йывсянъыд кымынкө ёсь кыв:
синъяс водзө бара Таня усис,
верөссө водз воштөм ичмонь-ныв...
— Ачыд садьмин... Месө вөлі пола
торкны тәнсьыд медся шуда ун... —
пызан дорас ачыс няньөн-солөн
лөсьөдчис нин вочаавны лун.

Сідзкө, югдө... Сідзкө, меным — туйö...
Аттьö тэныд, Таня, муса чой!

— Лок да стөкан пөсь йөв көть нин юышт.
сэссия казътыв, — шуис, — кольөм вой...

Дзиръя дорас торйөдчи кор сыкөд,
турун вылын куйліс асья пуж.

Енэж улас вөлім көть и кыкөн,
окавны, да пөсьджыка, эг. куж...

Ачыс Таня морөс бердө юрнас
топөдчис, кыз веж пу дінө кор,
вом дорлы мөд вом дор кодыр сюрлө,
оз кокниа торйөдчөмыд ор.

Синва кытшө йөрмөм сылөн синмысь
аддзи өні ыджыдджык на шог,
мукөдъяслы кодөс аслас нимнас
висьтавны оз сувтөдлыны мог.

...Восълалі ме шонді лэччанінлань,
енэжтасыс көні вөлі гыр.

Шуштөм гым шы коръяскө кө чинліс,
ыджыдаліс чөвлуныс эз дыр.

Бергөдчылі... Таня эз нин тыдав,
сөсталыштис пужйысь мездмөм луд.

Война кадад эз вөв уна лыда
вочаасьны тадзсө усьлөм шуд.

Но ме кори енэжлысь куш сійөс,
эз ло медым корөм дінө кын,

Танялы тшөтш медым сійө сиис
ассыс верөс виччысьны тыр вын.

Жаль вөлі, эг аддзысьлы и ёрткөд,
коді меным вөлі збыльысь вок,

эг ӱтчыдысь сыкӱд сӱйлы коркӱ
ӱти пӱртӱйысь пӱсь юква да рок.
Рытывлань жӱ сӱсся сӱйӱ мунӱ
матыстны фашистлы курыд пом.
Қадыс колис сӱйӱ кадсянь уна,
но поэт пыр кольӱ ӱткодь том.
Но и сӱк, кор ачыс муыс сотчис,
мунӱ некор аддзывлытӱм вен,
отсасынысӱ вӱрӱглы эз босытчыв
тасма кӱртас серпасалӱм ен,
сы вӱсна,
мый сӱйӱ — пезысь пезыс —
пезӱсьтны и волӱс югыд мир...
Танялысь, ме тӱда, сӱстӱм вежӱр
некор аслас сӱвестыс оз йир.
Нӱмӱй кежлӱ паметын и кольӱ
сӱйӱ, кыдзи дона сӱлӱм дой.
Сылӱн шоньд позӱын менам коли
война кадӱ волӱм медлӱнь вой.
Мед и кымӱр сайын ӱткодь лӱзӱн
лоас енӱж миян дӱнӱ бур...
Пӱкӱритны сӱстӱм мӱвпа йӱзӱс
му шар вылысь вынӱӱрыс оз сюр!

СЫКТЫВКАРЫН НЕКОР КУСЛЫТӨМ БИ

Миян карлөн тайё джуджыд нёрыссияныс, көні өні öзйö куслытөм би, 1941 воын гожея асылö ми чукöртчим мунны фронт вылö.

Ми вöлим унаөн,— батьяс да пиян,— Сыктывкарысь, Эжва да Сыктыв вожса сиктъясысь.

Пöшти нель во кыссис фашистъяскöд вир кистана тышыс. Некор эн вунöдöй, талун олысьяс, медым оз вунöдны выль нэмъясын олысьяс пöльяслысь да батьяслысь подвигö.

...Кывтасны вояс,
но сьöлöмад дойыд
некор, ме тöда,
оз бурд
на кузя, кодъяс
фашистъяскöд бойын
пуктисны
ассыныс юр.
Казьтывны кутас
пыр вежöдысь пуыд
бать-мамлысь
вунлывтöм шог:
куйлöны найö
лөнъ эрдывса гуын
бать, муса верöс
да вок.
Помнитöй найöс
да налысь быд вуджөр,
киподтуй,
синъяслысь сер.
Помнитас мед,
кодi сёрöнджык чужас,
нöйтiс кыз
миянöс шер.
Крепыда кутö
гвардейскöй застава

мирнӧй
 границалысь визь.
Усьӧмлысь подвиг
 да кувлытӧм слава
видзӧ быд сьӧлӧм,
 быд из.

Аддзанныд, сувтисны усьӧм верӧсьяслы, пьянлы да вокъяс-
лы ӧзтӧм би дінас мам, гӧтыр да чой. Найӧ сэки ставсӧ вӧчисны,
медым отсавны пасьвартны фашистьясӧс да матыстны Побе-
да лун.

Куим нывбаба некор оз вешйыны куслытӧм би дінысь.

...Ӧзйӧ куслытӧм би
 карлӧн медкыпыдінын,
кытчӧ веськалӧ пыр
 шонді югӧр да тӧв.
Чӧла сулалысь сэн
 куим нывбаба дінын
усьӧм войтырлӧн нимъясӧн
 мраморысь пӧв.
Тайӧ мыльк вывсянь
 мунісны батъяс да пьян,
сьӧкыд воясӧ вӧрӧгысь
 дорйыны му,
но эз бӧр локны
 гортаныс адын кодъ биысь,
муса мамъяс оз тӧдны
 быд бур пилысь гу.
Ӧзйӧ куслытӧм би
 ясыд лунӧ и войын,
зэр оз кусӧд,
 кӧть мыйта сӧдз ванас оз кой.
Куим нывбаба кынмисны
 шогысь да дойысь,
найӧ, кодъяслы
 синванас мыссьыны лой,—

муса мам,
дона гөтыр да чой.

Ме ачым вөлі фронт вылө мунысьяс лыдас, накөд тшөтш
кынмалі окопъясын да сьөлөмын видза налысь мөвпъяссө,
талунъя олысьяслы веськөдөм кывъяссө.

...Паметъысь вошөма важөн
кокниа кылалөм лун,
сөмын тай көдзыд блиндажөй
мыйлакө некыз оз вун.
Дзевсьывлім сэтчө сьөд войын,
неуна ланьтліс кор би,
ловъяяс,
кодъясөс бойын
пуля эз дойд либө ви.
Тшыналіс му джоджын пеша —
гильзаө топөдөм көв.
Сөрни кө пансьыліс этша,
сьөлөмным эз төдлы чөв...
Медбөръя вой, гашкө, шонтө
миянөс көдзыд блиндаж.
Ми бөрын кыз сэсся пондас
выль йөзлөн пуксьыны гаж?
Некор оз сет мортлөн вежөр,
мөвпалім, кыпөдны кось,
весиг и тыбокса эжөр
дой вөчны лоас зэв ёсь.
Ловъя ме... На водзын яндзим,
кодъяслөн оз кувлы ним,
кыла, кор ас синмөн аддза,
вевттё кыз енэжсө сім...
Мортөн мөй нимтанныд сійөс,
бара код дась кисьтны вир?
Ачыс мед Иуда пи моз
чегъялас пеж сьылідзир!



ПЌЛЬЯС ДА ПЌЧЬЯС

THE UNIVERSITY OF CHICAGO
LIBRARY

PHYSICS DEPARTMENT
5712 S. UNIVERSITY AVE.
CHICAGO, ILL. 60637



PHYSICS DEPARTMENT
5712 S. UNIVERSITY AVE.
CHICAGO, ILL. 60637
LIBRARY

Пöльяслы да пöчьяслы, кодъяс олісны-мырсисны да и öні оз шойчöдлыны кияссö.

Найö ставсö вöчисны, мый вермисны, вöчисны унджык сы серти, мый мортлы вынъяс сертиыс, некутшöм сьökыдлун да шог эз вермыны кусыньтны найös, пыр кужисны нюмъявны да шмонитны.

Пöсь аттö тiянлы, муса пöльяс да пöчьяс!

ПОБЕДА ЛУНÖ

Праздник луныд абу уна,
кодöс пасйыны оз вун.

Кыз нö стопкатö не юны,
воас кор Победа лун?

Пöльыс тшöтшöдыштіс тошсö,
быттö век на том да яр,
медым сійös пöчыс ошкас,
көть и абу генерал.

— Генералнад эськө лои,
эз кө сконъяв пез снаряд:
куим рана кокын-сойын,
плеш тыр чуқыр содтіс кад.

Пöчыс шмонитнытö кужö,
шуас да, он вунöd во:

— Пöсь утюглы сетлы уджсö, —
весиг чуқыр джын оз ло!..

Муса пöчыскöд оз вензы
би пыр, ва пыр мунöм морт:
— Юртö окала ме тэнсьыд,
кодi менам юрысь дзор!

МУСЛУНЫД ОЗ ПÖРЫСЬМЫ

Окасьнытö сэк тай лöсьыд,
кор тэ мича, том,
кöдзыд вом дорыд оз пöсьöд
пöрысьмöм жö вом.

Пöльсö пöчыс дiнсьыс вештö,
сывнас мед оз судз:
— Том кадад мед унджык эштiн,—
окасин, эн узь!..

Сюсьлун вöснаыс, дерт, сырмö
пöль чужöмын нюм:
кампетыдлөн, вөлöм, тырмö
нель вом дорлы юм.

Самöвар нин пызан вылас
да индийскöй чай.
Пöльлы пöчыс шуö:— Кылан,
ещö окышт вай!..

МЕДСЯ ЫДЖЫД ОЗЫРЛУН

Висьталасны пöрысь гозъя,
кöсьянный кö тöдны тi,
кымын налөн шоныд позьяс
бордьяссисны ныв да пи,

кымын челядь быдмө налөн
өні, муса внучка-внук...

— Тшөткисө вай вештыв талань,—
шуас пөчлы пөль:— Да кут
отсасьны тшөтш меным... Эштан!..

Чужтавны тай вөвлін лют!..

Сэссия гыжйыштас дзор тошсө:
оз, оз аддзы лыдлы пом...

— Кодөскө ме, быттьө, вошти?..

Восьтлы өтчыдысь көть вом!..

— Эз өд весьшөрө медальтө
сетны меным, муса пөль...

Сөмын сійө меным жальыс,
коді челядь гажнас гөль.

МУСА ПӨЛЬ ТОММӨДЧӨ

Парикмахерскөйө пырис
миян муса пөльным кор,
мича нывлы шуис:— Шырөй,
мед ог ло ме ёна дзор...

Мастер нюммуніс:— Кызд колө:
полубокс, а, гашкө, бокс?..

Медым сё во видза олан,
сёысь татчө вайлас кок!..

Пөльным зептас кисө суюліс,
видліс, мый сэн сёлөн эм...

— Со тай, аддзанныд, мый куйлө...

Абу уна... тырмас мем...

өкмыс дасөд арөс тырас,
регыд, кылан али он?—

Юрсіөс да-й тошкөс шырөй
комын вит көпейка дон!

СӨВЕТ ДА ЛЮБОВЬ

Кутшом сөмын оз во мөвп.
миян пөльлы юрас.
Шуө пөчлы: — Шогтө чөвт,
радейт физкультура!..
Даддяд медводз пукся ме,
а тэ кыскы-төлөд,
мыйта вын-эбөсыд эм,
миян Эжва пөлөн...
Пөчлы сюрө воча кыв,
оз ков ёна корсьны:
— Важөн абу ичөт ныв
дадьнад тэкөд ворсны...
Весь олігад лишнөй гос,
аддза, мыйта чөжин...
Бурджык вөлі, эн кө ворс, —
чипан колькъяс пөжин!

ВӨРӨ ВЕТЛОМ БӨРЫН

Вөрысь ёна мудз да тшыг
пөльыс гортас воис,
куим тасьті көдзыд шыд
шонтытөгыс сөйис.
— Паньтө пуктыв, — броткө пөч, —
да көть өтчылд лолышт...
— Ассьыд, мый тэд колө, вөч,
сөмын чөла олышт!..
Нельөд тасьті рекмис кор,
пөльлөн нюмыс кисьмис:
— Öнi тэнö ог нин торк, —
мый көсйылін, висьтав...
— Мыжа, шуа, Петрөван,
шыдтө эг кө койышт:

ыджыд китыр төрөкан
яй пыддиыд сөйин!..

ПӨЛЫС МӨДЫСЬ ВЕТЛІС ВӨРӨ

Пөльыс мөдысь ветліс вөрө,
сэтысь локтіс ёна тшап:
пөчлөн пачас өдва төрис
ыджыд наберушка тшак.
— А мый колис, — сійөс жарит, —
шуө пөчлы, — да и пу...
Вотөмтортө ме ог жалит,
базар вылас ог жө ну!
— Вузавнытө, дерт, он петкөд, —
вочавидзө муса пөч:
— Аддзан, кымын лёльө ветлө,
госа порсьниян кодь стөч...
— Найөс, кодъяс вылө индан,
уджыд абу кө, вай кый,
а ме лёльөнад ог виньды, —
рачад оз ков тэчны вый!

ӨДЪЯ ПЫВСЯНЫН

Ичөт сиктад өдйө кывсьө,
коді мый сөмын оз вөч.
«Со пө ломзьөдөма пывсян
аслас пөльлы Дарья пөч!»
Пөльлөн киня улас корөсь,
мыйөн чышкис пывсян көдж...
— Корөсь вылас, пөч, эн норась,
пөсь гор вылад бура пөж.
— Корөсь пыдди гөлик вайин?.. —

пöчлөн чужом лоис руд.
— Мыштö зудьялан кö тайон,
куим во сэся оз луд!

* * *

Аслас пöльлысь пывсян мода
бура тöдö Дарья пöч:
полок вылö каяс, водас,
нюжöдчас, кыз лөвтысь кöч.
— Пеля шапка суй вай юрö, —
шуас: — Кушенча вай гоз...
Чорыд корöсьнас зэв бура
сэся кырсяс лишнöй гос.
Пывсян жарас позьö пöдны,
но оз миян пöльным пöд!
— Тырмас гогнасьнытö... — мöдлас
сийöс öлöдыштны мöд,
но он öлөд: — Нярьöм куой
меным ньöти абү жаль...
...Талун тшöтш и пöчыс нуö
пывсянас приданнöй шаль.

ПÖЛЬ ЧЕРИ КЫЙÖ

Юква вылö чери кыйны
пöльлы юрас усьлі мөвп,
но оз висьтав, кыз да мыйла
воштіс коксьыс кöмкот пöв.
— Вина юин, тöдчö, войнад, —
ропкис пöчыс: — Бур, эн вöй!..
— Чери кыйгад эг йöймы,
а тэ пöрысь рунад йöй...

— Мися, сапөг пöлыд көнi?..
— Кыла, абу öд ме нöш:
кулöм сюрöс помын öнi,—
нетшыштiсны көмöс тшöтш...
Но ог жалит воштöмторйöс...
Ачым содта сира пес
сэк, кор пуны кутас воръяс
гусясьысьöс васа бес.

ПÖРЫСЬ ГОЗЪЯ ЮКСЬÖНЫ

Гозья костын кузь нэм чöжныс
сöмын öтчыд лыблис зык,
öти вольпась пыдди пöжны
налы ковмис торъя кык.
Сэтшöм, сийö — пöрысьлуныд!
— Войбыд шкорган,— броткö пöч,—
быттö трактор вылын мунан
нырнад гөрны...
— Сэтшöм стöч,—
вочавидзö,— шкорган ладыд,
кыскан нырад бус и ёг...
Сидзкö, колис кувсян кадöдз
сöмын юксян öти мог?
Гозья юкисны... Эз дзикöдз,
эз ло тыртöм налөн койт:
найöс важ моз муслун йитö,
сöмын торйöдлö... съöd вой.

НЮМЫД МЕДБУР ЛЕКАРСТВО

Видзалунныс эз көть чинышт,
зарни свадьба водзас стöч,

медводдзаысь доктор дінö
мөдөдчисны пöль да пöч.
— Тiян карточканыд кöнi? —
корсьö, но оз аддзы врач...
Гозъя сулалiсны öнi
техосмотр вылын моз нач.
— Кутшöм нö лекарство видзö
тиянöс öкмысдас во?
— Бура олiгад оз вижöд, —
шуö пöльыс, — мортлөн лов...
Висьöм сибöдчыны полö,
збыльысь, кор лекарство эм:
нүмъялöмөн пыр ми олам,
эг на лёкöдчылöй нэм.

ЗАРНИ СВАДЬБА

Пöрысь гозъялөн усадьба
мазi поз кодь лолiс дзик:
пöчлысь-пöльлысь зарни свадьба
пасйис налөн чужан сикт.
Татшöм лунö сур да вина
водзтi киссьывлiс, кыз шор,
но, а миян пöль ас дiнас
вина гагъястö эз кор.
— Сöмын бур войтыркöд любö
кольöдыштны шуда кад, —
шуис пöчлы: — Миян клубын
лоас сöмын лимонад!..
Пöчыс эз эськö, дерт, пыксьы
дарйöдыштны курдöм вом:
— Месö кöть и ог нин тшыксьы,
но да ладнö... Пом кö — пом!

ОЗЫРЛУН ЙЫЛЫСЬ СЁРНИ

Төвнад, овлө, нинөм вөчны,
рытыд-войыд вывтi кузь,
телевизор дiнад пöчным
вой шөр войөдз оз жö узь.

Олөм-вылөм йылысь сёрни
пöлкөд бара панас пöч:
— Дона мебель ньöбны сёрним,
сэссия мый кöть öнi вöч...

Озырлунла йөзлөн потö
керка пытшкөсас быд жыр...
Сөмын миян тэкөд... со тай
донтөм лөптыс юр выв тыр!

Пöлыс дөзмö:— Оз пет вежöй...
Ставыс бур, мый миян эм.
Гусясьömөн ме эг пежась,
муна веськыд туйөд нэм.

Меным оз ков ёна бөрдны,
кодъясны кор дзескыд гу.
Сийö, кодi ёна гөрдлө,
сьөрсьыс нинөм жö оз ну.

ШОГЫД КЕРКААД КÖ ПЫРАС

Шогыд керкаад кö пырас,
нинөм нин он вöч...
Олан выныс дзикөдз бырис,
кувны водiс пöч.
Пöлыс ассьыс шудсö ёрис,
бөрдөмысь эз пов,

висьысь гөтыр крөвать дорас
енсянь милөсть ёна корис:
— Дарьюшкаой, ов!..
Дарья важөн куйліс чөла,
воштывліс юр садь,
век жө, тшөктіс аслас сьөлөм
шуны кыв-мөд тадз:
— Бокад ёнатө эг ветлыв,
но кор эг ло ныв,
додь вож костсыд кыкысь петлі,
кора... прөща кыв..
Пөльыс чеччыштөмөн сувтіс,
өгыр кодь кык түв
дзирдыштисны синкым увсянь:
— Виа, он кө кув!..

ОВНЫ КУИМ НЭМ

Пөчыс садь быртөдзые повзис,
джоджас гатшөн чуть эз усь:
сылөн муса пөльыс ловзис,
юрсө кыпөдіс, кызд сюзь.
— Кувны, пөчөй, лои дыш на...
Колө олыштны на... Вай
свежөй вала өдйө пыщйив,
пыр пузьодам крепыд чай..
— Пөръявлан тэ менө мыйла, —
кувны лөсьөдчин — эн кув!.. —
пулемётысь моз жө лыйліс,
бура дыр на пөч эз сувт.
— Пөръясьөмысь кора прөща, —
сэтшөмтор оз лөсяв мем, —
тэкөд нин, кызд шуліс тьөща,
ковмас овны ассьым нэм!

ЧЕЛЯДЬНЫСЛЫ БУР СИӨМ

Митингуйтöны дзор гозъя
öни оз нин важ моз яра,
кöть и асланыс бур позъяс
пöчыс пöльсьыс овлö варов:
— Уджын олöм колис мяян,
тöдлим бура мырсянлунсö.
Öни пияннымлөн пиян
перъясны мед озырлунсö.
— Озырлунсö, шуан?..— пöльыс
воча пöчлы зiля сувтiс:
— Некор челядьнымöс гöльлун,
бура тöда ме, оз вильöд...
Медым сöмын чужан мусö
радейтiсны мамсьыс ёна
да мед налөн татшöм муслун
шондi кустöдзыс эз помась!

ПÖЛЬ МÖДÖДЧИС КУРОРТÖ

Миян пöль эз петав гортсьыс
вель уна нин во,
кытчöдз лунвывса курортö
туй сылы эз ло.
— Ветлы,— шуисны,— да шойччышт,
дона ветеран,
пöрысь гöтырыдлөн койтыс
оз на кöдзав тан!
Пöльным нюммунис да сöвтны
кутiс ыджыд поп,
кыдзи важөн руга* кöвтiс
миян сиктeа поп.

* Руга — нянь, кодöс чукöртö крестьяналысь поп.

— Самолётыд, — шуис, — нуас,
шогсыны оз ков.
Эм кө аслад сёян-юан,
ковмас сёмын сов.
Менам сэтчөс ёрт пыр ыстө
яблөг, виноград...
Мешөк картопель ме кыска,
медым лоас рад!

ЫДЖЫД ЧИНА МОРТ

Сідзкө, ёна жө нин ыджыд
мена м чин,
весиг сетёны кө пыжын
пуксянін.
Мед автобус өдва уйө,
йөзөн тыр,
ме ог сулав ылыс туяд, —
абу мыр!
Самолётыд кымөр сайөдз
төвзяс мед,
лоа сынөдлөн лөз раяд
медводз ме.
И министрөс оз ну бокө
тэрыб кок, —
кутлас менө, кызди вокөс
кутлө вок.
Татшөм ыджыд, шуа, ёртъяс
мена м чин...

Миян му вылын дзор мортлы
медбурин!

МИЯН ПӨЛЬ

Миян пөльным вөвлі гөль,—
сөмын чер да пила...
Аслас нэм чөжыс бур пөль
весиг пытш эз вилы.
Кутас кө нин,— оз на сюр!—
ёна тэрыб пытштө,
черөн-пуртөн сылысь юр
оз на өд и тшытшлы,—
гөтыр крөватьланьыс пыр
кок чунь йылас педзас
да оз мөвпав ёна дыр,—
эшкын улас лэдзас...
Мыжа ачыс вөлі пөч
да эз элясь-боргы:
куим верст ылнаөдз стөч
кыліс сылөн шкоргөм.

КУРЫД КУШМАНЛЫ ОШКАНА КЫВ

Пызан вылын курыд кушман
тертукаөн зырттөг рушмө,
оз чезыртөд ныр,
а өд менам пөчлөн-пөльлөн
еөлі озырлун и гөльлун
буретш сійө пыр.
Кытысь вөлі налы яйыс,
эз кө усьлы сылөн пайыс
кушманысьсө бур?
Тшакөн, пувйөн, азя шыдөн
содтылісны сэсся быдөн
пызан вылас нур...
Мисө лоим вывті тшапөсь,
уджалігөн новлам шляпа,

корсям сӧмын яй,
кӧть и медбур ресторансӧ
миян кушманьд оз янӧд,
оз кор куим шайт.
Талун бара кушман зырта,
медым синваӧс пыдзыртлас,
нюмъяла, ог бӧрд.
Мед шуасны: юис вина,
(тыпу-тыпу, — эз на гуӧ инась!)
ныр йылӧй кӧ гӧрд.

ПӐРЫСЬ ЙӐЗЛЫ ПРИЮТ УЛЫС ЧОВЙЫН

Пӧрысь йӧзлы приют
Улыс Човйын,
мӧд ног шуны кӧ нин —
интернат,
кӧнӧ нэм помӧдз
тӧждысьтӧг овны .
эськӧ ачым тшӧтш
вӧлӧ зэв рад.
Ӧтнас пӧрысь пӧч
эндӧма важӧн,
ветеранлы оз тырмы
мӧд кок...
Эз кӧ вӧв тани
кыпыд да гажа,
дзор учительыд
эз жӧ, дерт, лок.
Кодкӧд сӧмын
тэ тани он аддзысь,
олӧм сертиыс
кодӧс он тӧд!
Чорзьӧм киясас
бырлывтӧм гаддыс

ставлы ӧтмоза
лоӧма рӧд.
Государство советской
тэ миян!
Пӧсьджык кывъяс
ме корсьны ог куж
аттӧ висътавны,
эг кӧ вӧв пиӧн
да эг тэнад
пӧсь эрд вылад чуж.
Пӧрысьлунсьыд
он некытчӧ пышйы,
кӧть и сувтӧдлан
ас водзад мог...
Райын олысьяслӧн
синъяс пытшкысь,
век жӧ, казяла
шыасьтӧм шог.
Вежон помын,
кор шойчӧны быдӧн
да оз тэрмасьны
эновтны поз,
пӧрысь йӧз
абу шойчысьяс лыдын,
найӧ садьмӧны
быдӧнысь водз;
найӧ дзоргӧны ӧшинь ув йӧрсянь,
оз-ӧ пи либӧ ныв
налӧн лок?..
Оз-ӧ медичӧт
сьӧлӧмшӧрсӧ
татчӧдз вайӧдлы
сӧвмыштӧм кок?..
Но оз кывны
бур нывъяс да пиян
пӧрысь бать-мамлысь
инасьтӧм дой...

Чöла чышкалö пöч
дзöран кинас
чужöм вывтiыс
исковтан войт...
Муса челядьлысь
нинöм оз корны
найö,
кодъяслөн помасьö нэм...

Позьö му вылад
унатор ёрны,
сöмын челядьлы
прöща пыр эм!

ЮРИНДАЛЫСЬ

Пёсь аттё, сиктын олысь морт

«Мед шонді дзевсис...»	5
Ме вöвлі крестьянин пиөн	6
Наставникъяс	7
Му вöдитысь садьмө водз	9
«Абу майын на төвлөн помыс...»	10
Тэнад кырымпас	11
Войвывса грездлөн серпас	12
Сьылысь зэр	12
Еджыд руа войын фермаö мунігөн	13
«Му кө гөрліи...»	14
Войся шоньд зэр бöрын	15
Турипувла ветлі нюрö	16
Розъялö пув	17
Пожöма ягын	17
Асья нюм	18
Тöлыся войö	19
«Мича джодждöра ог ньöб...»	19
Дöваяс	20
Нюмъялö тувсов шонді	21
Муслун	22
Миян нывъяс	23
Небесаö зарни тöлысь петöма	24
Асья кыа	25
Көлипкайлөн сьыланкыв	26
Тувсов сьыланкыв	26
«Шогла воштыла садьöс...»	27
Вöрса ты дорын	28
Тувсов вой	29
Няньыд-солыд водзöса	29
Сьёлөм висьö	30
«Важөн керка тшуплісны...»	31
Косьювомын	32
Ичöt сикт	33
Турун идралан асылö	34
Яй жöритысь	35
Эн ышмы тэ, шофёр!	36
Кодзувъяс, кодзувъяс...	37
Олöй дзоньвидза да бура!	39

Вина гаг	41
Сѳт мешѳк	41
Дыр кѳ овны кѳсян	42
Прилавок дорын	43
Приданнѳй мѳс	44
Туйѳ кор гортысь петі	45
Сибирак	45
Важ туйс	46
Пѳрысь лесник	47
Арся свадьбаяс	49
«Тѳрмась, мый кѳсийлін вѳчны...»	50
Менам пачѳй ломзѳѳ дыша	50
Кыз пу улын	51
Бать-мам да наѳн энѳвтѳм челядь йылысь	52
Петшѳр	53
Ас чужан муѳ ылі туйысь воим	54
«Кодлѳнкѳ киясас бара...»	55
Сигудѳк	55
Печора вылын	56
Медся сѳѳкыд	57
Важ олѳмысь сернас	58
Менам козинъяс	59
Пѳрысь морт	60
Энѳвтѳм керка	60
Кузь туй вуджигѳн	61
Пѳрысь мам	62
«Пелысьлысь алѳйгѳрд розъяс...»	62
Сѳѳлѳмын муслун	63
«Кѳтѳртла рас вылѳ дивѳла...»	63
«Мый тѳныд козьнавны...»	64
«Тѳнад ѳшиньсыд кусі биыд...»	64
«Шонді кымѳр сайѳ пырис...»	65
«Вата кодъ лым...»	65
«Тѳлын ставыс еджыд...»	66
«Енѳж тыр ѳзйѳны кодзувъяс...»	66
«Рытя кыа биѳур дорысь гѳрд...»	66
«Кыз пулы морѳс вылас...»	67
«Важѳн нин ылыс раскысь...»	67
«Тасянь матын кодзыд полюс...»	68
«Му вылын колльѳдам...»	68
«Лымйѳн тѳбсьѳм рас да ёль...»	68
«Эм кѳ зѳптад истѳг тув...»	69
«Сѳті, кытчѳ коркѳ волім...»	70
«Лызыяс вылын лѳчыд тѳвлы паныд...»	70
«Кузь туйѳ петавла шѳча...»	71
«Вѳр ді сайын уна тыяс...»	72

«Водз тулыс дзик жё сёрмём ар кодъ...»	72
«Бур тулыс воывлё зэв геждода...»	73
Сиктса серпасъяс	73
«Ыбъяс вылысь...»	73
«Гожём помын овлө сэтшөм кад...»	74
«Кор тулыс воас Эжва дорё...»	74
«Бордъя кыа важён кусі...»	75
«Сикт весьтö лэччис еджыд ру...»	75
«Льём пу йылысь гижисны нин уна...»	76
«Арся вөрлөн рөмъяслы пыр радла...»	76
«Бипур дорын, тыдалö, ме чужи...»	77
«Эз этша нин кывбуръяс тулыслы гижны...»	78
«Ог пов лысваён көтасьны...»	78
Кык шог	78
«Норасьö, ме кыла...»	79

Сьёлöмын муслун

В. И. Ленинлы памятник Интаын	83
Медводдза эзысь шайт йылысь баллада	84
Ленин лыддьö «Гöрд Печора» газет	85
Рöдина карта дінын	86
Тэнад партбилет	87
Воркутаса «Русь» ресторанын	88
Ог вермы чöв овны	90
Эфиопиялөн зарни щит	91
Сибирын эм дас вит Зыряновск	93
Кызь öтиöd нэмын олысьлы	94
Печораса юква	95
Канин нырдын кар	96
Бать лызь вылын	97
Коми ань	98
Полярнöй кытш дорын	99
Арся вой Усинскын	99
1984 вося номйöсь гожём	100
Ошвор	101
Миян чужан му — СССР	103
Зарни чунькытш йылысь	104
Коми нывбаба лунвылö муніс	106
Еджыд вой Воркутаын	108
Печораса шонді	109
Шкипер	110
Кык керка	111
БАМ стрöитысь коми нывлы	112
Выль вося новоселье	113

Вуктылын нелямын градус	114
Вой төв нэмъяс кутас сывны	115
Лая ты дорын	116
Усва дорын	117
Илыч йылын	117
Печора йылын	118
Узьтөм вой	119
Финнъяслөн пывсян	120
Төвся керкаын	121
Шуда ягын	122
Юхнинлөн сьөлөм	123
Сөвесь	123
Выль वोся войо	124
Чернобыльса рана	125
Квайт сус ну	126
Важ олөмлы намятник	128
Арся зэр улын	129
Поезд мунö Киево	130
Пицундаын	132
«Тэнад синкымыд...»	132
Кывбур, кодi чужис больничаын	133
Муыввса войтырлөн сад	134
Бештау дорын	135
Лыжион и подон	136
Карса топольяс	136
«Тоцольлөн виждөм коръяс...»	137
Озырлун	137
Парма пасъяс	138
«Төвся вöрын вывти кодзыд...»	139
Пулэбач	140
Тундраын выль кар	141
Сыня посёлокын концерт	142
Нывбаба муслун йылысь	143
Чойлөн письмö вылө воча кыв	144
Мынтытөм уджйöз	146
Докторлы, кодöс виис рак	147
Эньты дорын	148
Менам Муза	149
Көть зэр, көть лым	150
Бур вöчны эн падмы	151
Парма шор дорын	151
Нюмъялö шондi	152
«Эн сет асьтö лоны дивитанторйон...»	153
Медыджыд мыж	154
Война кадся лөнъ вой (лирической поэма)	156
Сыктывкарын некор куслытөм би	166

Пӧльяс да пӧчьяс

Победа лунӧ	171
Муслуныд оз пӧрысьмы	172
Медся ыджыд озырлун	172
Муса пӧль томмӧдчӧ	173
Сӧвет да любовь	174
Вӧрӧ ветлӧм бӧрын	174
Пӧльыс мӧдысь ветлис вӧрӧ	175
Ӧдя пывсян	175
«Аслас пӧльысь...»	176
Пӧль чери кыйӧ	176
Пӧрысь гозъя юксӧны	177
Нюмыд медбур лекарство	177
Зарни свадьба	178
Озырлун йылысь сӧрни	179
Шоныд керкаад кӧ пырас	179
Овны куим нэм	180
Челядьныслы бур сиӧм	181
Пӧль мӧдӧдчис курортӧ	181
Ыджыд чина морт	182
Миян пӧль	183
Курыд кушманлы ошкана кыв	183
Пӧрысь йӧзлы приют Улыс Човйын	184

Серафим Алексеевич Попов

ПОД СЕВЕРНЫМ СИЯНИЕМ

Стихотворения

На коми языке

Редактор *А. В. Некрасов*, Художник *А. М. Гаранин*, Художественный редактор *В. Б. Осипов*, Технический редактор *А. Н. Вишнева*, Корректоры *М. М. Дейнега, Т. А. Гудырева*.

ИБ № 1219

Сдано в набор 23.10.87. Подписано в печать 04.02.88. Ц03143. Формат 70×90¹/₃₂. Бумага № 1. Гарнитура «Обыкновенная новая». Печать офсетная. Усл. печ. л. 7,02; усл. кр.-отт. 10,53; уч.-изд. л. 8,22. Тираж 2000. Заказ № 8574. Цена 1 р. 10 к. Коми книжное издательство. 167610, г. Сыктывкар, ул. Карла Маркса, 229.

Республиканская типография Государственного комитета Коми АССР по делам издательств, полиграфии и книжной торговли. 167610, г. Сыктывкар, ул. Первомайская, 70.

